

Ulloq: 7. juni 2023
Allaffik: Nordatlantkontoret
Sulia.sul.: Julie Kjærulf Skjellerup
Suliap normua.: 2021-490-0325
Takussutissiaq: 2871753

**Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinneqarnerat
pillugit inatsisissatut
siunnersuut**

(Digitaliusumik innarliisarnerit akiorneqarnissaannut suliniuitit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutiningortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarlni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuvisinnaannginneranik atornerluineri il.il.)

§ 1

Inatsimmut nalunaarut nr. [...], malillugu Kalaallit Nunaanni pinerluttulerinermi inatsimmi allannguutit tulliuttut suliarineqassapput:

- 1. § 77, imm. 1-imi, oqaaseqatigiit aappaattut ilanngunneqassaaq:**
»Inummik pinerluttuliortumik allaasorinnej tunngavigalugu malunnaarsaarlni atoqatiginnittumut allatulluunniit kinguaassiuutitigut atassuteqartumut, tamanna aamma atuuppoq.«
- 2. § 77, imm. 2-mi, oqaaseqatigiit aappaattut ilanngunneqassaaq:**

»Inummut 22-inik ukioqalereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiuutitigut atassuteqartut aamma taanna atuuppoq.«

3. § 78, imm. 2-mi oqaaseqatigiit aappaattut ilanngunneqassaaq:

»Atoqateqarniarluni allatulluunniit kinguaassiuutitigut atassuteqarniarluni, upperisarsiortut aqtsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuisinnaajunnaarluni atassuteqarneranik, upperisarsiortut aqtsisuata ingasattumik atornerluineranut tamanna assinganik atuuppoq.«

4. § 80, imm. 2-mi, »allatulluunniit atoqateqarnikkut pissusilersortoq«-p kingorna ilanngunneqassaaq: »atassuteqarnerit kanngunarsaataasut atorlugit piitaajuitsuussusianik innarliisoq.«

5. § 81-p kingorna ilanngunneqassaaq:

»§ 81 a. Pinerluttuliortup eqqunngitsuliorfigineqartumut kinguaassiuutitigut imminut iliuuseqartitsinerani aalajangersakkat §§ 77-immiit 81 ilanngullugu taamatuttaaq atorneqassapput.«

6. § 82, imm. 1-imi, »pornografiimi« ima allanngortinneqassaaq: »kinguaassiuutitigut tunngasumik.«

7. § 82-ip kingorna ilanngunneqassaaq:

»§ 82 a. Pineqartup ukiui pinerluttuliortup nalunngikkunigit, imaluunniit tamatumunga tunngatillugu mianersuatsuliorluni iliuuseqaruni, inuk, systematiskiusumik imaluunniit uukapaatitsiniarluni ukiuni misilitakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni, pineqartup kinguaassiuutitigut pinerluttuliorfigineqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqkartuunneqassaaq.«

8. § 85, *imm. 1-imi* »Pornografiimik meeqanut tunngasumik« ima allanngortinnejassaaq: »Inummik inuusuttumik kinguaassiuutitigut innarliinermut tunngassuteqartunik siaruarterinerit« aamma »assinginik imaluunniit filmilianik assigisaanilluunniit takusassianik pornografiskiusunik siaruarterisoq« ima allanngortinnejassaaq: »atortussat inummut kinguaassiuutitigut innarliinermut tunngassuteqartut, soorlu assit, filmiliat, atortussallu allat assilillugit sanaqqitat,«.

9. § 85, *imm. 2-mi*, »Taamatuttaaq pineqassaaq« ima allanngortinnejassaaq: »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunnejassaaq«, aamma »assit pornografiskiusut imaluunniit filmiliat, atortussanik inunnut kinguaassiuutitigut innarliinermut tunngassuteqartunik takusassianik allanik assigisaannilluunniit assilillugit sanaqqiinerit« ima allanngortinnejassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

10. § 85, *imm. 3-imi* »assit, filmiliat assigisaalluunniit« ima allanngortinnejassaaq: »atortussat inunnut kinguaassiuutitigut innarliinermut tunngassuteqartut«.

11. § 85, *imm. 4-mi* »assinginik pornografiskiusunik, filminik assigisaanilluunniit« ima allanngortinnejassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit«.

12. § 93, *imm. 1-imi* aamma *2-mi*, »pornografiskiusunik« ima allanngortinnejassaaq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu« aamma »pornografiskiusunik« ima allanngortinnejassaaq: »kinguaassiuutitigut«.

Inatsimmut nalunaarut nr. [...], malillugu Kalaallit Nunaanni eqqartuussisarnermik inatsimmi allanngut tulliuttoq suliarineqassaaq:

1. § 333, *imm. 1-imi, oqaaseqatigiit siullerni*, »§ 77-81,«-ip kingorna ilanngunneqassapput: »§§ 77-81 malillugit § 82 a«, aamma *oqaaseqatigiit aappaanni*, »§§ 74 aamma 77-81« ima allanngortinneqassapput: »§§ 77-81 aamma § 84 a malillugit § 74, §§ 77-81, § 81 a«.

§ 3

Inatsit ulloq [1. juli 2024] atuutilissaq

Inatsisissatut siunnersuummut oqaaseqaatit

Oqaaseqaatit nalinginnaasut

Inatsisissatut sunnersuutip imaata allassimaffia

2. Inatsisissatut siunnersuummi immikkoortut pingaarcerit

2.1. Isumapiloqarneq tunngavigalugu tatiginnilersitsiniaaneq, grooming

2.1.1. Inatsisit atuuttut

2.1.2. Digitaliusumik innarliisarnerit pillugit suleqatigiissitat isumaliutiginninnerat

2.1.3 Inatsiseqarnermut ministereqarfiup isumaliutiginninnera

2.1.4. Aaqqissuussineq siunnersuutigineqartoq

2.2. Taama piumanani imminut kinguaassiuutitigut iliuuseqarnerit

2.2.1. Inatsisit atuuttut

2.2.2. Digitaliusumik innarliisarnerit pillugit suleqatigiissitat isumaliutiginninnerat

2.2.3. Inatsiseqarnermut ministereqarfiup isumaliutiginninnera

2.2.4. Aaqqissuussineq siunnersuutigineqartoq

2.3. Isumapiloqarneq tunngavigalugu tatiginnilersitsiniaanermik, grooming-imik eqqugaasunut aamma taama piumanani imminut kinguaassiuutitigut iliuuseqarnerit pillugit illersuisumik ivertitsineq

2.3.1. Inatsisit atuuttut

2.3.2. Inatsiseqarnermut ministereqarfiup isumaliutiginninnera

2.3.3 Aaqqissuussineq siunnersuutigineqartoq

2.4 Inunnik 18-it inorlugit ukiulinnik, pinerluttuliortup ilinniartitassatut perorsagassatulluunniit paarisassatut tatigineqarluni tigummiaanik il.il. kannguttaalliorfiginninnej

2.4.1. Inatsisit atuuttut

2.4.2. Digitaliusumik innarliisarnerit pillugit suleqatigiissitat isumaliutiginninnerat

2.4.3 Inatsiseqarnermut ministereqarfiup
isumaliutiginninnera

2.4.3 Aaqqissuussineq siunnersuutigineqartoq

2.5. Pinerluttulerinermi inatsimmi §§ 82, imm. 1-ip, § 85, imm. 1-ip, 2-p aamma 4-p, aamma § 93, imm. 1-ip aamma 2-p

Nutarterneqarnerat

2.5.1 Inatsisit atuuttut

2.5.2. Digitaliusumik innarliisarnermit pillugit suleqatigiissitat isumaliutiginninnerat

2.5.3. Inatsiseqarnermut ministereqarfiup isumaliutiginninnera aamma aqqissuussineq siunnersuutigineqartoq

2.6. Malunnaarsaarluni atoqateqarnerup pinngitsaaliiertut pinerluutinngortinneqarnera

2.6.1. Inatsisit atuuttut

2.6.2. Inatsiseqarnermut ministereqarfiup isumaliutiginninnera

2.6.3. Aaqqissuussineq siunnersuutigineqartoq

2.7. Meeqjanik atoqateqarneq pillugu pinerluttulerinermi inatsimmi § 77, imm. 2-p allanngortinneqarnera

2.7.1. Inatsisit atuuttut

2.7.1.2. Pinngitsaaliineq pillugu pinerluttulerinermi inatsimmi § 77

2.7.1.3. Eqqartuussut pinerloqqinngikkaanni
naammassineqartussaanngitsoq, katsorsarneqarnissamik
piumasaqaatalilik

2.7.1.4. Meeqqamik 15-it inorlugit ukiulimmik allatut kinguaassiuutitigut
atassuteqarneq pillugu suliani unnerluussisoqannginnissaas

2.7.2. Inatsiseqarnermut ministereqarfipsumaliutiginninnera

2.7.3. Aaqqissuussineq siunnersuutigineqartoq

2.8. Upperisarsiorput pinngitsuisinnaannginnerannikingasattumik
atornerluineq

2.8.1. Inatsisit atuuttut

2.8.2. Inatsiseqarnermut ministereqarfipsumaliutiginninnera

2.8.3. Aaqqissuussineq siunnersuutigineqartoq

3. Naalagaaffiit Peqatigiit nunarsuarmut anguniagaasa
naammassineqarnissaannut kinguneri

4. Naligiissitaanermut kinguneri

5. Pisortanut aningaasaqarnikkut kinguneri aamma atortuulersitsinerup
kinguneri

6. Inuussutissarsiorput il.il. aningaasaqarnikkut allaffissornikkullu
kinguneri

7. Innuttaasunut allaffissornikkut kinguneri

8. Silaannaap allanngoriartorneranut kinguneri

9. Avatangiisinut- pinngortitamullu kinguneri

10. EU-mi inatsisitigut tunngassuteqartut

11. Oqartussat suleqatigiiffiillu il.il. tusarniaaffigineqartut

12. Immersugaq eqikkaaffiusoq

1. Aallaqqasiusut

Qanittumik aamma aaqqiissutissiinissaq sammivilgalugu naalakkersuisut Kalaallit Nunaannik suleqatiginninnissamik kissaateqarput. Taamaammat ilaatigut Kalaallit Nunaanni qallunaat akisussaaffigalugit suliassaqarfii ni tamanut atugassiat Danmarkimi tamanut atugassianik malinninnissaat – nunat akornanni pissutsit immikkut ittut assigiinngissutillu ataqqillugit – naalakkersuisut sulissutigaat.

Suliamut tassunga ilaatillugu, Naalakkersuisut kissaateqarnerat malillugu, inatsisisstatut siunnersuut Inatsiseqarnermut ministereqarfiup suliarisimavaa, taannalu pinerluttulerinermi inatsimmi kinguaassiuutitigut pinerluttuliorerit pillugit kapitali 18-imni allannguutinik arlalinnik imaqarpoq, matumani isumapiloqarneq tunngavigalugu tatiginnilersitiniaaneq, grooming, pillugu inerteqquteqarneq, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarnerup pinngitsaaliinermut naligiissinneqarnera, aamma atoqateqarniarluni allatulluunniit kinguaassiuutitigut atassuteqarniarluni upperisarsiortut aqtsisuata upperisarsiortut pisariaqartitsinerannik imaluunniit pinngitsuuisinnaannginneranik atornerluinerata pinerluutinngortinneqarnera.

Digitaliusumik innarliinerit assersuutigalugu kinguaassiuutitigut imaluunniit atortussat innarliinermut atorneqartut allat atorlugit avitseqatigiinnerit, digitaliusumik ineriartornerup kingunerisaanik annertusiartortumik ajornartorsiutinngorput aamma tassaallutik amerlavallaanut, ingammik meeqqanut inuusuttunullu, kissaatigineqanngitsumik atugarineqartartut. Tamatuma peqatigisaanik internetti soqtiginnilersitsisunik, suliniuteqarfiusunik assigisaannillu aallaavinnik pilersitsisimavoq, taakkulu inersimasut, meeqqat inuusuttullu kinguaassiuutitigut innarlerneqarnissaat siunertaralugu, meeqqanik inuusuttunillu eqqortiasinnaasunik ajornannginnerujussuarmik attaveqarsinnaanngortissimavaat. Taamaattoqarnerata saniatigut, ingammik meeqqat inuusuttullu sextortion-imik taaneqartartumik

atugaqartinneqartartut pillugit assersuutissaqarpoq, tassani tamataqarani assit assigisaalluunniit avitseqatigiissutigineqarnissaat siorasaarutigalugu meeqqat inuuusuttullu pinngitsaalineqartarlutik.

Qallunaat pillaasarnermik inatsisaanni allannguutit marluk inatsisissatut siunnersuutip tunngavigai, taakku ilaatigut tassaapput pillaasarnermik inatsisip il.il. allanngortinneqarneri pillugit inatsimmi nr. 226, 15. februar 2022-imeersumi (meeqqanut kinguaassiuutitigut innarliisarnerit akiorniarlugit suliniutit patajaallisarneqarnerat aamma kinguaassiuutitigut innarlerneqarnermik eqqugaasunut siunnersuisarnerup patajaallisarneqarnera), ilaatigullu tassaalluni pillaasarnermik inatsisip aamma eqqartuussisarnermik inatsisip allanngortinneqarneranik inatsisit nr. [...] (digitaliusumik innarliinerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, malunnaarsaarluni atoqateqarnerup pinngitsaaliinermut naligiissinneqarnera, atoqateqarniarluni allatulluunniit kinguaassiuutitigut atassuteqarniarluni upperisarsiortut aqtsisuata upperisarsiortut pisariaqartitsinerannik imaluunniit pinngitsuuisinnaannginneranik atornerluineq il.il.). Kingullertut taaneqartoq suleqatigiinnit Inatsiseqarnermut ministereqarfimmitt, Rigsadvokat-imit, Rigspolitiinit, ilisimatusarfinnit, Dommerforening-imit, Advokatsamfund-imit aamma DanskeAdvokat-init, Red Barnet-imit, Digitalt Ansvar-imit aamma Børns Vilkår-imit sinniisunit peqataaffigineqartumit innersuussutigineqartunit tunngaveqarpoq.

Ineriartornerup digitaliusup kinguneranik Danmarkimi unammilligassat assinginik Kalaallit Nunaanni unammilligassaqalersoq Inatsiseqarnermut ministereqarfip nalilerpaa, soorlu aamma tamatuma saniatigut Kalaallit Nunaanni kinguaassiuutitigut innarliisarnerit akiorniarlugit suliniutit patajaallisarneqarnissaat pisariaqartoq nalilerneqartoq. Tamakkutunngavigalugit pinerluttulerinermi inatsimmi allannguutit tulliuttut siunnersuutigineqarput:

- Isumapiloqarneq tunngavigalugu tatiginnilersitsiniaanermik taaneqartartoq, grooming-i, pillugu aalajangersakkamik immikkut ittumik ilanngussisoqassaaq.

- Isumapiloqarneq tunngavigalugu tatiginnilersitsiniaaneq, grooming, pisutut inuup, pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut tatiginnilernissamik ineriertortitsineratut paasineqassaaq.
Isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik nutaamik ilanngussisoqarnissaanut uiggiutitut, suliani isumapiloqarneq tunngavigalugu tatiginnilersitsiniaanermut, grooming-imut, tunngassuteqartuni, eqqunngitsuliorfigineqartoq, kinguaassiuutitigut pinerluttuliorneri pisartut allat assigalugit illersuisumik illersuisoqartinneqarnissamik periarfissinneqarnissaaq.

- Inunnut 18-it inorlugit ukiulinnut, pinerluttuliortup qinornassarisaanik imaluunniit qitornarsiarisaanik imaluunniit ilinniartitassat perorsagassatulluunniit assigisaanilluunniit tatigineqarluni paarisaanik kinguaassiuutitigut atassuteqarnermik pinerluttulerinermi inatsisip inerteqquqteqarnera, annertusineqassaaq taamaalilluni siunissami aamma kannguttaalliorfiginninneq ilaatinneqalissalluni.
Assersuutigalugu siunissami atuartup ilinniartitsisuminit kannguttalliorfigineqarnermik iliuuseqarfingeqarnerani atuartup akuersissuteqaqqaarsimanera pinngitsuuitsissutaasussajunnaassasoq allannguinerup ilaatigut kingunerissavaa.

- Pinerluttulerinermi inatsisip atoqateqarneq aamma allakkut kinguaassiuutitigut atassuteqarnerit pilligit aalajangersakkat annertusineqassapput, taamaalillutik siunissami kinguaassiuutitigut iliuutsit, pinerluttuliortup eqqunngitsuliorfigineqartumut imminut iliuuseqartitsineranut tunngassuteqartut ilaatinneqalissallutik, matumani sextortion-imik taaneqartartoq ilanngullugu.

Assersuutigalugu eqqugaasup kinguaassiornermut tunngasut pillugit imaluunniit inummut tungalluinnartut assit videoliallu siammarterneqarnissaat siorasaarutigalugu – eqqunngitsuliorfigineqartup kinguaassiuutitigut imminut iliuuseqarnissaanut pinerluttuliortup peqqusineranik kinguneqartut, siunissami pinerluttulerinermi inatsimmi pinngitsaaliineq, kinguaassiuutitigut atornerluineq, meeqqanut kinguaassiuutitigut atassuteqarneq aamma alutorineqarneq, kinaassuseq, kusagineqarneq, atisalorsornerneq, neriorsuutit il.il. ikiorsiullugit inummik kajungilersitsiniaaneq pillugit aalajangersakkanut ilaatinneqalerterat atuuffiup annertunerulersinneqarnerata ilaatigut kingunerissavaa. Iliuutsit taamaattuut ullumikkut nalinginnaasumik inatsisit unioqqutillugit pinngitsaaliinertut aamma kannguttaalliorfiginninnertut pinerluutinngortinnejartarp. Tassunga uiggiullugu eqqunngitsuliorfigineqartut suliani taamaattuni ilaatinneqartut, eqqunngitsuliorfigineqartut pinngitsaaliineq il.il. pillugit suliani allani eqqunngitsuliorfigineqartut assigalugit illersuisoqartinneqarnissaat siunnersuutigineqarpoq.

- Pinerluttulerinermi inatsimmi taaguutit allanngortinnejassapput, taamaalilluni »Pornografiimik meeqqanut tunngasumik« aamma meeqqanik atortussanik »pornografiskiusunik« siunissami meeqqanik »kinguaassiuutitigut« atortussanik taaneqartalissallutik.

Allannguutissatut siunnersuutit taakku saniatigut, digitaliusumik innarliinerit pillugit suleqatigiissitat innersuussutaannik naammassinnittut imaluunniit allatigut attuumassuteqartut, pinerluttulerinermi inatsimmi kinguaassiuutitigut pinerluttuliorerit pillugit kapitalimi allannguutinik pingasunik allanik allannguuteqarnissamik inatsisissatut siunnersuut siunertaqarpoq:

- Pinerluttuliortoq 22-inik ukioqalereersimappat, meeqqamik 12-iniit 14-it ilanngullugit ukioqartumik atoqatiginninneq allatulluunniit kinguaassiuutitigut atassuteqarneq pinngitsaaliinertut pinersuutinngortinnejassasoq siunnersuutigineqarpoq.
- Pinerluttuliortup ukiui apeqquataatinnagit, meeqqamik 12-it inorlugit ukiulimmik atoqatiginninneq aamma allatut kinguaassiuutitigut atassuteqarneq allangortinnagu pinngitsaaliinertut pinerluutaassaaq.

- Eqqunngitsumik paassisutissiilluni inuup pinerluttuliortumik allaasorinninera tunngavigalugu malunnaarsaarluni inummik atoqatiginninneq allatulluuunniit kinguaassiuutitigut atassuteqarneq pinngitsaaliinertut pinerluutinngortinngarnissaa siunnersuutigineqarpoq.
- Inuup sulinermut, aningasaqarnermut, katsorsarneqarnermulluunniit imaluunniit paaqqutarineqarnissamut atatillugu pinngitsuuisinnaanngitsup, pineqartumik atoqatiginnissaaq allatulluunniit kinguaassiuutitigut atassuteqarnissaq anguniarlugu, ingasattumik atornerlunneqarnera pillugu pinerluttulerinermi inatsimmi inerteqquteqarnerup annertusineqarnissaa, taamaalilluni upperisarsiortut aqutsisuiata ilagiimminilu ilaasortap akornanni pinngitsuuisinnaajunnaarluni atassuteqarneq piusinnaasoq, ilaasortamik atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata ingasattumik atornerluppagu, taamaaliornerup pinerluutinngortinngarnissaa siunnersuutigineqarpoq.

2. Inatsisisatut siunnersuummi immikkoortut pingarnerit

2.1. Isumapiloqarneq tunngavigalugu tatiginnilersitsiniaaneq, grooming

2.1.1. Inatsisit atuuttut

Isumapiloqarneq tunngavigalugu tatiginnilersitsiniaaneq, grooming, pisutut inuup, pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut tatiginnilernissamik ineriartortitsineratut paasineqassaaq.

Ullumikkut pinerluttulerinermi inatsit isumapiloqarneq tunngavigalugu tatiginnilersitsiniaaneq, grooming, pillugu immikkut ittumik aalajangersakkamik imaqannngilaq.

Taamaattoq isumapiloqarneq tunngavigalugu tatiginnilersitsiniaaneq, grooming, pissutsit malillugit pinerluttulerinermi inatsimmi aalajangersakkani allani unioqqutitsinerusinnaavoq, assersuutigalugu soorlu kinguaassiuutitigut innarliinissamik misiliinermi, kannguttaalliorfiginninnermi imaluunniit inummik 18-it inorlugit ukiulimmik kinguaassiuutitigut atortussanik inummut kinguaassiuutitigut innarliinermut tunngassuteqartunik immiussinermi, pigisaqarnermi imaluunniit siammerterinermi.

Isumapiloqarneq tunngavigalugu tatiginnilersitsiniaaneq, grooming, assersuutigalugu pissutsit malillugit pinerluttulerinermi inatsimmi § 77, imm. 2-imik, imaluunniit § 79-imik unioqqutitsinertut eqqartuussutigineqarsinnaavoq, taakkunani meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluutinngortinnejqarput.

Meeqqamik atoqateqarnissaq allatulluunniit kinguaassiuutitigut atassuteqarnissaq anguniarlugu inuk meeqqamik 15-it inorlugit ukiulimmik naapeqatiginninniarluni isumaqatigiissusiortoq, taamaalilluni pissutsit malillugit pinerluttulerinermi inatsimmi aalajangersakkat taaneqartut unioqqutinneqarnissaannik misiliisutut § 12 malillugu eqqartuunneqarsinnaassaaq. Pinerluttuliortoq kinguaassiuutitigut innarliinissaq siunertaralugu, meeqqamik 15-it inorlugit ukiulimmik atassuteqarsimappat, taamaalilluni isumapiloqarneq tunngavigalugu tatiginnilersitsiniaanerup, grooming-ip ingerlanneqarnerani siusissumi, pinerluttuliortup siunertaqarluni attaveqarnerup malitsigisaanik meeqqamut kinguaassiuutitigut pinerluuteqarniarnera upernarsineqarsinnaappat, ukiukitsumik atoqatiginninniarnermik misiliinertut oqaatigineqarsinnaavoq eqqartuussutigineqarsinnaallunilu.

Tamatuma saniatigut pinerluttulerinermi inatsimmi § 84, imm. 1 malillugu pissutsit malillugit isumapiloqarneq tunngavigalugu

tatiginnilersitsiniaaneq, grooming, assersuutigalugu
kannguttaalliorfiginninnertut pinerluutinngortinnejarsinnaassaaq.
Aalajangersagaq taanna malillugu pinerluttuliortoq kanngunartumik
pissusilersonnikut piitaajuitsuussusermik innarliisutut
eqqartuunneqarsinnaavoq.

Pinerluttuliortup meeqqamik inuusuttumilluunniit atassuteqarneranut
atatillugu meeraq inuusuttorluunniit assinik tamataqanngitsunik
imaluunniit kinguaassiuutitigut tunngassuteqartunik nassiussitippagu,
pissutsit malillugit taamaaliorneq pinerluttulerinermi inatsimmi § 85 imm.
2 malillugu tamanna eqqartuussissutaasinnaavoq. Inuit 18-it inorlugit
ukiullit pillugit pornografiskiusunik assinik filminilluunniit, assinik
imaluunniit atortussanik inunnut kinguaassiuutitigut innarliinermut
tunngassuteqartunik allanik pornografiskiusunik assigisaannilluunniit
takusassianik assilillugit sanaqqiinerit pillugit, piginnittoq imaluunniit
akiliilluni imaluunniit internetti systemiluunniit assingusoq
paasissutissanik siammerterutaasoq atorlugu ilisimasaqalersoq,
malittarisassaq taanna malillugu eqqartuunneqassaaq.

Pinerluttulerinermi inatsimmi aalajangersakkanik unioqqutitsinermi
pineqaatissiineq, matumani pinerluttulerinermi inatsimmi
kinguaassiuutitigut pinerluttuliorerit pillugit kapitali ilanngullugu,
aallaaviatigut siunertaqarsimanissamik piumasaqaateqarfivoq.
Eqqunngitsuliorfigineqartup ukiua, iliuutsip imaanik
naammassinninnissamut piumasaqaataappat, soorlu tamanna ilaatigut
pinerluttulerinermi inatsimmi § 72, imm. 2-mi takuneqarsinnaasoq,
taamaalilluni aamma eqqunngitsuliorfigineqartup ukiunik
aalajangersimasunik ataatsisimanera pillugu pinerluttuliortoq
siunertaqarsimassaaq.

Kisianni pisumi, pinerluttuliortoq taamaallaat meeqqap ukiuanut
tunngatillugu mianersuaalliortumik iliuuseqarsimappat, taamaaliornerup
aalajangersakkap taassuma inerteqquteqarfianut ilaanera
pinerluttulerinermi inatsimmi § 79-ip malitsigaa.

2.1.2. Digitaliusumik innarliisarnerit pillugit suleqatigiissitat isumaliutiginninnerat.

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsit nr. [...] -ikkut (digitaliusumik innarliinerit akiornialugit suliniutit, matumani isumapiloqarneq tunngavigalugu tatiginnilersitsiniaaneq, grooming, pillugu inerteqquteqarneq, malunnaarsaarluni atoqateqarnerup pinngitsaaliinermut naligiissinneqarnera, atoqateqarnissamik il.il. pissarsiniarluni upperisarsiortut aqutsisuata upperisarsiornermik pinngitsuuisinnaannginnermik atornerluinerat) qallunaat pillaasarnermik inatsisaanni digitaliusumik isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik (§ 231) ikkussisoqarpoq. Digitaliusumik innarliisarnerit pillugit Suleqatigiissatap innersuussinera malillugu ilangunneqarpoq.

Internetti ullumikkut meeqqat inuuusuttullu inooqatigiinnut tunngassuteqartumik silarsuaanni ilaalluinnartoq, aamma taanna inunnik nalunngeriiKKanik attaveqarnermut inunnillu nutaanik naapitsinissamut atorneqartartoq, digitaliusumik innarliisarnerit pillugit suleqatigiissatap nalunaarusiaani 2022-immersumi qupperneq 56-imiit siumullu takuneqarsinnaavoq.

Kisianni inuit, meeqqanik kinguaassiuutitigut innarliiniartut, meeqqanut taakkununnga attaveqarsinnaanerat, ilaatigut eqqunngitsunik kinaassutsit atorlugit, teknologiskiusumik ineriartornerup aamma internettip atugaanerata siaruarsimaqisup, amerlanerusunik periarfississimavaa. Meeraq inuuusuttorluunniit inummit, qanittumik attaveqarfiginnguatsiariikkaminit innarlerneqartoq, taamaalilluni ingerlanerup kingusissuani aatsaat innarliineq pineqartoq paassisavaa. Meeqqap inuuusuttulluunniit (kinguaassiuutitigut) atassuteqalernissamik aallarniisissaanut, alutorineqarneq, kinaassuseq, kusagineqarneq, atisalersornerneq, neriorsuutit il.il. ikioriullugit inummik kajungilersitsiniaanermik ingerlatsineq, tassani pinerluttuliortoq

salluliornerit, nersuinninnerit oqaatsillu nersualaarinnittut atorlugit qanittumik attaveqarnermik pilersitsinissamik misilisimanera, tassunga pissutaasinnaavoq. Taamaalilluni meeraq inuusuttorluunniit nammineq kajumissutsini malillugu kinguaassiuutitigut atoqatiginnittutut isumaliortinneqarnissaminut uukapaatinneqarpoq.

Tamatut uukapaatitsinermik ingerlatsineq ilisaqqunnartumik piffissani killilinni assigiinngitsuni ingerlanneqartartoq, tassani alloriarnerit ataasiakkaat immikkoortillugit isigigaanni ajornartorsiutaanngitsutut isikkoqarlutik, suleqatigiissitap nalunaarusiaani aammattaaq takuneqarsinnaavoq. Taamaalilluni ingerlatsineq pinerluttuliortup meeqqamik inuusuttumilluunniit atassuteqarneranik, atassuteqarnerullu kinguaassiuutitigut tunngassuteqanngitsumik atassuteqarneruneranik aallartissinnaavoq. Tamatuma kingorna pinerluttuliortoq ilisaqqunnartumik atassuteqarneq ineriartortinniarlugu misilissavaa, taamaalilluni pinerluttuliortoq sunilluunniit tamanik oqaloqatigisinnaasatut qanittutullu ikinngutitut meeqqap inuusuttulluunniit isigelerniassammassuk. Qanoq iliorneq piffissap ingerlanerani pisarmat, taamaalilluni isumapiloqarneq tunngavigalugu tatiginnilersitsiniaanermut, grooming-imut, ilisarnaquataavoq, tassani meeqqap inuusuttulluunniit innarliisoqarnera ilisimaneq ajorpaat. Tamatuma kingorna taamaattumik meeraq inuusuttorluunniit imminnut kanngusuutigalutik pisorlu pillugu kanngusullutik kiisalu akuusut akornanni tatigeqatigiinnerup ineriartortinneqarsimasup kipitinneqarsimanera misigisarpaat.

Taamaalilluni innarliineq, pinerluttuliortup pinngitsoornagu piumasaralugu anguniagaa, taamaallaat timikkut imaluunniit digitaliusumik kinguaassiuutitigut innarliineruneq ajorpoq. Suleqatigiissitat malillugit, innarliineq aamma meeqqap inuusuttulluunniit, salloqittaanikkut namminneq innarlinermut isumaqataasutut isumaqalersittarpai, aamma meeqqap inuusuttulluunniit pinerluttuliortumut tatiginninnermik takutissimasaannik ingasattumik atornerluinertut innarliineq ittarpoq.

Tamanna tunngavigalugu, digitaliusumik innarliisarnerit pillugit suleqatigiissitat nalunaarusiaanni quppernerit 62-imiit siumut malillugit, qallunaat pillaasarnermik inatsisaanni immikkut ittumik aalajangersakkamik ilanngussisoqartariaqarnera suleqatigiissitani amerlanerussuteqartut innersuussutigaat, aalajangersakkallu ingerlatsineq, tassani inuup meeqqamik inuusuttumilluunniit, digitaliusumik imaluunniit timikkut kinguaassiuutitigut innarliinissaq anguniarlugu atassuteqaammik ineriartitsinermik ingerlatsineq pinerluutinngortissavaa. Digitaliusumik innarliisarneq pillugu suleqatigiissitat nalunaarusiaanni qupperneq 63-imiit siumullu malillugit, qallunaat pillaasarnermik inatsisaanni isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik immikkut ittumik ilanngussisoqartariaqanngitsoq suleqatigiissitani ikinnerussuteqartut isumaqarput.

Isumapiloqarneq tunngavigalugu tatiginnilersitsiniaaneq, grooming, pillugu aalajangersakkap ilusilersoneqarnerani, aalajangersakkami taamaallaat meeqqap inuusuttulluunniit inuullu meeqqamik inuusuttumilluunniit utoqqaanerusup akornanni assuarnartumik atassuteqarnerup pineqarnissaata, aamma atassuteqarnernut inatsisitigut akuerisaasunut akornusiinnginnissaata qulakkeerneqartariaqarnera, amerlanerussuteqartut sianigisimagaat, suleqatigiissitat nalunaarusiaanni takuneqarsinnaavoq.

Tamatuma peqatigisaanik innarliineq, meeqqap inuusuttulluunniit ikinngutinnersutut tatiginartutullu isigisaannik, pinerluutuliortup atassuteqaammik ineriartitsiniarluni, kisianni pinerluutuliortup meeqqamik inuusuttumilluunniit kinguaassiuutitigut innarlerneqarnissaai siunertalarugu atassuteqalernera, meeqqap inuusuttulluunniit tatiginninneranik atornerluisuusoq, pillugu qallunaat pillaasarnermik inatsisaanni immikkut ittumik immikkoortumik pinerluutinngortitsisoqarnissaai pisariaqartinneqartoq, amerlanerussuteqartut isumaqarput.

Tassunga atatillugu taamatut pinerluutinngortitsinerup, isumapiloqarneq tunngavigalugu tatiginnilersitsiniaanermik, grooming-imik, ingerlatsineq

immini pillatissiissutigineqarnissaminut naleqquttuunera pillugu erseqqissumik kalerrisaarutaasup, meeqqat inuusuttullu isumapiloqarneq tunngavigalugu tatiginnilersitsiniaanermik, grooming-imik, nalaataqarsimasut, atassuteqaatip ineriartorsimaneranut akisussaaqataanernik misigisimanertik pissutigalugu pisuunermik kanngusunnermillu amerlanertigut tamatuma kingorna misigisartagaasa, peerneqarnissaannut ilapittuutaasinnaanera, amerlanerussuteqartut pingaartippaat. Taamaammat, isumapiloqarneq tunngavigalugu tatiginnilersitsiniaanermik, grooming-imik, ingerlatsineq pisut malillugit kinguaassiuutitigut innarliiniarnertut pillaatissiissutigineqartariaqanngitsoq amerlanerussuteqartut isumaqarput.

Tassunga aamma ilaavoq – kinguaassiuutitigut sammisaq atassuteqarnermi ilisarinneqareersimagaluarpalluunniit – amerlanertigut sulisaaseq malillugu siunertaqarnerup aalajangerneqarnissaa suleqatigiissitat malillugit ajornakusoorsinnaammat, matumami pinerluttuliortumit pinerluuteqarnerup aalajangersimasup sorliup siunertaqarluni pinerluutiginiarneqarsimanerata erseqqissuunnginnera pissutigalugu.

Pinerluuteqarnermit naammassineqartumit pinerluttuliortup tunuarnissaminut kajumilersinneqarnissaanut aarlerinaat, isumapiloqarneq tunngavigalugu tatiginnilersitsiniaaneq, grooming, pillugu immikkut ittumik aalajangersakkamik, naammassinnissimanermut pissutsip pilertortungortinneqarneranik kinguneqartumik, ilangussisoqarneratigut, sanngiillineqarsinnaanera atuutilersinneqarsinnaasoq, amerlanerussuteqartut sianigisimagaat, suleqatigiissitat nalunaarusiaanni aammattaaq takuneqarsinnaavoq. Taamaattoq pinerluttuliortoq suli kinguaassiuutitigut innarliinermik naammassineqartumik iliuuseqannginnissaminut kajumilersinneqarsinnaasoq, matumani isumapiloqarneq tunngavigalugu tatiginnilersitsiniaaneq, grooming, pillugu pillaatisiaq kinguaassiuutitigut innarliinermut naammassineqartumut pillaatisiamit pingaarutilimmik appasinnerusinnaanera eqqarsaatigalugu, amerlanerussuteqartut isumaqarput.

Isumapiloqarneq tunngavigalugu tatiginnilersitsiniaanermit, grooming-imit, peqqarniinnerusunik pinerluttuliornissaq pinerluttuliortup nammineq piumassutsini malillugu taamaatissimaneraa, eqqartuussiviit pillaatissiinermut atatillugu eqqarsaatigisinnaassagaat, amerlanerussuteqartut allakkut maluginiarpaat. Aammattaaq suliami pissutsit piviusut ataatsimut nalilorsorneqarneranni tamanna pissutissaqarsorineqarpat, aamma pinerluttuliortup assingusunik iliuuseqaqqinqinnissaanut aallaavinnik qularnannngitsunik peqarpat, assersuutigalugu pinerluttuliortup naleqquttunik nakorsaatinik katsorsarneqarnissani ujartorsimappagu tigusimappagulu imaluunniit katsorsarneqassutigilersimappagu, pisuni isumapiloqarneq tunngavigalugu tatiginnilersitsiniaasoqarnerani, grooming-isoqarnerani, unnerluussisussaatitaasut unnerluussinissamik taamaatitsiinnarsinnaanermik periarfissamik atuisinnaapput.

Isumapiloqarneq tunngavigalugu tatiginnilersitsiniaaneq, grooming, pillugu qallunaat pillasarnermik inatsisaanni aalajangersakkamik, assersuutigalugu meeqqamik 15-it inorlugit ukiulimmik atoqateqarneq pillugu qallunaat pillasarnermik inatsisaanni § 222-imiit appasinnerusumik pillaatissiinermik ilanngussisoqarnissaanut, aalajangersakkap nutaap malitsigisaanik kinguaassiuutitigut innarliiniarnermi upernarsaasussaanermut naleqqiullugu isumapiloqarneq tunngavigalugu tatiginnilersitsiniaaneq, grooming, pillugu suliani upernarsaasussaanerup oqinnerunissaanut aarlerinaat pilersinnaasoq, tamatuma saniatigut suleqatigiissitat amerlanersaasa maluginiarpaat.

Taamaattoq tassunga atatillugu qallunaat pillasarnermik inatsisaanni immikkut ittumik isumapiloqarneq tunngavigalugu tatiginnilersitsiniaaneq, grooming, pillugu aalajangersagaq malillugu suliani, taakkunani pinerluuteqarnermik erseqqinnerusumik erseqqissakkamik naammattumik upernarsaatissanngitsutut nalilerneqarlutik, ilaatinneqarsinnaammata amerlanerussuteqartut pingaartippaat. Kinaassusersiunnginnissamik tunngavik nalinginnaasoq aallaavigalugu, kinguaassiuutitigut innarliinissamik misiliineq pillugu eqqartuussisoqarsinnaasoq

unnerluussisussaatitaasut naliliippata, taamaalillutik tamanna pillugu unnerluussisussaatitaasut piumasaqaateqarsinnaapput, ajornanngippallu isumapiloqarneq tunngavigalugu tatiginnilersitsiniaaneq, grooming, pillugu aalajangersagaq malillugu pingaannginnerusumik piumasaqaat malillugu eqqartuussisoqarnissaa piumasaqaatigisinnaallugu.

Suleqatigiissitani amerlanerussuteqartut, immikkut ittumik isumapiloqarneq tunngavigalugu tatiginnilersitsiniaaneq, grooming, pillugu pinerluutinngortitsinissamik innersuussuteqartut, qaqugukkut isumapiloqarneq tunngavigalugu tatiginnilersitsiniaaneq, grooming, pillugu aalajangersakkap atorneqarsinnaaneranut ukioritatit killissaat pilligit apeqqut pillugu avissaartuupput. Tassani amerlanerussuteqartut ukiunut killeritat, inummik atoqateqarsinnaatitaalersinnani inuup minnerpaamik ukiorisassai assigalugit ukiunut 15-inut inissinneqarnissaat taamaalillutik innersuussutigivaat, massa ikinnerussuteqartut nalinginnaasumik inatsisitigut pisussaaffeqalernermi pisuussutillu naalagaaffigilersinnaanerannut ukiorititap 18-iuneranut naapertuuttumik ukiunut killissarititaasut inissinneqarnissaat innersuussutigigaat.

Amerlanerussuteqartut ukiunut killeritat 15-iunissaannik innersuussuteqartut, taamaattumik inummik atoqateqarsinnaatitaalersinnani inuup minnerpaamik ukiorisassaasa assinginik ukiunut killissarititaniinnerup, inuuusuttut 15-it 17-illu akornanni ukiullit naligiinneq kissaatigineqartumillu illugiilluni kinguaassiuutitigut atassuteqarnissaq siunertaralugu atassuteqarnernik ineriartortitsisarnerat nalinginnaasumik pisarmat – aamma ilaannikkut inunnik inuuusuttumit annertuumik utoqqaanerusumik – akuersaarneqarnissaa ilaatigut oqaatigaat. Isumapiloqarneq tunngavigalugu tatiginnilersitsiniaaneq, grooming, pillugu aalajangersakkat, taama tulleriillutik, norskit, svenskit hollandimiillu eqqartuussisarneranni nassaassaasut, nunani taakkunani pineqartuni inummik atoqateqarsinnaatitaalersinnani inuup minnerpaamik ukiorisassaannut naapertuuttumik aalajangersarneqarmata amerlanerussuteqartut aammattaaq tikkuarpaat.

15-init 17-inut ukiullit, suli ineriertortut, taakku kinguaassiuutitigut akisussaatitaagaluarpataluunniit apeqqutaatinnagu, annertuumik illersortariaqnerat eqqarsaatigisariaqartoq, aamma isumapiloqarneq tunngavigalugu tatiginnilersitsiniaaneq, grooming, pillugu aalajangersakkami taamaammat pisut, tassani pinerluttuliortoq inummut, allatut inersimasunut isigineqarnissamut ukiorititaasoq taanna ataallugu ukiulimmut, inerisimanerminik atornerluinera ilaatinneqartariaqaraluartoq, ikinnerussuteqartut ukiunut killissarititaasup ukiunut 18-inut inissinneqarnissaannik innersuussisut oqaatigaat.

2.1.3. Inatsiseqarnermut ministereqarfip isumaliutiginninna
Inuup digitaliusumik imaluunniit timikkut innarliinissaq siunertalarugu meeqqamut inuusuttumulluunniit atassuteqaammik ineriertitsinermik ingerlatsineranik pinerluutinngortitsumik, qallunaat aaqqissuussineranni eqqarsaatigisassat tunngaviusut aamma Kalaallit Nunaanni atuummata, pinerluttulerinerinermi inatsimmi immikkut ittumik aalajangersakkamik ilanngussisoqartariaqartoq, Inatsiseqarnermut ministereqarfik isumaqarpoq.

Tamanna tunngavigalugu digitaliusumik innarliinerit pillugit Suleqatigiissitami amerlanerussuteqartut isumapiloqarneq tunngavigalugu tatiginnilersitsiniaanerup, grooming-ip, immikkoortumik pinerluutinngortinnejarnissaata pisariaqartinneqarnera pillugu isumaliutiginnissimanera, Inatsiseqarnermut ministereqarfip isumaqatigaa.

Taamanikkut naalakkersuisuusimasut (S) aamma RV, SF, EL, KF aamma NB-p akornnai politikkikkut isumaqatigiissuteqarnerat tunngavigalugu Danmarkimi ukiorititanut killiliussat ukiunut 18-inut aalajangersarneqarpoq.

Tamanna tunngavigalugu, pinerluttulerinermi inatsimmi aalajangersatut siunnersuutigineqartumi ukiut killissarititaasut ukiunut 18-inut aalajangerneqarnissaat siunnersuutigineqarpoq, tamannalu qallunaat

pillasarnermik inatsisaanni § 231-imi ukiunut kississarititaasunut naapertuuppoq.

Tamatuma peqatigisaanik, aalajangersakkap inuuusuttunut atoqateqarsinnaasunik inummik atoqateqarsinnaatitaalersinnani inuup minnerpaamik ukiorisassai qaangerlugin ukiulinnut nalinginnaasumik atassuteqarnerup pinerluutinngortinneqannginnissaa Inatsiseqarnermut ministereqarfiup maluginiarpaa. Eqqunngitsuliorfigineqartoq 15-it inorlugit ukioqartoq pillugu suliat, sulianut eqqunngitsuliorfigineqartoq inummik atoqateqarsinnaatitaalersinnani inuup minnerpaamik ukiorisassai qaangerlugin ukioqarneranut naleqqiukkaanni, suliani kingullerni pineqartuni pisarnertut uukapaatitsinermik akua pingartinneqarnerusussaassaaq. Assigisaanik pinerluttuliortup eqqunngitsuliorfigineqartullu akornanni ukiunut, misilitakkanut aamma ineriartornermut tunngasunik nikingassutaasunut tunngatillugu piumasaqaatinik annertunerusunik piumasaqaateqartoqartariaqassaaq.

Inummik atoqateqarsinnaatitaalersinnani inuup minnerpaamik ukiorisassai sinnerlugit ukiulimmik inuk qaninniarujoortoq imaluunniit kinguaassiuutinut tunngasut pillugit attaveqaqtiginnittoq, illuatungerisap kinguaassiuutitigut pinerluffigineqarnissaa siunertaralugu attaveqtiginninnera, nalinginnaasumik uppermarsassallugu ajornakusoortorujussuussammat, allakkut maluginiarneqassaaq.

2.1.4. Aaqqissuussineq siunnersuutigineqartoq

Pinerluttulerinermi inatsimmi § 84 a-mi aalajangersakkamik nutaamik ilanggussisoqarnissaa siunnersuutigineqarpoq, tamatumalu kingorna pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuuseqaruni, inuk, systematiskiusumik imaluunniit uukapaatitsiniarluni ukiuni misilitakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni, pineqartup kinguaassiuutitigut innarlerneqarnissaa siunertaralugu, inummut 18-it inorlugit ukiulimmut

attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.

Isumapiloqarneq tunngavigalugu tatiginnilersitsiniaaneq, grooming, pillugu aalajangersakkut, taakkunani kinguaassiuutitigut innarliinissamut piviusumik misiliinermut uppermarsaersuisoqarsinnaatinnagu, pisut eqqorniarneqarput. Pisut ullumikkut pinerluttulerinermi inatsimmi 77, imm. 2 imaluunniit § 79 malillugu unioqqutitsinertut eqqartuussutaasinnaasut, taamaalillutik siunissami aalajangersakkat taakku malillugit aamma pinerluutinngortinnejassapput, ajornanngippat isumapiloqarneq tunngavigalugu tatiginnilersitsiniaaneq, grooming, pillugu aalajangersakkatut siunnersuutigineqartumut aporaatillugit.

Eqqunngitsuliorfigineqartup uukapaatinneqarnera isumapiloqarneq tunngavigalugu tatiginnilersitsiniaanerup, grooming-ip, pissusaaniippoq, taamaammat meeraq inuuusuttorluunniit nammineerluni pineqartumit innarlerneqarnini pinngitsoornani sianigisariaqanngila, aatsaat immaqa taamaaliornerup kingunerujussuatigut sianigilersimassallugu. Taamaalilluni pisuni, meeqqap inuuusuttlulluunniit nammineerlutik pineqartumit innarlerneqarsimanertik misigisimanaviangilaat. Kisianni aalajangersagassatut siunnersuutigineqartoq malillugu tamanna eqqartuussisoqarsinnaaneranut akornutaasussaanngilaq.

2.2. Taama piumanani imminent kinguaassiuutitigut iliuuseqarnerit

2.2.1. Inatsisit atuuttut

Inuk inummik nammineq akuersissuseqaqqaarsimanngitsumik atoqtiginnittoq allatulluunniit kinguaassiuutitigut atassuteqartoq, pinngitsaaliisutut eqqartuunneqassasoq pinerluttulerinermi inatsimmi § 77, imm. 1-p malitsigaa.

Aammattaaq inuk meeqqamik 12-it inorlugit ukiulimmik atoqtiginnittoq allatulluunniit kinguaassiuutitigut atassuteqartoq § 77, imm. 2 malillugu pinngitsaaliisutut eqqartuunneqassaaq.

Pinerluttuliortoq, pinngitsaalilluni allatulluunniit kinguaassiuutitigut eqqunngitsuliorfigineqartumik atassuteqartoq, pinerluttulerinermi § 77, imm. 1-imik unioqqutitsisutut eqqartuunneqarsinnaavoq. Eqqunngitsuliorfigineqartut atuuttumik taamaaliornissamut akuersissuteqaqqaarsimanngippat, pinerluttuliortup qanoq ililluni pinngitsaalisiimanera pingaaruteqanngilaq.

Pisut apeqquataillugit, pinerluttuliortup assit siammerneqarnissaanik imaluunniit ingerlateqqinnejarnissaannik siorasaarinermigut eqqunngitsuliorfigineqartumik atoqatiginninnermik allatulluunniit kinguaassiuutitigut atassuteqarnermik peqataatitsinerani aalajangersagaq atorneqarsinnaassaaq. Assinik avitseqatiginninnissaq pinngitsoortinniarlugu, eqqunngitsuliorfigineqartup pinerluttuliortumik atoqateqarnera allatulluunniit kinguaassiuutitigut atoqateqarnera sioqqullugu, pisut malillugit pinerluttuliortoq § 12 malillugu misiliisutut pinerluttulerinermi inatsimmi § 77, imm. 1-imik unioqqutitsisutut aammattaaq eqqartuunneqarsinnaavoq.

Inuup tarnikkut nappaateqarnerata imaluunniit eqqarsartaatsikkut kinguarsimasuunerata atornerlunneqarneratigut inuk pineqartumik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 78, imm. 1 malillugu kinguaassiuutitigut atornerluisutut eqqartuunneqassaaq. Inummut suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik ingasaassisumik atornerluinikkut atoqatiginnittumut allatulluunniit kinguaassiuutitigut atassuteqartumut, § 78, imm. 2 aamma atuuppoq.

Aammattaaq 1) pinerluttunik nakkutilliivimmi atorfeqartuusoq inummik pinerluttunik nakkutilliiviup suliffiutaani inisisimasumik, taassumanngalu oqartussaaffigineqarluni inisisimasumik kujannittoq imaluunniit atoqatiginnittutut iliuuserinnittoq, 2) inummik kiffaanngissusiagaasumik politiinillu nakkutigineqartumik politiitut atorfilik atoqatiginnittoq imaluunniit allatut atoqatiginnittutut pissusilersortoq, imaluunniit 3) ulloq

unnuarlu paaqqinnittarfimmi imalunniit meeqqanut inuuusuttunullu inissiisarfimmi, tarnikkut nakorsarneqarfittut immikkoortumi, tarnikkut annertuumik innarluutilinnik assigisaannillunniit ulloq unnuarlu inissiisarfimmi atorfilik imalunniit nakkutilliisoq inissiisarfimmi inissisimasumik kujannittooq imalunniit allatut atoqatiginnittutut piissusilersortoq, § 78, imm. 3 malillugu eqqartuunneqassaaq.

Pisut § 77, imm. 2-mi ilaatinneqanngippata, pinerluttuliortup meeqqap ukiui nalunngippagit imaluunniit tamatumunnga tunngatillugu mianersuaatsuliorluni iliuuseqarpat, inuk meeqqamik 15-it inorlugit ukiulimmik atoqatiginnittooq allatulluunniit kinguaassiuutitigut atassuteqartoq, pinerluttulerinermi inatsimmi § 79 malillugu meeqqanut kinguaassiuutitigut atassuteqarsimasutut inuk eqqartuunneqassaaq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimappat, inuk ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isiginini ingasattumik atornerlullugu inummik 18-it inorlugit ukiulimmik atoqatiginnittooq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 1 malillugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaasutut eqqartuunneqassaaq. Pinerluttuliortup pineqartup ukiui nalunngippagit, imaluunniit tamatumunnga tunngatillugu mianersuaalliorsimaguni, inummik 18-it inorlugit ukiulimmik, pinerluttuliortup qitornassarisaanik imaluunniit qitornarsiaanik imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittooq allatulluunniit kinguaassiuutitigut atassuteqartog, atoqateqarsimasoq allatulluunniit kinguaassiuutitigut atassuteqartoq, aalajangersakkami imm. 2 aamma atuuppoq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimaguni, pisiniartutut akiliilluni imaluunniit akiliinissamik neriorsuilluni inummik 18-it inorlugit

ukiulimmik atoqatiginnittooq allatulluunniit kinguaassiuutitigut atassuteqartoq, inummik inuusuttumik akiliilluni kinguaassiuutitigut atoqatiginnittutut eqqartuunneqassasoq, pinerluttulerinermi inatsimmi § 81, imm. 1-p malitsigaa. Taamatuttaaq inuup 18-it inorlugit ukiullip akilersilluni imaluunniit akilerneqarnissamik neriorsorneqarluni atoqatiginninneranut allatulluunniit kinguaassiuutitigut atassuteqarfigineqarnerani peqataasoq, § 81, imm. 2 malillugu eqqartuunneqassaaq.

Atoqatiginninneq (itikkut imaluunniit naalungiarsuup aqqutaatigut) pineqartillugu pinerluttulerinermi §§ 77-imiit 81 ilanngullugu taamaalillutik taamaallaat atorneqanngillat, kisianni aamma atoqatiginninnerit allaanerusut kinguaassiuutitigut atassuteqarnerusuusut ilaatinneqarlutik.

“allatut kinguaassiuutitigut atassuteqarneq atoqatiginninnerunngitsoq”-mi oqaatsit imarisaat massakkut oqaasertai Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (kinguaassiuutitigut pinerluttarnerit il.il.) oqaasertalerneqarput. Folketingstidende 2018-19 (katersugaatit siullit), A, L 123 saqqummiunneqartoq, qupperneq 20 malillugu aalajangersakkap oqaasertai “kujannittoq allatulluuniit kinguaassiuutitigut atoqatiginnittooq”-p “atoqatiginnittooq allatulluunniit kinguaassiuutitigut atassuteqartoq”-mut allanngortinneqarnera taamaallaat oqaatsinut tunngasumik nutarterinertut isigineqassaaq. Pinerluttulerinermi inatsimmi oqaatsit imarisaasa nutarterneqarnerat qallunaat pillaasarnermik inatsisaanni inatsisikkut nr. 633-ikkut, 12. juni 2013-imeersukkut § 225-ip oqaasertalerneqarneranik assingusumik tunngaveqarpoq, matumanit kinguaassiuutitigut pinerluuteqartarnerit pilligit Straffelovråd-ip isumaliutissiissutaani nr. 1534/2012-imiittut ilanngullugit.

Tamanna tunngavigalugu “kinguaassiuutitigut atassuteqartoq”-p “atoqateqarnikkut pissusilfersortoq”-mik ingerlatitseqqinnerunera tassunga pissutaavoq. Kinguaassiuutitigut atassuteqarnernut

atoqatiginninnerungitsunut taamaalilluni iliuutsit, atoqatiginninnertut pissuseqartut, atoqatiginninnermut taarsiinertut atorneqartut imaluunniit innarlerneqartumut imaluunniit akuusumut atornerlunneqartumut tunngatillugu kinguaassiuutitigut atornerluinermik imaqtartut, atoqatiginninnermut qanittunnguusut iliuutsit taamaalillutik ilaatinneqarput. Kinguaassiuutit aappaatalu timaata akornanni toqqaannartumik attuunneq pinngitsoorani uani pineqassaaq.

Kinguaassiuutitigut atassuteqarnernut allanut atoqatiginninnerungitsunut assersuutitut taaneqarsinnaapput qaneq atorlugu atoqatiginninnerit, kinguaassiuutitigut kuniuinerit il.il., naalungiarsuup aqqutaanut itikkulluunniit inussanik atortunilluunniit tigussaasunik pulatitsinerit aamma kinguaassiuutinik attualaarininnerit.

Kinguaassiuutitigut pinerluuteqartarnerit pilligit Straffelovråd-ip isumaliutissiissutaani nr. 1534/2012-imi qupperneq 757 siumullu malillugit, kinguaassiuutit mattaangasut assammik attorneqarnerat attualaarinertaqanngitsoq imaluunniit pulatitsinertaqanngitsoq nalinginnaasumik kinguaassiuutitigut atassuteqarnerup avataaniittutut isumaqarfingeqartarpoq. Pinngitsaalineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit oqariartaatsimi “allatut kinguaassiuutitigut atassuteqarnerit”-ni ilaatinneqanngitsut, aamma atassuteqarnerit taamaattut taamaammat taarsiullugu kannguttaalliorfiginninnertut isigisariaqartut kinguaassiuutitigut pinerluuteqartarnerit pilligit Straffelovråd-ip isumaliutissiissutaani nr. 1534/2012-imi qupperneq 438-imi piumasaqataavvoq.

Inuk kanngunartuliornikkut pitaajuissusermik innarliisoq pinerluttulerinermi inatsimmi § 84, imm. 1 malillugu kannguttaalliorfiginnittutut eqqartuunneqassaaq.

Pissutsit malillugit, pisuni pinerluttuliortup eqqunngitsuliorfigineqartoq imminut kinguaassiuutiminik iliuuseqaqqullugu pinngitsaaliinerani, inatsisit

unioqqutillugit pinngitsaaliineq pillugu pinerluttulerinermi inatsimmi § 91-imik kannguttaalliorneq pillugu pinerluttulerinermi inatsimmi 84, imm. 1 peqatigalugu unioqqutitsisoqarneratut eqqartuussisoqarsinnaavoq.

2.2.2. Digitaliusumik innarliisarnerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsisikkut nr. [...]kkut (digitaliusumik innarliisarnerit akiorniarlugit suliniutit, matumani isumapiloqarneq tunngavigalugu tatiginnilersitsiniaaneq, grooming, pillugu inerteqquteqarneq, malunnaarsaarluni atoqateqarnerup pinngitsaaliinermut naligiissinneqarnera, atoqatiginninnissaq il.il. pissarsiariniarlugit upperisarsiortut aqutsisuisa upperisarsiortut pisariaqartitsinerannik imaluunniit pinngitsuuisinnaannginneranik atornerluineq) qallunaat pillaasarnermik inatsisaanni § 225 ilaneqarpoq, taamaaliornikkullu pisut pinerluttuliortup eqqunngitsuliorfigineqartoq imminut kinguaassiuutitigut iliuuseqartitsinera ilanngunneqarpoq. Digitaliusumik innarliisarnerit pillugit Suleqatigiissitat innersuussuteqarnerisigit aalajangersakkap annertusineqarnera pivoq.

Teknologiskiusumik ineriartornerup kingunerisaanik, ilaatigut meeqqat inuuusuttullu atassuteqaatinik qanoq ilillutik ineriartortitsisarnerat annertuumik allanngorsimasoq, digitaliusumik innarliisarnerit pillugit suleqatigiissitat nalunaarusiaani 2022-imeersumi qupperneq 56-imii sumut takuneqarsinnaavoq. Ingammik inuuusuttut kinguaassiuutitigut imminut iliuuseqarnissaannik pinngitsaolineqartarnerat, ilaanni pinerluttuliortup taamaaliunngippat assit il.il. inuttaanut tunngassuteqartut tamanut saqqummiunneqarnissaannik siorasaarineq, »sextortion«-imik taaneqartartoq atorlugu siorasaarineq, taamaalilluni ajornartorsiutaavoq nutaakannersoq.

Inatsisit atuuttut pillugit imm. 2.2.1-imi soorlu taaneqartoq, pinerluttuliortup assit siammerterneqarnissaannik imaluunniit

ingerlateqqillugit avitseqatigiissutigineqarnissaannik siorasaarilluni pinerluttuliortoq eqqunngitsuliorfigineqartumik atoqatiginninnermik allatulluunniit kinguaassiuutitigut atassuteqarnermik pinngitsaaliisoq, pissutsit malillugit pinerluttulerinermi inatsimmi § 77, imm. 1 malillugu eqqartuunneqarsinnaavoq. Pisut malillugit eqqunngitsuliorfigineqartup pinerluttuliortumik atoqateqarnera allakkulluunniit kinguaassiuutitigut atassuteqarnera sioqqullugu, pinerluttuliortoq § 12 malillugu misiliisutut pinerluttulerinermi inatsimmi § 77, imm. 1-imik unioqqutitsisutut aammattaaq eqqartuunneqarsinnaavoq.

Qallunaat pillaanermik suliaata ilaanni, taakkunani inuk kinguaassiuutimini iliuuseqaqqullugu pinngitsaolineqarsimalluni, assersuutigalugu pinerluttuliortup eqqunngitsuliorfigineqartoq videochat atorlugu ilitsersuineratigut, § 225 malillugu, pinngitsaaliineq pillugu pillasarnermik inatsimmi § 216 imaluunniit meeqqamik 15-it inorlugit ukiulimmik atoqateqarneq pillugu § 222 unioqqutitsinertut eqqartuussisoqartarsimavoq, massa suliani allani kannguttaalliorfiginninneq pillugu pillasarnermik inatsimmi § 232 aamma inatsisit unioqqutillugit pinngitsaaliineq pillugu § 260 pillugit unioqqutitsinertut eqqartuussisoqartarsimasoq.

Inatsisit atuuttut pillugit imm. 2.2.1-imi soorlu taaneqartoq, pillasarnermi inatsimmi siusinnerusukkut § 225-imut atuussimasumut piareersaataasumik suliaqarnerni, pinngitsaolineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit, inuit marluk akornanni timikkut atassuteqarnermik piumasaqaatitaqartut, § 225-imut ilaatinneqannginnerat piumasaqaataasoq, aamma kannguttaalliorfiginninneq pillugu pillasarnermik inatsimmi § 232 pissutsit taamaattut taarsiullugu taamaammat kannguttaalliorfiginninnertut isigisariaqartut piareersaataasumik suliaqarnerni takuneqarsinnaavoq.

Aamattaaq kajumissuseq malillugu peqataanermik tunngavilimmik pinngitsaaliineq pillugu aalajangersagaq pillugu Straffelovråd-ip isumaliutissiissutaani nr. 1574/2020-imi qupperneq 164-imiit 165 ilanngullugu, teknologiskiusumik ineriarornerup kingunerisimasassaanik

pillasarnermik inatsimmi § 225-i allanngortittariaqannginnersoq pillugu isumaliutiginninnissamut pissutissaqannginnersoq, taamaalilluni inuup inuk alla nammieq kinguaassiuutimini kinguaassiuutitigut iliuuseqaqqullugu pinngitsaolineqarnera, malittarisassaq taanna malillugu pillaatissiissutigineqassalluni, taaneqarsimavoq. Kinguaassiuutitigut iliuutsit assigiit, eqqunngitsuliorfigineqartup piumasarinnisaanik pisut, assersuutigalugu inatsisit unioqqutillugit pinngitsaaliinikkut, eqqunngitsuliorfigineqartut marluk akornanni pisimappata, tassani taakku pinngitsaolineqarlutik peqataasimallutik, pinngitsaaliinermut peqataasutut nalilerneqartarnerat, massa eqqunngitsuliorfigineqartoq ataaseq imminut iliuuseqartillugu pinngitsaolineqarpal, tamanna taamaallaat kannguttaalliorfiginninnertut nalilerneqartarnera assigiinngissutitut naleqqutinngitsutut isumaqarfinginarsinnaasoq Straffelovråd-ip tassunga atatillugu innersuussutigaa.

Inuk imminut kinguaassiuutitigut iliuuseqaqqullugu pinngitsaolineqarnerani, pisup siunissami kannguttaalliorfiginninneq pillugu pillasarnermik inatsimmi § 232-ip atatinneqarneranut taarsiullugu allakkut kinguaassiuutitigut atassuteqarnerit atoqatiginninnerunngitsut pillugit pillasarnermik inatsimmi § 225-imut atatinneqarnissaa, suleqatigiissitat tamanna tunngavigalugu inassutigaat.

Taamaaliorneq allatigut kinguaassiuutitigut atassuteqarnerit atoqatigiinnerunngitsut pillugit aalajangersakkat ataaniitilernissaannut, innarliinerup ilungersunartuunera pillugu tamanna annertunerusumik kalerriutaanissaa Suleqatigiissitat tassunga atatillugu pingaartissimavaat. Ilaatigut teknologiskiumik ineriertornerup kingunerisai eqqarsaatigalugit, taamaalilluni suleqatigiissitap isumaa malillugu pillasarnermik inatsisip § 225-iata allanngortinneqarnissaa pisariaqarpoq, taamaalilluni pisuni, taakkunani pinerluttuliortup eqqunngitsuliorfigineqartumik immineq kinguaassiuutimini iliuuseqartitsinera, siunissami innarliinertut inummik allamik timikkut iliuuseqartitsinerit assigalugit, kinguaassiuutitigut innarliinertut nalilerneqartalersinnaassallutik.

2.2.3. Inatsiseqarnermut ministereqarfíup isumaliutiginninnera
Inuup imminut kinguaassiuutitigut iliuuseqarnissaanut
pinngitsaalineqarnerata kinguaassiuutitigut pissutsit
atoqatiginninnerunngitsut assigalugit immikkut
pinerluutinngortinnejarnissaanik pisariaqartitsineq pillugu digitaliusumik
innarliisarnerit pillugit suleqatigiissitat isumaliutiginninnerat, taamatuttaaq
Kalaallit Nunaannut atuuttoq Inatsiseqarnermut ministereqarfík
isumaqarpoq.

Tamanna tunngavigalugu pinerluttulerinerimi inatsimmi
aalajangersakkamik ilangussisoqartariaqartoq Inatsiseqarnermut
ministereqarfíup nalilerpaa, taamaaliornerullu § 77-imiit 81 ilangullugu
malillugit pinerluttulerinerimi inatsisip kinguaassiuutitigut atassuteqarnerit
atoqatiginninnerunngitsut pillugit aalajangersakkat annertusissavai,
taamaalilluni taakku kinguaassiuutitigut iliuutsinut assingusunut,
pinerluttuliortumit eqqunngitsuliorfigineqartup imminut
iliuuseqartinneqarnerani assingusumik atorneqassallutik, matumani
sextortion-imik taaneqartartoq ilangullugu.

Pisut sextortion-iusut, tassani pinerluttuliortup assit tamataqanngitsut
imaluunniit atortussat kinguaassiuutinut tunngassuteqartut
avitseqatigiissutigineqarnissaat siorasaarutigalugu
eqqunngitsuliorfigineqartup imminut kinguaassiuutimigut
iliuuseqartitsinera ilaatigut tassani ilaatinneqassapput.

2.2.4. Aaqqissuussineq siunnersuutigineqartoq

Pinerluttulerinerimi inatsimmi § 81 a-mi aalajangersakkamik nutaamik
ilanngussisoqarnissa tamanna tunngavigalugu siunnersuutigineqarpoq,
tassani pinerluttuliortumit eqqunngitsuliorfigineqartup imminut
kinguaassiuutiminik iliuuseqartitsinerani pinerluttulerinerimi inatsimmi §§
77-imiit 81 ilangullugu assigisaanik atorneqassasut
takuneqarsinnaassalluni.

Pinerluttuliortumit imaluunniit allamit eqqunngitsuliorfigineqartumut iliuutsit iliuuserineqarpata, eqqunngitsuliorfigineqartup iliuutsit imminut iliuuserippagut, pisut ilaanni aamma aalajangersakkanut taakkununnga ilaatinneqarnissaat, sulisaatsit atuuttut malillugit iliuutsit §§ 77-imiit 81 ilanngullugu ilaatinneqarnerat siunnersuutip kinguneraa. Allatigut pinerluttulerinermi inatsimmi §§ 77-imiit 81 ilanngullugu atorneqarnissaannut suliassaqarfiup allanngortinneqarnissaa siunertarineqanngilaq.

2.3. Isumapiloqarneq tunngavigalugu tatiginnilersitsiniaanermik, grooming-imik eqqugaasunut aamma taama piumanani imminut kinguaassiuutitigut iliuuseqarnerit pillugit illersuisumik ivertitsineq

2.3.1. Inatsisit atuuttut

Pinerluttulerinermik suliани eqqunngitsuliorfigineqartumut tapersersuisussamik илitsersuisussamillu illersuisumik ivertitsisoqarnissaanik aaqqissuussineq Kalaallit Nunaanni eqqartuussisarnermik inatsisip 2010-imi akuersissutigineqarnerani equnneqarpoq. Kalaallit Nunaanni eqqartuussiveqarneq pillugu Eqqartuussiveqarnermut ataatsimiitaliarsuup isumaliutissiissutaa nr. 1442/2004 immikkoortoq X, kapitel 5.3.1 malillugu eqqunngitsuliorfigineqartup inatsisitigut inissisimanerata patajaallisaavagineqarnissaa aaqqissuussinermik eqqussinermi siunertarineqarpoq.

Illersuisup eqqunngitsuliorfigineqartumut inuttut tapersersuinissaq ilitsersuinissarlu kiisalu pinerluttulerinermik suliamut atatillugu nalinginnaanerusumik pissusilimmik ikiunnissaq taamaallaat suliassaraa. Inatsisilerinertut pissuseqartunik illersuisoq suliaqarnissaminut pisinnaatitaanngilaq suliaqarsinnaananilu.

Suliani pinerluttulerinermik inatsimmi § 37-imik (nakuuserneq aamma pisortat oqartussaatitaannik nakuuserneq imaluunniit sioorasaarineq), § 74-imik (ilaquttamik qanigilliunnakkamik atoqateqarneq), § 77-imik (pinngitsaaliiineq), § 78-imik (kinguaassiuutitigut atornerluineq), § 79-imik

(kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaaneq), § 81-imik (akiliilluni inuusuttumik kinguaassiuutitigut atassuteqarneq), § 84, imm. 1-imik (kannguttaalliorfiginninneq), § 12 malillugu § 86, imm. 1-imik (toqutseriarneq), § 88-imik (nakuuserneq), § 89-imik (inuup inuuneranik ilaginnaaneq), § 90, imm. 3 (soqtigittaatsumik il), §§ 91-imiit 93 ilanngullugu malittarisassanik (inatsisit unioqqutillugit pinngitsaaliineq, kiffaanngissusiiiaaneq aamma inunnik nioqquteqarneq) aamma § 112-imik (ujajaaneq) unioqqutitsinermut tunngassuteqartuni inatsimmik unioqqutitsinerit ilungersunartuunngitsut imaluunniit toqqammavissatut illersuisoqarnissaq erseqqissumik pisariaqanngitsutut isikkullit pineqartinnagit, pineqartup noqqaassuteqarneratigut eqqartuussivik eqqartuussisarnermik inatsimmi § 333, imm. 1 malillugu illersuisumik eqqunngitsuliorfigineqartumik tapersersuisussamik siunnersuisussamillu ivertitsissaaq. Suliaq pinerluttulerinermi inatsimmi § 74-imik (ilaquattamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaaneq), imaluunniit § 81-imik (akiliilluni inuusuttumik kinguaassiuutitigut atassuteqarneq), unioqqutitsinermik tunngassuteqarpat, eqqunngitsuliorfigineqartorlu 15-it inorlugit ukioqarpat, eqqunngitsuliorfigineqartoq illersuisoqartinneqarnissamik pisinnaatitaavoq.

Pissutsit immikkut ittut tamanna pissutissaqartippassuk, § 333, imm. 2 malillugu, inatsisit allat unioqqutsinnejnarnerini noqqaasoqarnera malillugu eqqartuussivik eqqunngitsuliorfigineqartumut illersuisumik ivertitsisinnaavoq.

Eqqarsaatigisassat ittut tamanna pissutissaqartippassuk, § 333, imm. 3 malillugu aamma § 333, imm.-imi 1 aamma 2-mi piumasaqaatit naammassineqarpata, eqqunngitsuliorfigineqartoq pinerluttuliornerup

malitsigisaanik toqusimappat, noqqaasoqarneratigut eqqunngitsuliortup qanigisaanut illersuisumik ivertitsisoqarsinnaavoq.

Eqqunngitsuliorfigineqartumut, imaluunniit pinerluttuliornerup malitsigisaanik eqqunngitsuliorfigineqartoq toqusimappat, eqqunngitsuliortup qanigisanut, illersuisumik ivertitsisinnaaneq pillugu politiit eqqartuussisarnermik inatsimmi § 333, imm. 4 malillugu ilitsersuissapput. Taamatut ilitsersuisoqarsimanera suliami takuneqarsinnaassaaq.

Eqqartuussisarnermik inatsimmi § 333, imm. 5 malillugu politiit eqqunngitsuliorfigineqartup imaluunniit pinerluttuliornerup malitsigisaanik eqqunngitsuliorfigineqartoq toqusimappat, eqqunngitsuliortup qanigisaasa illersuisoqarnissamik noqqaassuteqarnerat eqqartuussivimmut saqqummiutissavaat.

Illersuisut akissarsiaat aningaasartuuteqarsimاغنillu aningaasartuutaasa matussuserneqarnissaat pillugit malittarisassanik eqqartuussisarnermik inatsimmi § 333, imm. 6 imaqarpoq.

Illersuisup naleqquatumik akissarsianik aamma akiliussinermini matussuserneqarneqarnissaat piumasarinissaanut pisinnaatitaaffeqarnera, eqqartuussisarnermik inatsimmi § 333, imm. 6-ip malitsigaa. Angalanernut unnuinernullu il.il. aningaasartuutit eqqartuussivimmit pisariaqartutut akuersissutigineqarsimappata, taamaallaat akilerneqarsinnaapput. Suliap naammassineqarnerani akissarsiassat eqqartuussivimmit aalajangerneqassapput pisortanillu akilerneqarlutik.

Illersuisup suliassai aamma pisinnaatitaanera pillugit eqqartuussisarnermik inatsimmi § 333, imm. 7 malillugu Inatsiseqarnermut ministereqarfik malittarisassanik erseqqinnerusunik aalajangersaasinnaavoq.

2.3.2. Inatsiseqarnermut ministereqarfip isumaliutiginninera

Soorlu imm. 2.1.4-mi aamma imm. 2.2.4-mi qulaani takuneqarsinnaasoq, isumapiloqarneq tunngavigalugu tatiginnilersitsiniaaneq, grooming, pillugu aalajangersagakkamik nutaamik (82 a-mik) aamma taama piumanani imminut kinguaassiuutitigut iliuuseqarnerit pillugit (§ 81 a) aalajangersakkamik nutaamik ilanngussisoqarnissaa pillugit pinerluttulerinermi inatsimmi aalajangersakkamik nutaamik ilanngussisoqarnissaa, inatsisisstatut siunnersuutikkut siunnersuutigineqarpoq.

Aalajangersakkat nutaat eqqartuussisarnermik inatsimmi § 333, imm. 1-imi ilaatinneqartariaqartut Inatsiseqarnermut ministereqarfik isumaqarpoq, tamatumalu kingorna pineqartup noqqaassutigippagu, inatsisinik unioqqutitsinikkut eqqunngitsuliorfigineqartoq eqqartuussivimmit illersuisulerneqassaaq. Taamaattoq inatsimmik unioqqutitsineq ilungersunartuunngippat, imaluunniit Kalaallit Nunaanni eqqartuussisarnermik inatsimmi § 333, imm. 1 malillugu illersuisumit ikiorneqarneq erseqqissumik pisariaqartinneqanngitsutut isigineqarpat, illersuisumik ivertitsinissaq itigartitsissutigineqarsinnaavoq. Matumuuna eqqunngitsuliorfigineqartup illersuisumik ivertitsivigineqarnissamut periarfissaa, isumapiloqarneq tunngavigalugu tatiginnilersitsiniaaneq, grooming, suliat aamma taama piumanani imminut kinguaassiuutitigut iliuuseqarnerit assersuutigalugu meeqqanut kinguaassiuutitigut atassuteqarneq pillugu sulianut naligiissinnejarpalut.

2.3.3. Aaqqissuussineq siunnersuutigineqartoq

Aalajangersakkanut siunnersuutigineqartunut pinerluttulerinermi inatsimmi isumapiloqarneq tunngavigalugu tatiginnilersitsiniaaneq, grooming, pillugu § 84 a-mut aamma taama piumanani imminut kinguaassiuutitigut iliuuseqarnerit pillugit § 81 a-mut eqqartuussisarnermik inatsimmi § 333, imm. 1-imi innersuussisoqarnissaa siunnersuutigineqarpoq.

Eqqunngitsuliorfigineqartup noqqaassuteqarneratigut suliani, aalajangersagassatut siunnersuutigineqartuni ilaatinneqartuni, aallaaviatigut illersuisumik ivertitsisoqartussaanera Kalaallit Nunaanni

eqqartuussisarermik inatsimmi § 333, imm. 1-ip annertusineqarnissaanut siunnersuutip kingunerissavaa. Taamaattoq inatsimmik unioqqutitsineq ilungersunartuunngippat, imaluunniit illersuisumit ikiorneqarneq erseqqissumik pisariaqartinneqanngitsutut isigineqarpat, eqqartuussiviuup illersuisumik ivertitsinissaq itigartitsissutigisinnaavaa.

Aammattaaq suliani pineqartuni taakkunani, eqqunngitsuliorfigineqartoq 15-it inorlugit ukioqarpat, eqqunngitsuliorfigineqartup illersuisumik ivertitsisoqarnissaanik pisinnaatitaaffeqarnera, annertusisitsinerup siunnersuutigineqartup kingunerissavaa.

2.4. Inunnik 18-it inorlugit ukiulinnik, pinerluttuliortup ilinniartitassatut perorsagassatulluunniit paarisassatut tatigineqarluni tigummiaanik il.il. kannguttaalliorfiginninneq

2.4.1. Inatsisit atuuttut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliortumik iliuuseqaruni, inuk qitornassaminik qitornarsiaminilluunniit, imaluunniit ilinniartitassatut, perorsagassatut assigisaanilluunniit tatigineqarluni paarisassangortinnejartumik inummik 18-it inorlugit ukiulimmik atoqatiginnittoq allatulluunniit kinguaassiuititigut atassuteqartoq, pinerluttulerinermi inatsimmi § 80, imm. 2 malillugu eqqartuunneqassaaq.

Taamaalilluni kannguttaalliorfiginninnerni pinerluttulerinermi inatsimmi § 80, imm. 2 atorneqassanngilaq.

Inuk kanngunartuliornermigut piitaajuissusermik innarliisoq, pinerluttulerinermi inatsimmi § 84, imm. 1 malillugu kannguttaalliorfiginnittutut eqqartuunneqassaaq.

Piviusumik kannguttaalliorfiginninneq pillugu aalajangersagaq nalinginnaasumik aalajangersakkatut ilaatisisussatut atorneqarpoq, kinguaassiuititigut iliuutsinut, pinerluttulerinermi inatsimmi kapitali 18-im i aalajangersakkani allani ilaatinneqanngitsunut atorneqarsinnaasoq, kisianni taamaattoq eqqartuussivinnit pinerluttulerinerlu pillugu inatsisesqartitsineq

malillugu pineqaatissiissutigineqartussatut isigineqartariaqartunut atorneqartussatut isumaqarfigineqartoq.

Inuit allat pillugit paasissutissat kinguaassiuutinut tunngassuteqartut pillugit allanut ingerlatitseqqinnej, pissutsit pinerluttulerinermi inatsimmi § 84, imm. 1-ip atorneqarnissaanut piumasaqaataasumik ingasassuseqarnissaat piumasaqaatigalugu, kannguttaalliorfiginninnerunissaat naatsorsuutigineqassaaq.

Oqariartuutinik assinilluunniit kinguaassiuutinut tunngassuteqartunik imalinnik kimulluunniit nassiussisimappat, pisoq taamatuttaaq kannguttaalliorfiginninnerusinnaavoq.

Ilaatigut kinguaassiuutitigut pinerluuteqarnerit pillugit Straffelovråd-ip isumaliutissiissutaani nr. 1534/2012-im iupperneq 757-imit siumut malillugu, soorlu imm. 2.2.1-im taaneqartoq, kinguaassiuutit mattaangasut assammik attorneqarnerat attualaarinertaqanngitsoq imaluunniit pulatitsinertaqanngitsoq, nalinginnaasumik kinguaassiuutitigut atassuteqarnernut killissarititaasut avataaniissapput. Atassuteqarnerit taamaattut pissutsit malillugit taamaalillutik pinerluttulerinermi inatsimmi kannguttaalliorfiginninneq pillugu § 84, imm. 1-imut ilaatinneqassapput.

2.4.2. Digitaliusumik innarliisarnerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinnejnarnerannik inatsisikkut nr. [...] (digitaliusumik innarliinerit akiorniarlugit suliniutit, matumani isumapiloqarneq tunngavigalugu tatiginnilersitsinjaraneq, grooming, malunnaarsaarluni atoqateqarnerup pinngitsaaliinermut naligiissinneqarnera, upperisarsiortut aqtsisuata atoqateqarniarnissaq il.il. siunertaralugit ilaasortamut inuup pisariaqartitsineranik imaluunniit pinngitsuuvisinnaannginneranik atornerluinera) qallunaat pillaasarnermik inatsisaanni § 223, imm. 1 annertusineqarpoq, taamaalilluni tassani aamma kannguttaalliorfiginninneq

ilaatinneqalerluni. Digitaliusumik innarliisarnerit pillugit Suleqatigiissitat innersuussuteqarnerisigit aalajangersakkap annertusineqarnera pivoq.

Qallunaat pillaasarnermik inatsisaanni § 223, imm. 1 malillugu, ilaatigut kinguaassiuutitigut angajoqqaassanit angajoqqaarsianillu, ilinniartitsisunit il.il. kinguaassiuutitigut innarliinerit akiorneqarnissaannut immikkut ittumik inuit 18-it inorlugit ukiullit illersorneqarnissaat atuuttoq, digitaliusumik innarliisarnerit pillugit Suleqatigiissitat nalunaarusiaanni 2022-imeersumi, qupperneq 70-imiit siumullu takuneqarsinnaavoq. Aalajangersagaq malillugu, matumani qallunaat pillaasarnermik inatsisaanni § 225 malillugu, taamaalilluni inuusuttoq atassuteqarnermut akuersissuteqaqqaarsimagaluarpuunniit, inummik ilinniartitassatut, perorsagassatut il.il. tatigineqarluni paarineqartumik atoqateqarnissaq allatulluunniit kinguaassiuutitigut atassuteqarnerup inerteqquaalluinnarnera atuussimavoq. Inuuusuttup inunnut taamatut perorsaanermik atuuffeqartunut immikkut ittumik eqqortiassinaanera, taamaammallu inersimasumit kinguaassiuutitigut atoqatigiinnissamut immikkut ittumik sunnerneqarsinnaanera, tassunga ilaatigut pissutaavoq.

Inuuusuttup iliuutsinik, kannguttaalliorfiginninneq pillugu qallunaat pillaasarnermik inatsisaanni § 232-imi ilaatinneqartunik, iliuuseqarfingeqarnissaanut aarlerinaat, pinerluttuliortup inisisimanerminik atornerluinermigut inuuusuttumik atoqatiginninneranut allakkulluunniit kinguaassiuutitigut atassuteqarneranut aarlerinaatip assigisimaga, suleqatigiissitat isumaqarput.

Qallunaat pillaasarnermik inatsisaanni § 223, imm. 1 annertusineqassasoq, taamaalilluni kannguttaalliorfiginninneq aamma ilaatinneqalissalluni, suleqatigiissitat tamanna tunngavigalugu innersuussutigaat.

Kinguaassiuutitigut innarliinernut, qallunaat pillaasarnermik inatsisaanni kapitali 24-imi ilaatinneqanngitsunut, kannguttaalliorfiginninneq pillugu qallunaat eqqartuussisarnermik inatsisaanni § 232 nalinginnaasumik aalajangersakkatut ilaatitsisussatut atorneqartussatut

isumaliutigineqarsimasoq, suleqatigiissitat maluginiarsimavaat. Taamaammat suleqatigiissitat malillugit kannguttaalliorfiginninneq pillugu malittarisassaq malillugu iliuutsit suut pillaatissiissutaasinnaanerannut killiliussat atsippallaamik inissinneqarnissaat, qallunaat eqqartuussisarnermik inatsisaanni § 223, imm. 1-imut innersuussinerup kingunerissavaa.

Kisianni pillaasarnermik inatsimmi § 223, imm. 1 assersuutigalugu angajoqqaarsiat aamma -meeqqat, ilinniartitsisut atuartullu aamma assigisaasa akornanni atassuteqaatit nalinginnaanerpaamik siammarsimanerpaamillu paasinninneq malillugu pissaaneqassusermi naligiinngiffiusut, suleqatigiissitat isumaqarput. Inuk 18-it inorlugit ukiulik naligiinngiffiusumi allamik atassuteqaammi taamaattumiittoq, iliuutsinut kannguttaalliorfiginninneq pillugu qallunaat eqqartuussisarnermik inatsisaanni § 232-imi ilaatinneqartunut, pinngitsuutitsissutaasussajunnaarsitsisumik akuersissuteqaqqaartariaqanngitsoq, suleqatigiissitat isumaat malillugu tamatuma aamma kingunerisimavaa.

2.4.3. Inatsiseqarnermut ministereqarfiup isumaliutiginninera Pinerluttulerinermi inatsimmi § 80, imm. 2, aamma § 84, imm. 1 pineqartillugit, eqqarsaatigisassat assingi atuuttut, Inatsiseqarnermut ministereqarfik isumaqarpoq. Pinerluttulerinermi inatsimmi § 80, imm. 2 taamaalilluni assersuutigalugu angajoqqaarsiat -meeqqallu, ilinniartitsisut atuartullu aamma assigisaasa akornanni atassuteqaatit nalinginnaanerpaamik siammarsimanerpaamillu paasinninneq malillugu pissaaneqassusermi naligiinngiffiunerannik takutitsimmata, inuk 18-it inorlugit ukiulik, naligiinngiffiusumi allamik atassuteqaammi taamaattumiittoq, Inatsiseqarnermut ministereqarfiup isumaa malillugu kannguttaalliorfiginninneq pillugu pinerluttulerinermi inatsimmi § 84, imm. 1-imi iliuutsinut ilaatinneqartunut akuersissuteqaqqaarsinnaasariaqanngilaq.

2.4.3. Aaqqissuussineq siunnersuutigineqartoq

Kannguttaalliorfiginninneq pinerluttulerinermi inatsimmi § 80, imm. 2-mut ilanngunneqassasoq tamanna tunngavigalugu siunnersuutigineqarpoq.

Aalajangersakkap atorneqarnissaanut suliassaqarfimmi aamma kannguttaalliorfiginninnerup ilaatinneqalernissaa allannguutissatut siunnersuutigineqartup kingunerissavaa. Pissusilersuutit/iliuutsit pinerluttulerinermi inatsimmi § 84, imm. 1-imik unioqqutitsinerusut, pinerluttuliortup eqqunngitsuliorfigineqartullu akornanni atassuteqaat aalajangersakkap atorneqarnissaanut suliassaqarfimmut ilaatinneqarpat, taamaalilluni siunissami pinerluttulerinermi inatsimmi § 80, imm. 2-p ataanut inissinneqartussaassapput.

Pinerluutuliortoq pineqartup angajoqqaassaripaagu- imaluunniit angajoqqaarsiarippagu, imaluunniit eqqunngitsuliorfigineqartoq ilinniartitassatut perorsagassatulluunniit inummut pinerluttuliortumut tatigalugu paarisassanngortinnejarsimappat, pissusilersuutigineqartumut inuk 18-it inorlugit ukiulik pinngitsuutitsissutaasussaajunnaartitsisumik akuersissuteqarsinnaannginnera allannguutissatut siunnersuutip kinguneraa. Taamaalilluni pinerluttulerineq pillugu inatsiseqartitsinermi eqqunngitsuliorfigineqartup iliuutsinut pineqartunut qanoq inisisimanera apeqquaasussaanngilaq, aamma taamaalilluni assersuutigalugu iliuutsit kannguttaalliorfiginninnerusut inuuusuttup inassuteqarneratigut pinerat pinerluttulerineq pillugu inatsiseqartitsinermi akisussasaunermut pingaaruteqartussaanngillat.

Ullumikkut pinerluttulerinermi inatsimmi § 80, imm. 2-mi inuit ilaatinneqartut allanngortinnejarnissaat inatsisisssatut siunnersuutikkut allanngortinnejarnissaat siunertarineqanngilaq.

Angajoqqaarsiaq, ilinniartitsisoq assammik arsarnermi sungiusaasoq il.il., kinguaassiuutinut tunngassunik imalinnik sms-erluni atuartumut 18-iliisimanngitsumut oqariartuuteqartoq, § 80, imm. 2 malillugu pinerluttulerineq pillugu inatsiseqartitsineq malillugu akisussaatitaasinnaasoq tamatuma kinguneraa. Iliuuseq kinguaassiuutinut

tunngasutut pissuteqartillugu, iliuutsinut § 84, imm. 1-imi ilaatinneqartunut, assersuutigalugu attualaarinernut, “allatut kinguaassiuutitigut atassuteqarnernut” ilaatinneqanngitsunut, nalikkaanik takoqqusaarnernik il.il., assinganik tamanna atuutissooq. Iliuutsip kinguaassiuutinut pissutsinut attassuteqaateqarnissaa aamma naleqquttumik ingasassuseqarnissaa § 80, imm. 2-p atorneqarsinnaanissaanut piumasaqaataassaaq.

2.5. Pinerluttulerinermi inatsimmi §§ 82, imm. 1-ip, § 85, imm. 1-ip, 2-p aamma 4-p, aamma § 93, imm. 1-ip aamma 2-p nutarterneqarnerat

2.5.1. Inatsisit atuuttut

Inuk, pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorluni iliuuseqarpat, inuup 18-it inorlugit ukiullip isiginnaartitsinerni pornografiskiusuni peqataaneranut suleqataasoq, inummik inuusuttumik atornerluisutut pinerluttulerinermi inatsimmi § 82, imm. 1 malillugu eqqartuunneqassaaq.

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugu inatsisikkut (kinguaassiuutitigut pinerluttarnerit il.il.) nr. 168-ikkut, 27. februar 2019-imeersukkut aalajangersagaq pinerluttulerinermi inatsimmi ilanngunneqarpoq.

Oqariartaaseq “isiginnaartitsinerni pornografiskiusuni” pineqartillugu ilaatigut atoqtiginnineq, allatut kinguaassiuutitigut atassuteqarneq atoqtiginninnerunngitsoq imaluunniit ingasattumik innimiilliorneq, soorlu kinguaassiuutit takutinneqarnerat imaluunniit attuinerit kinguaassiuutinik sunniisut pineqarnersut pingartinneqartariaqassasut, aalajangersakkamut oqaaseqaatini takuneqarsinnaavoq. Isiginnaartitsineq aalajangersakkamut ilaatinneqartoq aallaavimmigut “isiginnaartoqarluni isiginnaartitsinerussaaq”, isiginnaartunut najuuttunut toqqaannartumik pisoq. Kinguaassiuutitigut tunngasunik toqqaannartumik isiginnaartunut isiginnaartitsineq, inummut 18-it inorlugit ukiulimmut, assersuutigalugu isertuanngitsumik kinguaassiuutit takutinneqarnerisigut isiginnaartitsineq

pippat, taamaalilluni isiginnaartitsinertut pornografiskiusutut taaneqassalluni, immini annertuumik innarliinertut nalinginnaasumik isigineqartariaqarpoq. Folketingstidende 2018-19 (katersugaatit siulliit), A, L 123 saqqummiunneqarsimasoq, qupperneq 25 malillugu aalajangersagaq suliasaatsit malillugit taamaalilluni kinguaassiuutinut tunngassuteqartumik isiginnaartitsinernut arlalinnut assiginngitsunik ilusilinnut ilaatisimmat, matumani pisut pineqartup aliikkusersuilluni atisaajarnera imaluunniit mattaangalluni qitinnernik allatut ilusilinnik isiginnaartitsinera ilanngullugit, aammattaaq takuneqarsinnaavoq.

Inuk inuit 18-it inorlugit ukiullit pillugit assinik imaluunniit filminik, assilillugit sanaqqiinernik takusassianik assigisaanilluunniit allanik pornografiskiusunik assigisaannilluunniit siaruarterisoq, meeqqat pillugit pornoliortutut eqqartuunneqassaaq.

Inummut, inunnik 18-it inorlugit ukiulinnik assinik filminilluunniit pornografiskiusunik, takusassianik assilillugit sanaqqiinernik pornografiskiusunik allanik assigisaanilluunniit piginnittumut imaluunniit akiliilluni internetti imaluunniit paassisutissanik siaruarterinermut systemi assingusoq atorlugu ilisimasaqalersumut, § 85, imm. 2 malillugu tamanna aamma atuuppoq.

Aammattaaq, pinerluttuliortup pineqartup ukiui nalunngippagit tamatumunngalu tunngatillugu mianersuaatsuliorluni iliuuseqarpat, inummik 18-it inorlugit ukiulimmik, atortussat tuniniarneqarnissaat allatulluunniit siaruarterneqarnissaat siunertaralugu inuk assinik pornografiskiusunik, filminik assigisaanilluunniit immiussisoq, § 85, imm. 4 malillugu eqqartuunneqassaaq.

Aalajangersakkat oqaasertaat kingusinnerpaamik Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (kinguaassiuutitigut pinerluttarnerit il.il.) allanngortinneqarput, tassani Folketingstidende 2018-

19 (katersugaatit siulliit), A, L 123 saqqummiunneqarsimasumi, qupperneq 17 malillugu oqaatsitigut nutarterinermut ilaatillugu »kinguaassiuutitigut inuunerlunnermut tunngasunik« »pornografiskiusumik« taarserneqarluni. Oqaatsit imarisaasa nutarterneqarnerat, inatsit nr. 633, 12. juni 2013-imeersoq malillugu 2013-imi qallunaat pillaasarnermik inatsisaanni kapitali 24-imi nutarterinerup suliarineqartup assinganik tunngaveqarpoq, taamaalillunilu tamanna pillugu aalajangersakkami pinerluuteqarnerup imarisaanik allannguinissaq taamaaliornikkut siunertarineqanngilaq.

Inuk, inummik inuttassarsiuisoq, angallassisooq, nuussisoq, ineqartitsisoq imaluunniit taamaaliornerit malitsigisaannik inummik tigusisoq, tassani 1) § 91 malillugu inatsisit unioqqutillugit pinngitsaaliisoqarluni, 2) § 92, 1, oqaaseqatigiit pingajuat malillugu nammineersinnaajunnaarsitsisoqarluni, 3) § 98 malillugu siorasaarisoqarluni, 4) paasinerluinermik inatsisinut akerliusumik pilersitsisoqarluni, sakkortusaasoqarluni atornerluisoqarluni imaluunniit 5) pineqartup akissarsiutigalugu atortittartuunissaa, assinik filminilluunniit pornografiskiusunik immiusseqataanissaa, pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu allatut ileqqussaanngitsumik suleriaaseqartoq, pinerluttulerinermi inatsimmi § 93, imm. 1 malillugu inunniq tuniniaasutut eqqartuunneqassaaq.

Inuk pineqartup akissarsiutigalugu atortittartuunissaa, assinik filminilluunniit pornografiskiusunik immiusseqataanissaa, pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu atornerlunneqarnissaa, 1) inuttassarsiuisoq, angallassisooq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tigusisoq imaluunniit 2) inuk, eqqunngitsuliorfigineqartumik oqartussaasup akuersissuteqarnissaa anguniarlugu akiliisoq imaluunniit allatigut

iluaqutissiisoq, aamma inuk, taamaattumik akiliummik allatulluunniit iluaqutissiisummik tigusisoq, § 93, imm. 2 malillugu assigisaanik eqqartuunneqassaaq.

Aalajangersakkap oqaasertai Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (kinguaassiuutitigut pinerluttarnerit il.il.) nutarterneqarput, taamaalilluni »kinguaassiuutitigut assuarnartumik pissuseqarneq« »akissarsiutigalugu atortittarneq, assilisanik filminilluunniit pornografiskiusunik, pornografiskimik pissusilersornermik isiginnaartitsineq«-inermut allanngortinneqarluni.

“Assilisanik filminilluunniit pornografiskiusunik immiussinerit” pornografiskimik pissusilersornermik isiginnaartitsinerit“ inummik 18-it inorlugit ukiulimmik assinik, filiminik assigisaanilluunniit immiussinerit pillugit § 85, imm. 4-mut naapertuuttumik paasineqassaaq, “Pornografiskimik pissusilersornermik isiginnaartitsineq” Folketingstidende 2018-19 (katersugaatit siullit), A, L 123 saqqummiunneqarsimasumi, qupperneq 31 malillugu, inummik 18-it inorlugit ukiulimmik assinik, filiminik assigisaannillu pornografiskiusumik immiussinerit pillugit peqataaneq pillugu § 82-itut siunnersuutigineqartumi oqariartaatsitut paasineqassaaq.

2.5.2. Digitaliusumik innarliisarnerit pillugit suleqatigiissitat isumaliutiginninnerat

Nunat tamat akornanni ukiuni kingullerni »pornografiimik meeqqanut tunngasumik« oqaatsit imarisaat atorneqarnerat pillugu annertusiartortumik ukkatarinnitoqarnerulersimasoq, digitaliusumik innarliisarnerit pillugit suleqatigiissitat nalunaarusiaminni tikkuarsimavaat.

Taaguut »pornografiimik« filmiliat, assit imaluunniit sanaartornerit allat, isiginnaartumik kinguaassiuutitigut tiissitsinermik sunniuteqartut pillugit atorneqartut, suleqatigiissitat nalunaarusianni taamaalilluni

takuneqarsinnaavoq. Taamaattoq taaguutip tamatuma saniatigut nalinginnaasumik inersimasunik, taakku tamanut saqqummiunniarlugit nammineq kajumissusertik malillugu kinguaassiuutitigut tunngassuteqartunik assini, filmini assigisaanniluunniit inuttalinnik, atortussat pineqarnerat pillugu piumasaqaat ilaasoq, suleqatigissitat aamma inerniliuppaat.

Qallunaat pillaasarnermik inatsisaanni taaguummi »pornografiimik«, taamaammat suleqatigiissitat isumaat malillugu atortussat pineqartut, meeqqat kinguaassiuutitigut innarlerneqarnerannut aamma/imaluunniit meeqqat kinguaassiornermut tunngasunngortinnejcarnerannut uppernarsaataasinnaanerat pillugu, ilungersunartoqarnerata soqutaanngitsunngortinnejcarnissaa aarlerinaateqalersippaa. Aammattaaq taaguutip »pornografiimik« tamatuma saniatigut kinguaassiuutitigut innarliinerup meeqqamit akuersissutigineqarneratigut pisimanerinut pasisaarutigineqarsinnaanerat, taamaalillutillu inatsisitigut akuerisaasunik kinguaassiuutitigut atortussatut pineqarsinnaanerat, suleqatigiissitat inerniliuppaat.

Tamatuma saniatigut taaguut »meeqqat peqatigalugit kinguaassiuutitigut innarliinermut atortussat« meeqqat kinguaassiuutitigut atoqatiginninnermi peqataatinnejcarnerat pillugu allaaserinninnermi annertunerujartortumik atorneqarnera suleqatigiissitat maluginiarpaat.

Inatsisiliornermi taaguutit allanngortinnejcarnerat, suleqatigiissitat isumaat malillugu pisuni allani qanoq iliornerup taaneqarneranut sunniuteqarsinnaavoq. Assit, filmiliat il.il., meeqqamik 15-it inorlugit ukiulimmik takutitsisut pineqarpata, nalinginnaanerpaamik siammarsimanerpaamillu paasinninneq malillugu innarliinermut atortussat pineqarmata, tassami meeraq kinguaassiuutitigut iliuutsimut atuuttumik akuersissuteqaaqqaarsinnaanngimmat, tassunga atatillugu suleqatigiissitat maluginiarpaat.

Taamaattoq qallunaat pillaasarnermik inatsisaanni aamma aalajangersakkani atortussanik, inunniq 15-ileereersimasumik kisianni 18-it inorlugit ukioqartunik, siammarterineq, pigisaqarneq il.il. ilaatinneqarmata, suleqatigiissitat eqqumaffigaat. Assersuutigalugu inummik 15-ileereersimasumik, nammineq piumassutsini malillugu atoqatigiinnermi peqataasumik assit pineqarpata, taamaalilluni taaguut »innarliinermut atortussat« eqqunngitsuuusinnaasoq, tassami atortussat imminni innarliinermik takutitsisariaqannginnerat, suleqatigiissitat inerniliuppaat.

Qallunaat pillaasarnermik inatsisaanni §§ 226-imi, 227-imi aamma 235-imi kinguaassiuutitigut innarliinermut atortussat aammalu kinguaassiuutitigut atortussat allaanerusut, inummik 18-it inorlutik ukiulimmik takutitsisut, kisianni inummik atoqateqarsinnaatitaalersinnani inuup minnerpaamik ukiorisassai qaangerluginuk ukioqartumik ilaaffigineqartut, qallunaat pillaasarnermik inatsisaanni taaguusersuinerup erseqqissartariaqaraa, tassunga atatillugu suleqatigiissitat isumaqarput. Tamanna tunngavigalugu pillaasarnermik inatsimmi §§ 226, 227 aamma 235 allanngortittariaqartut, taamaalilluni oqaaseq »pornografiimik« peerneqassalluni paarlaallugu aalajangersakkat oqaasertaanni atortussat kinguaassiuutitigut atortussanik imaqartut pineqarnerat takuneqarsinnaassasoq, suleqatigiissitat innersuussutigaat.

2.5.3. Inatsiseqarnermut ministereqarfip isumaliutiginninnera aaqqissuussinerlu siunnersuutigineqartoq

Inatsimmi pornografiimik meeqqanut tunngasumik taaguusersuinerup kinguaassiuutitigut innarliinermut tunngassuteqartunik allanngortinneqarnissaa pillugu digitaliusumik innarliisarnerit pillugit suleqatigiissitat isumaliutiginninnerat taamatuttaaq Kalaallit Nunaannut atuuttoq, Inatsiseqarnermut ministereqarfik isumaqarpoq.

Pinerluttulerinermi inatsimmi aalajangersakkani taaguutit pornografiimik meeqqanut tunngasumik, inuit 18-it inorlugit ukiullit assii filmillu pornografiskiusut il.il. oqaatsitigut allanngortinneqartariaqartut, taamaalilluni pornografiimik meeqqanut tunngasumik aamma pornografiskiusumik kinguaassiuutitigut inarliinermut tunngassuteqartunut

allanngortinneqartariaqarnerat, tamanna tunngavigalugu Inatsiseqarnermut ministereqarfip nalilerpaa.

Pinerluttulerinermi inatsimmi § 82, imm. 1, 85, imm. 1, 2, aamma 4, aamma 93 a allanngortinneqassasut siunnersuutigineqarpoq, taamaalilluni “pornografiimik meeqqanut tunngasumik” aamma ”pornografiskiusumik” peerneqassallutik, aamma tassunga taarsiullugu aalajangersakkat oqaasertaani atortussat kinguaassiuutitigut atoqatigiinnermik imallit pineqarnerat takuneqarsinnaalissalluni.

Atortussat, aalajangersakkanut ilaatinneqartut, pornografiskiusumik filmini, assini il.il., inersimasunut takutitsisunut, peqataanissamut akuersissuteqaqqaarsimasunut paarlaanneqannginnissaat, aalajangersakkat oqaasertaasa allanngortinneqarnissaannut siunnersuutit erseqqissassavaat.

Meeqqat 15-it inorlugit ukiulliit pillugit assit kinguaassiuutinut tunngassuteqartut kinguaassiuutitigut innarliineq takutissagaat, tassunga atatillugu maluginiarneqassaaq, tassami meeraq kinguaassiuutitigut iliuuseqarnermi immiussinermiluunniit atuuttumik akuersissuteqarsinnaanngilaq. Atortussat taamaattut taamaammat meeraq peqatigalugu kinguaassiuutitigut inaarliinermut atortutut taaneqassapput. Taamaattoq meeqqamik piviusuunngitsumik takuneqarsinnaasunik assilillugit sanaqqitat ilaat aamma pinerluutinngortinneqarmata maluginiarneqassaaq, aamma takuneqarsinnaasunik assilillugit sanaqqitat taamaattut taamaallaat piviusuunngitsumik kinguaassiuutitigut innarliinermik takutitsissappata. Meeraq tunngaviusumik nammineerluni – inuup allap peqataaffiginngisaanik – imminut kinguaassiuutitigut innarliinermut tunngassuteqartunik atortussanik sanasinnaammat aammattaaq maluginiarneqassaaq. Atortussat taamaattut soorunami aamma kinguaassiuutitigut innarliinerit takutissanngilaat.

Kinguaassiuutitigut innarliinermut atortussat aamma atortussat kinguaassiuutitigut atoqatigiinnermik imallit akornanni immikkoortitsineq

§§ 82, imm. 1-im, aamma § 93, imm. 1-im aamma 2-mi assigisaanik aamma atorneqarsinnaassaaq.

Aalajangersakkani pinerluuteqarnerni imarineqartut siunnersuutikkut allanngortinnejarnissaat siunertarneqanngilaq.

2.6. Malunnaarsaarluni atoqateqarnerup imaluunniit allatut kinguaassiuutitigut atassuteqarnerup pinngitsaaliinermut naligiissinneqarnera

2.6.1. Inatsisit atuuttut

Inuk inummik taamaaliorfigineqarnissamut akuersissuteqaqqaarsimanngitsumik atoqatiginnittoq allakkulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Pinerluttulerinermi § 77, imm. 1-ip massakkut oqaasertalerneqarnera inatsisikkut nr. 414, 25. april 2023-imeersukkut oqaasertalerneqarpoq, taannalu ilaatigut qallunaat pillasarnermik inatsisaanni nammeneq kajumissuseq tunngavigalugu pinngitsaaliineq pillugu aalajangersagaq pillugu Straffelovråd-ip isumaliutissiissutaanit 1574/2020-imeersumit tunngaveqarpoq.

Pisumi aalajangersimasumi pissutsit aallaavigalugu naliliinikkut, akuersissuteqaqqaarnissaq nammeneq kajumissuseq tunngavigalugu tunniunneqassasoq aamma pineqartup nammeneq kajumissusaanik takutitsissasoq, aalajangersakkamut oqaaseqaatini ilaatigut takuneqarsinnaavoq. Akuersissuteqaqqaarneq oqaatsikkut iliuutsikkulluunniit takutinneqarsinnaavoq. Akuersissuteqarnerup toqqaannartumik imaluunniit allakkut aalajangersimasumik periaaseqarluni takutinneqarnissaa piumasaqaataanngilaq. Pinngitsaaliinermik aalajangersagaq malillugu Akuersissuteqaqqaarneq taamaalilluni aalajangersimasumik najoqquataqarnani aamma piviusumik ataatsimullu naliliinikkut nalilerneqassaaq. Inuup, Folketingstidende 2022-23 (katersugaatit aappaat), A, L 49 saqqummiunneqarsimasup, qupperneri 31

aamma 32 malillugit, atoqatiginninnermut ilaanissaminik isummernissamut periarfissinneqarsimanissa uani pingaaruteqarpoq.

Akuersissuteqaqqaarneq – ingammik inatsisitigut isumannaatsuunissap aallaavigineqarnera eqqarsaatigalugu – inuup kinguaassiuutitigut iliuuseqarnermi peqataanera pillugu paasissutissat aallaavigalugit, matumani inuup oqaatigisai iliuusaalu, aamma inuup nammineq qamuuna isumaata aallaavigineqannginnera ilanggullugu, kinaassusersiunngitsumik nalilerneqassasoq, aammattaaq aalajangersakkamut oqaaseqaatini takuneqarsinnaavoq.

Pissut, pineqartup atoqatiginninnermut peqataaniarluni allatulluunniit kinguaassiuutitigut atassuteqarnermut akuersissuteqarneranu pingaaruteqarsinnaasoq una, inuup pissutsink arlalinnik tamakkiisumik ilisimasaqarsimannginnerata imaluunniit paasisimasaqarsimannginnerata, kinguaassiuutitigut suliniarnermi akuersissuteqaqqaartoqarsimannginneranik kinguneqartariaqannginnera, oqaaseqaatini suliat malillugit tamatuma kinguneraa. Folketingstidende 2022-23 (katersugaatit aappaat), A, L 49 saqqummiunneqarsimasup, qupperneq 32 malillugu, pisuni inuup assersuutigalugu ukiut, killiffik, suliaq assigisaalluunniit pillugit ilumuunngitsumik oqaatiginninnikut »peqquusersusaarluni« atoqatigineqarnerani allatulluunniit kinguaassiuutitigut atassuteqarnerani, atoqatiginninneq akuersissutaqtumik naammassineqarsimasutut isigisariaqarpoq.

Allaasorinninnerup atornerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinermi inatsimmi kannguttaalliorfiginninneq pillugu § 84, imm. 1-imi ilaatinneqarsinnaassapput.

2.6.2. Inatsiseqarnermut ministereqarfíup isumaliutiginninna

Pinerluttuliortup eqqunngitsuliorfigineqartup pinerluttuliortoq allaasoralugu pisumi tassanerpiaq kukkuneranik atornerluinera, malunnaarsaarluni atoqateqarneruvoq allatulluunniit kinguaassiuutitigut atassuteqarnerulluni, malunnaarsaarluni atoqateqarneq imaluunniit allatut kinguaassiuutitigut atassuteqarneq akuersissuteqaqqaarnissaq pillugu pinngitsaaliineq pillugu aalajangersakkap siunertaanut akerliusutut paasineqarsinnaavoq, taassaa inuk pineqartup atoqatiginninermi imaluunniit allatut kinguaassiuutitigut atassuteqarnissaminut isummernissaminut periarfissinneqartussaalluni, tassami pinerluuteqartoq malunnaarsaarnermigut eqqunngitsuliorfigineqartup nammineerluni kimik atoqateqarnissaminik aalajangiinissamut periarfissaanik arsaassammagu. Taamaalilluni Inatsiseqarnermut ministereqarfíup naliliinera malillugu kinguaassiuutitigut nammineq aalajangiisinnaatitaanermut malunnaarsaarluni atoqatiginninnej ingasattumik innarliineruvoq, akuersissuteqaqqaarnissamut tunngaveqarneq pillugu aalajangersagaq malillugu pinngitsaaliinerit suussusaasa ilaannut naligiissinneqarsinnaasoq. Atoqatigiinnissamut allatulluunniit kinguaassiuutitigut atassuteqarnissamut akuersissuteqaqqaarnissap saniatigut taamaalilluni pinngitsaaliisutut eqqartuussisoqassanngippat, inummut atoqatigineqartumut aamma atoqatigiinnissamut allatulluunniit kinguaassiuutitigut atassuteqarnissamut akuersissuteqaqqaartoqarnissaa piumasaqaatigineqartariaqarpoq.

Tamanna tunngavigalugu eqqunngitsuliorfigineqartup pinerluttuliortoq allaasoralugu kukkuneranik atornerluineratigut malunnaarsaarluni atoqateqarneq allatulluunniit kinguaassiuutitigut atassuteqarneq siunissami pinngitsaaliinermut naligiissinneqartariaqartoq Inatsiseqarnermut ministereqarfíup isumaqarpoq.

2.6.3. Aaqqissuussineq siunnersuutigineqartoq

Pinerluttulerinermi inatsimmi § 77, imm. 1-imi uniffimmik nutaamik ilanngussisoqarnissaa siunnersuutigineqarpoq, taava inuk inummik pinerluttuliortumik allaasorinnittumik malunnaarsaarluni atoqatiginnittooq

allatulluunniit kinguaassiuutitigut atassuteqartoq,
akuersissuteqaqqaarnissamik aalajangersakkami periaaseq malillugu
pinngitsaaliisutut eqqartuunneqassaaq.

Inummik pinerluttuliortumik allaasorinnittumik malunnaarsaarluni
atoqatiginninneq allatulluunniit kinguaassiuutitigut atassuteqarneq,
akuersissuteqaqqaarnissamik aalajangersakkami periaaseq malillugu
pinngitsaaliinermut naligiissinneqassasoq, taamaalilluni malunnaarsaarluni
atoqatiginninneq siunissami pinngitsaaliinertut nalilerneqassalluni,
taamaalilluni inummik pinerluttuliortumik allaasorinnittumik
malunnaarsaarluni atoqatiginninneq allatulluunniit kinguaassiuutitigut
atassuteqarneq, aalajangersagassatut siunnersuutigineqartup
kingunerissavaa.

Peqquserlunneq allatut iluseqartoq kisianni ilaatinneqassanngilaq.
Assersuutigalugu kinaassutsip salluliutigineqarnera imaluunniit
pisoorsuartut ilisarisimaneqarluartutulluunniit pisuusaarnikkut
pinerluttuliortup atoqatiginninnera, taamaalilluni kinguaassiuutitigut
pinerluuteqartarnerit pillugit Straffelovråd-ip isumaliutissiissutaani nr.
1574/2020-imi qupperneq 43 malillugu, kisianni malittarisassaq malillugu
pinerluutinngortinnejassanngilaq.

Pinerluttuliortoq allaasoralugu equnngitsuliorfigineqartup kukkunera
aalajangiisusoq atornerlunniarlugu pinerluttuliortup siunertaqluni
iliuuseqarsimanissaa, nammineq isuma malillugu piumasaqataavoq.

Akuersissuteqaqqaarnissamik tunngavilimmik pinngitsaaliineq pillugu
aalajangersagaq, aamma akuersissuteqaqqaarnissaq pillugu oqaatsip
imarisaalajangersarneqareersoq pinerluttulerinermi inatsimmi § 77, imm.
1-imiittooq, allannguutip attussanngilaa.

2.7. Meeqqamik atoqateqarneq pillugu pinerluttulerinermi inatsimmi § 77, imm. 2-p allanngortinnejnarnera

2.7.1. Inatsisit atuuttut

2.7.1.2. Pinngitsaaliineq pillugu pinerluttulerinermi inatsimmi § 77

Inummik tassunga akuersissuteqaqqaarsimannngitsumik atoqatiginnittoq allatulluunniit kinguaassiuititigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Aammattaaq, inuk meeqqamik 12-it inorlugit ukiulimmik atoqateqartoq allatulluunniit kinguaassiuititigut atassuteqartoq, § 77, imm. 2 malillugu pinngitsaaliisutut eqqartuunneqassaaq.

Meeqqamik 12-it inorlugit ukiulimmik atoqatiginninnerit allatulluunniit kinguaassiuititigut atassuteqarnerit suugaluartulluunniit pinerluttulerinermi inatsimmi § 77, imm. 2-mi ilaatinneqarput, tassani pinerluttuliortoq meeqqap 12-it inorlugit ukioqarnera eqqarsaatigalugu iliuuserisaminut siunertaqarsimassaaq. Meeqqap ukiuinut tunngatillugu pinerluttuliortoq taamaallaat mianersuaalliorsippat, tassunga taarsiullugu meeqqamik 15-it inorlugit ukiulimmik atoqateqarneq pillugu pinerluttulerinermi inatsimmi § 79-imut atassuteqarneq ilaatinneqassaaq. § 77, imm. 2-p aamma § 77, imm. 1-ip akornanni (akuersissuteqaqqaarnissaq tunngavigalugu pinngitsaaliineq) aporaatillugit eqqartuussisoqarsinnaavoq.

2.7.1.2. *Meeqqamik 15-it inorlugit ukiulimmik atoqateqarneq allatulluunniit kinguaassiuititigut atassuteqarneq pillugu pinerluttulerinermi inatsimmi § 79*

Atassuteqarneq § 77, imm. 2-mi ilaatinneqanngippat, pinerluttuliortup meeqqap ukiui imaluunniit tamatumunnga tunngatillugu mianersualliorsimaguni, inuk meeqqamik 15-it inorlugit ukiulimmik atoqatiginnittoq allatulluunniit kinguaassiuititigut atassuteqartoq, meeqqamik kinguaassiuititigut atassuteqarneq pillugu pinerluttulerinermi inatsimmi § 79 malillugu eqqartuunneqassaaq.

Taamaalilluni meeqqamik 15-it inorlugit ukiulimmik atoqateqarneq allattulluunniit kinguaassiuutitigut atassuteqarneq pinerluttulerinermi inatsimmi § 79 malillugu piumasaqaatitaqanngitsumik inerteqqutaavoq. Meeqqap akuersissuteqaqqaarsimanissa pingaaruteqanngilaq, aamma akisussaanerup nalilerneqarnerani, akuusut arlaata atoqatiginninneq aallarnersimaneraa, imaluunniit atornerluineq pineqarsimanersoq pingaaruteqanngilaq.

Pinerluttulerinermi inatsiseqartitsineq malillugu § 79 malillugu akisussaaneq, meeqqap ukiuisa eqqarsaatigalugu siunertaqluni iliuuseqarnermik pissuteqartinneqanngilaq. Taamaalilluni pinerluttuliortoq meeqqap ukiui eqqarsaatigalugit mianersuaalliorsimasoq, aalajangersagaq malillugu aamma pinerluttulerinermi inatsiseqartitsineq malillugu akisussaatinneqarsinnaavoq. Meeqqamik 12-it inorlugit ukiulimmik atoqateqarneq allattulluunniit kinguaassiuutitigut atassuteqarneq pillugu pinerluttulerinermi inatsimmi § 77, imm. 2-mut tunngatillugu § 79-imi aalajangersagaq pingaannginneruvoq, aamma meeraq 12-it inorlugit ukioqarpat, aamma pinerluttuliortoq tassunga atatillugu siunertaqluni iliuuseqarpat, taamaalilluni § 79 unioqqutinneqarnera pillugu aappiullugu eqqartuussisoqassanngilaq. Meeqqap ukiui eqqarsaatigalugit siunertaqaqqaarani siunertaqaqqaannginnerup malitsigisaanik meeqqamik 12-it inorlugit ukiulimmik atoqateqarneq allatulluunniit kinguaassiuutitigut atassuteqarneq, § 77, imm. 2 malillugu pinerluutinngortinneqanngippat, § 79 kisianni atorneqarsinnaassaaq.

2.7.1.3. Eqqartuussut pinerloqqinngikkaanni naammassineqartussaanngitsoq, katsorsarneqarnissamik piumasaqaatitalik

Inunnut kinguaassiuutitigut pinerluuteqarsimasunut suliani pisut ilaanni pinerluttulerinermi inatsimmi § 135, imm. 1, nr. 3 aamma imm. 2 malillugit katsorsarneqarnissamik piumasaqaateqartoqarsinnaavoq.

Folketingstidende 2007-08 (katersugaatit aappaat, ilanngussaq A, qupperneq 1671 malillugu, aalajangersakkap katsorsaanerit assigiinngitsunik ilusillit piumasaqaatigineqarsinnaanerat periafissikkaa, matumani imigassamik atornerluisuunermit atuiunnaarsaaneq, nakorsamit katsorsarneqarneq imaluunniit tarnikkut nappaatilinnut katsorsaaneq/atoqatigiinnermi pissutsit pillugit katsorsarneqarneq ilanngullugit, aalajangersakkamut oqaaseqaatini takuneqarsinnaavoq. Nakorsap naliliinera malillugu atoqatigiinnermi pissutsit pillugit katsorsarneqarneq ilaatigut tissaarluersaatinik nakorsaatitortinneqarnikkut pisinnaavoq. Aamma eqqartuunneqartup psykologimit katsorsarneqarnissaa pillugu piumasaqaatinik aalajangersaasoqarsinnaavoq.

Kalaallit Nunaanni pinerluttulerinermi inatsisip inatsisillu assigiinngitsut allat allanngortinneqarneri pillugit inatsisikkut nr. 572-ikkut, 10. maj 2022-meersukkut (politiit pillugit aaqqissuusseqqinnermik, politiinik naammagittaalliuutiginnissinnaanermik nutaamik aaqqissuussinermik pilersitsinissamik naammassinninneq, Nuummi Inissiisarfimmi kinguaassiutitigut pinerluuteqarsimasunut katsorsaanissamut inissanik pilersitsineq, ukiukitsunik pinngitsaaliilluni atoqateqarsimasoqartillugu pineqaatissiissutit sakkortusineqarnerat, pinerluuteqarernut il.il. eqqugaasut inatsisitigut inissisisimanerisa patajaallisaavigineqarnerat) pinerluttulerinermi inatsimmi § 196, imm. 2, nr. 4-imi aalajangersakkamik nutaamik ilanngussisoqarpoq. Eqqartuunneqartoq perorsaanikkut, nakorsartinnermut tunngasumik imaluunniit immikkut ittumik ikiorneqarnissaa pillugu, qanittumiinnissamik tunngaviup avaqqunneqarsinnaanera, aalajangersakkap kinguneraa. Taamaalilluni assersuutigalugu kinguaassiutitigut pinerluuteqarsimasut Inissiisarfimmi Nuummiittumi inissineqarnissaannut aalajangersagaq atorneqarsinnaassaaq, tassanimi katsorsaanermut inissanik immikkut ittumik pilersitsisoqarnikuvoq.

2.7.1.4. Meeqqamut 15-it inorlugit ukiulimmuit allatut kinguaassiutitigut atassuteqarneq pillugu suliani unnerluussisoqannginnissaa

Unnerluussisoqannginnissaa pillugu malittarisassat atuuttut malillugit, Kalaallit Nunaanni Politidirektørip unnerluussisoqannginnissamik atuisinnaatitaanera pillugu peqqussummi nr. 266, 6. april 2018-imeersumi § 1, imm. 1, nr. 3 malillugu suliani meeqlanik 15-it inorlugit ukiulinnik atoqatiginninnermik aamma allatut kinguaassiuutitigut atassuteqarnermik tunngassuteqartuni, eqqunngitsuliorfigineqartoq 12-it sinnerlugit ukioqarpat, pasiarlu 22-inik ukioqalersimanngippat, unnerluussisoqannginnissaa nalunaarutigineqassaaq. Pasineqartup eqqunngitsuliorfigineqartullu ineriarternermikkut inissisimaffii aamma ukiui kiisalu imminnut ukiumikkut assigiinngissutaat pillugit paasissutissat tunngavigalugit, kinguaassiuutitigut atassuteqarneq tamakkiisumik aamma nammineq kajumissuseq tunngavigalugu pisimancerata ilimagineqarnissaa, aamma akuusut akornanni atassuteqarneq allakkut naammattumik naligiissutut isigineqarnissaa tassunga piumasaqaataavoq.

2.7.2. Inatsiseqarnermut ministereqarfifup isumaliutiginninnera Kinguaassiuutitigut suliaqarnermi akuusut arlaata nammineq piumassutsimini malillugu akuersissuteqaqqaanngippat, pinngitsaaliineq pineqassaaq. Meeraq 15-it inorlugit ukiulik inersimasumik meeqlamit annertuumik utoqqaanerusumik kinguaassiuutitigut atassuteqarnermut akuersissuteqarsinnaanngitsoq, tassunga atatillugu Inatsiseqarnermut ministereqarfik isumaqarpoq.

Taamatut kinguaassiuutitigut atassuteqarneq pinngitsaaliinertut pinerluutinngortinneqartariaqartoq, soorlu massakuugallartoq meeqlamik 12-it inorlugit ukiulimmik atoqatiginninnerit suugaluartulluunniit aamma taama pineqartartut, taamaammat Inatsiseqarnermut ministereqarfik isumaqarpoq. Allannguinermi taamaattumi suliani ilungersunanninnerusuni soorlu assersuutigalugu nammineq kajumissuseq malillugu ukioqatigiillutik pissiariit akornanni, assersuutigalugu taama tulleriillutik, 13-init 14-inut aamma 15-init 16-inut ukiullit, atoqatigiinneranni, naleqqutinngitsumik sukannernerulersitsisoqannginnissaata imaluunniit taaguusersuinermi allannguisoqannginnissaata eqqarsaatigineqarnissaa, tassunga atatillugu pingaaruteqarpoq.

Qaqugukkut meeqqap inersimasullu akornanni atassuteqarneq oqaatsip isumasiornera malillugu ima naligiinngitsiginersoq pillugu, nammineq kajumissuseq malillugu akuersissuteqaqqaarnissap pinngisaannarnissaanut tunngatillugu oqartoqarsinnaalernissami, meeqqamit kinguaassiuutitigut atassuteqarnermi naleqquttumik ukioqarnissamut killissarititaasut ukiunut 22-inut ukioqarnissamik killilerneqarnissaat, soorlu aamma unnerluussinnginnissaq pillugu malittarisassani tamanna atuuttoq, Inatsiseqarnermut ministereqarfik isumaqarpoq.

2.7.3. Aaqqissuussineq siunnersuutigineqartoq

Pinerluttulerinermi inatsimmi § 77, imm. 2 annertusineqassasoq siunnersuutigineqarpoq, taamaalluni inuup 22-inik ukioqalereersimasup, meeqqamik 15-init inorlugit ukiulimmik atoqatiginninnera allatulluunniit kinguaassiuutitigut atassuteqarnera ilaatinneqalissalluni.

Pisuni inuup, 22-inik ukioqalereersimasup, meeqqamik 15-it inorlugit ukiulimmik atoqateqarnerata allatulluunniit kinguaassiuutitigut atassuteqarnerata aamma tassunga atatillugu siunertaqarsimancerata, siunissami pinngitsaaliinertut pinerluutinngortinneqarnissaa, siunnersuutip kinguneraa. Pisut taamaattut tassa siunissami pinerluttulerinermi inatsimmi § 79-imik aalajangersakkap ataanut atatinneqarunnaassapput.

Pisuni meeqqap ukiui eqqarsaatigalugit pinerluttuliortoq taamaallaat mianersuaatsuliorluni iliuuseqarsimappat, aalajangersagaq siunnersuutigineqartoq malillugu pinngitsaaliinertut eqqartuussisoqarnavianngilaq. Tassunga taarsiullugu meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinermi inatsimmi § 79 malillugu suli eqqartuussisoqarsinnaassaaq.

§ 77, imm. 1-ip (akuersissuteqaqqaarnissaaq tunngavigalugu pinngitsaaliineq) aamma § 77, imm. 2, oqaaseqatigiillu aappaata akornanni aporaatsillugit eqqartuussisoqarsinnaassaaq.

2.8. Upperasiornikkut pinngitsuisinnaannginnermik ingasattumik atornerluineq

2.8.1. Inatsisit atuuttut

Inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuisinnaanngissusianik ingasaassisumik atornerluinikkut atoqatiginnittoq allatulluunniit kinguaassiuutitigut atassuteqartoq, § 78, imm. 2 malillugu eqqartuunneqassaaq.

Pinerluttuliortup eqqunngitsuliorfigineqartullu akornanni aalajangersakkami taaneqartutut pinngitsuisinnaajunnaarluni atassuteqarnertut pissuseqartoq, aamma atassuteqarnerup taassuma atoqateqarnissamik allatulluunniit kinguaassiuutitigut atassuteqarnissamik atornerlunneqarnera, aalajangersakkap atorneqarnissaanut piumasaqaataavoq.

Nakorsap katsorsaasup pineqartullu akornanni sakkortuumik pinngitsuisinnaajunnaarluni atassuteqartoqarpat, nakorsallu pinngitsuisinnaajunnaarneq taanna napparsimasumik atoqateqarnissamut allatulluunniit kinguaassiuutitigut atassuteqarnissamut ingasattumik atornerlussimappagu, katsorsarneqarnermik pinngitsuisinnaajunnaarnermik ingasattumik atornerluinermi inuit, sivisunerusumik nakorsaatnik pinngitsuisinnaajunnaarnermik pilersitsisartunik katsorsarneqarnerat, ilaatinneqarput. Katsorsarneqarnermut tunngatillugu pinngitsuisinnaannginnermi, pisut allat nakorsap katsorsaasulluunniit allap aamma napparsimasup akornanni assigisaanik sakkortuumik pinngitsuisinnaannginneq kiisalu nakorsamit katsorsaasumilluunniit assigisaanik ingasattumik atornerluineq aammattaaq ilaatinneqarput.

Paaqqutarineqarnissamut tunngatillugu ingasattumik atornerluinermi, paarsisut pineqartullu akornanni sakkortuumik pinngitsuisinnaannginneq atuuppat, aamma pinngitsuisinnaajunnaarluni atassuteqarneq taanna pineqartumut atoqateqarnissamut allatulluunniit kinguaassiuutitigut

atassuteqarnissamut ingasattumik atornerlunneqarpat, inuit nammineq angerlarsimaffimminni imaluunniit paaqqinnittarfimmi katsorsaaviusumi imaluunniit najugaqarfissatut neqeroorummi il.il. (annertuumik) paaqqutarineqarnissamut ikiorneqartut ilaatinneqarput.

Aalajangersakkamit isigalugu, atoqatiginninniarluni allatulluunniit kinguaassiutitigut atassuteqarniarluni appariinnerup inooqatigiinnerulluunniit malitsigisaanik aningaasaqarnikkut pinngitsuuisinnaajunnaarnerup pinngitsaaliiertut atorneqarnerani atornerluineq, aallaaviatigut “ingasattumik atornerluinertut” isigineqanngilaq. Avinnissaq imaluunniit inooqatigiinnerup taamaatinneqarnissaa qunusaarutigalugu atoqatiginninneq allatulluunniit kinguaassiutitigut atassuteqarneq taamaalilluni ingasattumik atornerluinertut isigineqanngilaq, tamannalu naak, aappaasup pigisat agguarneqarnerisa sivisorujussuanngortinnejarnissaannik suli allanik qunusaarutiginninnerani, imaluunniit akiliisitsiniartarnermik eqqartuussivik ikiortigalugu massakkorluinnaqqissaq ataatsimut inigisamit anisinneqarnissamik qunusaarutiginninnerani, aamma appaasup aappaa qunusaarinerit taakku piviusunngortinnejassagaluarpata ajornakusoortorujussuarmik inissismalernissaani, tamanna atuuppoq.

Akilersuutit akilerneqartussatut pisussaaffiusut piffissaq akiliiffiusussaq eqqorlugu akilerneqannginnissaannik imaluunniit inigisamit ataatsimoorussamit inatsisit unioqqutillugit eqqartuussisut suliassaannik namminersuussinikkut anisitaanissaq immikkut ittumik qunusaarutigalugu atoqatiginninneq allatulluunniit kinguaassiutitigut atassuteqarneq anguneqarsimappat, kisianni aappaasup aappaata aapparminit akilersuutit piffissaq eqqorlugu tigusinissaq annertuumik pinngitsoorsinnaanngippagu, taama tulleriillutik, inigisami ataatsimoorussami najugaqaannarnissamut aamma aappaasup tamatuma malitsigisaanik aapparmi atoqatiginninnissamut allatulluunniit kinguaassiutitigut atassuteqarnissamut akuersitissimappagu, aalajangersakkap isumaani tamanna nalinginnaasumik “ingasattumik atornerluineruvoq” aamma apparisamut taamatut eqqartuussissutigineqarsinnaalluni.

Aappaasumut, katsorsarneqarnissamik paaqqutarineqarnissamilluunniit aapparminit inooqatiminilluunniit annertuumik pinngitsuisinnaanngitsumik (imaluunniit katissimanagu inooqatigisamut) atoqatiginninneq allatulluunniit kinguaassiuutitigut atassuteqarneq, pinerluttulerinermi inatsimmi § 78, imm. 2-p paasineqarnerani katsorsarneqarnissamik- aamma paaqqutarineqarnissamik pinngitsuisinnaannginnermik “ingasattumik atornerluinerunersoq”, piviusunik nalilersuinermik pissuteqassaaq.

Pinerluttulerinermi inatsiseqartitsineq malillugu § 78, imm. 2 malillugu akisussaanermut nammineq isuma malillugu, pinerluuteqarnerup imarisaañut tamanut atatillugu siunertaqarluni iliuuseqartoqarsimanissa piumasagaataavoq.

Inuk, inummik akuersissuteqaqqaarsimannngitsumik atoqateqartoq allatulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Inuup nammineq piumasani malillugu atoqatigiinnermi allatulluunniit kinguaassiuutitigut atassuteqarnermi peqataanera, atoqatigiinnermi allatulluunniit kinguaassiuutitigut atassuteqarnermi akuersissuteqaqqaarnissamut pissutaassaaq. Inuup nammineq atoqatiginninnermi allatulluunniit kinguaassiuutitigut atassuteqarnermi peqataanissani pillugu isummersinnaasimanersoq uani pingaaruteqarpoq.

Akuersissuteqaqqaarneq – ingammik inatsisitigut isumannaatsuunissap eqqarsaatigineqarnera aallaavigalugu – inuup atoqatigiinnermi il.il. peqataanera pillugit, matumani inuup oqaasiiliuusii, aamma inuup nammineq ilumini isumaata aallaaveqannginnera ilangullugit, paassisutissat aallaavigalugit kinaassusersiunngitsumik nalilerneqassaaq. Inuk nammineq ilumini isummani malillugu atoqatiginnissamik allatulluunniit kinguaassiuutitigut atassuteqarnissamik kissaateqanngitsoq,

kisianni taamaaliornermut taamaattoq akuersisoq, taamaaliornermut akuersissuteqarsimasutut isigineqarsinnaassaaq.

Pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuuseqaruni, ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni, inummik 18-it inorlugit ukiulimmik atoqatiginnittooq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 1 malillugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaanermik ingerlatsisutut taanna eqqartuunneqassaaq.

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorisimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittumut allatulluunniit kinguaassiuutitigut atassuteqartumut, pinerluttulerinermi inatsimmi § 80, imm. 2-mi tamanna aamma atuuppoq.

Akuusut marluullutik namminneq piumassusertik malillugu taamaaliornissamut akuersissuteqaqqaarsimappata, upperisarsiornermik aqutsisup taassumalu ilagiivini ilaasortap akornanni pinngitsuuisinnaajunnaarluni atassuteqarneq pilersinnaasoq atornerlullugu, upperisarsiortut aqutsisuata ilaasortamik pineqartumik atoqatiginninnissaq allatulluunniit kinguaassiuutitigut atassuteqarnissaq pissarsiariniarlugu, pinngitsuuisinnaajunnaarnermik atassuteqarneq pillugu ingasattumik atornerlinera, taamaalilluni pinerluttulerinermi inatsit aalajangersakkanik pinerluutningortsisunik peqanngilaq.

2.8.2. Inatsiseqarnermut ministereqarfiusumaliutiginninnera
Palasit upperisarsiornermilu aqutsisut allat ilagiimminni pisut ilaanni qitiulluinnartumik atuuffeqartarpus oqaassisqaartuusarlillu. Atuuffitsik

taanna pissutigalugu ilagiinni ilaasortanit immikkut ittumik tatigineqarnermik tatiginassuseqartutullu isigineqarnermik angusisarput. Taamaattoqarnera pisut ilaanni piviusumik pinngitsuuisinnaajunnaarluni atassuteqarnermik kinguneqarsinnaavoq.

Taamatut tatiginninneq- pinngitsuuisinnaajunnaarluni atassuteqarneq ingammik pisuni tarnikkut ajornartorsiortillugu isumassorneqarnerni malunnarsinnaavoq, tassami ilaasortaq pineqartoq pissutsimi eqqortiasinnaaneruffimminiittarmat taamaalillunilu uukapaatinneqarluarnerusinnaalluni. Tamatuma saniatigut avatangiisit ilaanni ilagiinni ilaasortat, upperisarsiornermi aqtsisoq maleruuffiginnngikkunikku, upperisarsioqatigiinniit inooqatigiinnilu ataatsimoorfigisaminnit anisitaanissaq aarlerigisinnaavaat. Ilaatigut pisuni taamaattuni ima pisoqarsinnaavoq – upperisarsiornermi aqutsisup pinngitsuuisinnaajunnaarluni atassuteqarnerup ingasattumik atornerluinerata malitsigisaanik – ilaasortaq atoqatiginninnermi allatulluunniit kinguaassiuutitigut atassuteqarnermi akuersissuteqartariaqarluni.

Upperisarsiornermi aqutsisup inunnut atassuteqaammik pinngitsuuisinnaanngitsunik atoqatiginninnermi allatulluunniit kinguaassiuutitigut atassuteqarniarluni ilagiinni immikkut ittumik atuuffimminik oqaassisqaqtuunerminillu ingasattumik atornerluinera, Inatsiseqarnermut ministereqarfipsumaa malillugu akuerineqarsinnaanngilaq. Katsorsaasumut imaluunniit psykologimut tatiginninnerup assinga, upperisarsiortut aqutsisuanut taamatuttaaq aalajangersarneqartariaqarpooq.

Upperisarsiortut aqutsisuata taassumalu ilagiivini ilaasortaasup akornanni upperisarsiortut aqutsisuata ilaasortamut ilaasortamut atoqateqarnissaq allatulluunniit kinguaassiuutitigut atassuteqarnissaq anguniarlugu pinngitsuuisinnaajunnaarluni atassuteqarnerup ingasattumik atornerluinera pillugu immikkut ittumik pinerluutinngortitsineq pillugu

aalajangersakkamik pisariaqartitsisoqartoq, tamanna tunngavigalugu
Inatsiseqarnermut ministereqarfiup inerniliuppaa.

2.8.3. Aaqqissuussineq siunnersuutigineqartoq

Pinerluttulerinermi inatsimmi § 78, imm. 2-p annertusineqarnissa siunnersuutigineqarpoq, taamaalilluni upperisarsiortut aqtsisuata taassumalu ilagiivini ilaasortaasup akornanni pinngitsuuisinnaajunnaarluni atassuteqarnerup atasup atoqatiginninnissamik allatulluunniit kinguaassiuutitigut atassuteqarnissamik pissarsiniarluni ingasattumik atornerlunneqarnera aamma ilaatinneqalissalluni.

Aalajangersakkap annertusineqarnerani upperisarsiornermi aqtsisup ilaasortallu pineqartup akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqtsisup ilaasortamik pineqartumik atoqatiginninnissani allatulluunniit kinguaassiuutitigut atassuteqarnissani anguniarlugu pinngitsuuisinnaajunnaarluni atassuteqarneq ingasattumik atornerluppagu, tarnimikkut ajornartorsiuteqarnermikkut isumassorneqartut allatulluunniit upperisarsiortut aqtsisuannik immikkut ittumik tatiginninnermik- tatigeqatigiinnermillu atassuteqarnermik ilagiinni ilaasortat ineriertortitsisisifflusimasut, aalajangersakkap annertusineqarnerani ilaatinneqassapput. Upperisarsiornermi aqtsisup taassumalu ilagiivini ilaasortap akornanni pinngitsuuisinnaajunnaarnermik atassuteqarnermik atuuttumik upperisarsiortut aqtsisuata ingasattumik atornerluinerani, aammattaaq pisuni allani, upperisarsiortut aqtsisuata taassumalu ilagiivini ilaasortap akornanni assigisaanik sakkortuumik pinngitsuuisinnaajunnaarneq ilaatinneqassaaq, tassani pinngitsuuisinnaannginneq upperisarsiortut aqtsisuannit ingasattumik atornerlunneqarlni. Assersuutigalugu tamanna pisuni, ilaasortap pineqartup – upperisarsioqatigiit ataatsimoornerannit anisitaanissaq annilaangagalugu – upperisarsiortut aqtsisuannik maliguutiinnarnerani pisinnaavoq.

Upperisarsiortut aqutsisuata inooqammik inooqateqalernissaata suli periarfissaanissaa siunnersuutip allanngortissanngilaa, aamma pineqartup ilagiivini taanna ilaasortaagaluarpalluunniit. Taamaammat pisuni taamaattuni atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup ilaasortap pinngitsuisinnaajunnaarluni atassuteqarnera ingasattumik atornerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermi immikkut ittumik oqartussaasuuneranik pissuteqartinneqassaaq. Kisianni assersuutigalugu pineqartup upperisarsioqatigiinni ilagiinniluunniit akuerisaasuni ilaanissaa piumasaqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornikkut ataatsimoornernik suugaluartunilluunniit, upperisarsiornikkut aqutsisumik imaluunniit ataatsimoorussamik upperisarsiornikkut nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamit, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasortaq imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaanersoq nalilerniarlugu, pineqartup ilagiinni upperisarsiornikkut inooqatigiinniluunniit aaqqissuussinerit qanoq akulikitsigisuiq peqataaffigisarnerai, ilaasortaanermut akiliisarnersoq, pineqartoq ilagiit aqutsisuini ilaanersoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingaartinneqarsinnaapput.

3. Naalagaaffit Peqatigiit nunarsuarmut anguniagaasa naammassineqarnissaannut kinguneri

Pinerluttulerinermi inatsimmi aalajangersagassatut siunnersuutigineqartut anguniagassat ilaannut 16.2-mut inatsisisstatut siunnersuutip ikorfartuutaanissaa nalilerneqarpoq, tamatuma kingorna naalliutsitsineq, atornerluineq, inuit niuerutigineqarnerat aamma meeqyanut nakuusernerit naalliutsitsinerillu suugaluartulluunniit unitsinneqassallutik. Taamatuttaaq

pijuartitsilluni ineriertortitsinermi Naalagaaffiit Peqatigiit nunarsuarmi anguniagaannut »suaassutsit akornanni naligiissitsineq«-erup naammassineqarnissaanut siunnersuutit ikorfartuutanissaat ingammik anguniakkat ilaannut 5.2-mut nalilerneqarpoq, matumani kikkut tamarmik tikissinnaasaanni namminerlu inigisani arnanut niviarsiaqqanullu nakuusertarnerit suugaluartulluunnit nungutinneqarnissaat, matumani kinguaassiuutitigut allatigullu atornerlunneqarnerit ilangullugit.

4. Naligiissitaanermut kinguneri

Inatsisisstatut siunnersuut suaassutsit arlaannaannulluunnit atanngilaq aamma pinerluttulerinermi inatsimmi allannguutissatut siunnersuutigineqartumi suaassutsit tamarmik ilaatinneqarput. Kisianni arnanit amerlanerullutik angutit kinguaassiuutitigut innarliisarput, aamma niviarsiaqqat nukappiaqqanit amerlanerusarput kinguaassiuutitigut innarlerneqartartut. Inatsisisstatut siunnersuut naligiissitaanermut isiginniffinnik imaqartoq tamanna tunngavigalugu nalilerneqarpoq.

5. Pisortanut aningaasaqarnikkut kinguneri aamma atortuulersitsinerup kinguneri

Politiinut sumiiffinnilu unnerluussisunut 3,3 mio. kr.-inik (2023-pl) 2024-imi aamma 2025-imi (2023-pl) aamma siumut 6,6 mio. kr. ukiumut inatsisisstatut siunnersuutip aningaasartuuteqarnerunermik kinguneqarnissaa naatsorsuutigineqarpoq. Inatsiseqarnermut ministereqarfuiup oqartussaasoqarfii allat patajaallisaavigineqarmata maluginiarneqarpoq.

6. Inuussutissarsiortunut il.il. aningaasaqarnikkut allaffissornikkullu kinguneri

Inuussutissarsiortunut il.il. inatsisisstatut siunnersuut allaffissornikkut kinguneqassanngilaq.

7. Innuttaasunut aningaasaqarnikkut allaffissornikkullu kinguneri

Innuttaasunut inatsisisstatut siunnersuut allaffissornikkut kinguneqassanngilaq.

8. Silaannaap allanngoriartorneranut kinguneri

Inatsisisatut siunnersuut silaannaap pissusaanut avatangiisinullu kinguneqassanngilaq.

9. Avatangiisinut- pinngortitamullu kinguneri

Inatsisisatut siunnersuut avatangiisinut- pinngortitamullu kinguneqassanngilaq.

10. EU-mi inatsisitigut tunngassuteqartut

Inatsisisatut siunnersuut EU-mi inatsisitigut tunngasunik isiginniffinnik imaqanngilaq.

11. Oqartussat suleqatigiiffiillu il.il. tusarniaaffigineqartut

Inatsisisatut siunnersuut piffissami ullormi-imiit ullormut ...-imut oqartussaasunut suliniaqatigiiffinnullu tulliuttunut il.il. tusarniutigineqarpoq:

...

12. Immersugaq eqikkaaffiusoq

	Pitsaasumik sunniutissai/ningaasartutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/ningaasartuu- teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut ningaasaqarnikkut kinguneri	Soqanngilaq	Politiinut sumiiffinnilu unnerluuussisunut 3,3 mio. kr.- inik (2023-pl) 2024-imi aamma 2025-imi (2023-pl) aamma siumut 6,6 mio. kr. ukiumut inatsisisatut siunnersuutip ningaasartuuteqarnerunermik kinguneqarnissaa naatsorsuutigineqarpoq.

		Inatsiseqarnermut ministereqarfíup oqartussaasoqarfíi allat patajaallisaavigineqarmata maluginiarneqarpoq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsior tunut aninggaasaqarnikkut kinguneri	Soqanngilaq	Soqanngilaq
Inuussutissarsior tunut allaffissornikkut kinguneri	Soqanngilaq	Soqanngilaq
Innutaa sunut allaffissornikkut kinguneri	Soqanngilaq	Soqanngilaq
Innutaa sunut allaffissornikkut kinguneri	Soqanngilaq	Soqanngilaq
EU-mi inatsisitigut tunngassuteqartut	Soqanngilaq	Soqanngilaq
EU-mi inuussutissarsiornermut sammititamik malittarisassi ornermi tunngaviusut tallimaasut atortuulersinneqarnissaannut akerliuvoq/EU-mi malittarisassiui nermi minnerpaamik piumasqaatnik qaangiivoq (X-ileruk)	Inatsisissatut siunnersuut EU-mi inatsisitigut tunngasunik isiginiffinnik imaqanngilaq.	
Naalagaaffimmut, kommuninut nunallu	JA	NEJ

immikkoortuinut aninkaasaqarnikkut kinguneri	X
--	---

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Inummik tassani akuersissuteqaqqaarsimannngitsumik atoqateqarneq atulluunniit kinguaassiuutitigut atassuteqarneq pinerluttulerinermi inatsimmi § 77, imm. 1 malillugu pinngitsaaliisutut inuk eqqartuunneqassaaq.

Pinerluttulerinermi inatsimmi § 77, imm. 1-imi inatsisissatut siunnersuutikkut *oqaaseqatigiit aappat* nutaatut ilanngunneqassaaq, tamatumalu kingorna inummut, inuup pinerluttuliortumik allaasorinninnera tunngavigalugu malunnaarsaarluni atoqatiginnittumut allatulluunniit kinguaassiuutitigut atassuteqartumut, tamanna aamma atutissaaq.

Allaasorinninnikkut malunnaarsaarluni atoqatiginninnerup allatulluunniit kinguaassiuutitigut atassuteqarnerup akuersissuteqaqqaarani atoqatiginninnikkut allatulluunniit kinguaassiuutitigut atassuteqarnikkut pinngitsaaliinermut naligiissinneqarnissaa, aalajangersagassatut siunnersuutigineqartup kinguneraa, taamaalilluni allaasorinninnermi malunnaarsaarluni atoqateqarneq allatulluunniit kinguaassiuutitigut atassuteqarneq siunissami pinngitsaaliinertut pissuseqalissalluni.

Allaasorinninnerup atornerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinermi inatsimmi kannguttaalliorfiginninneq pillugu § 84, imm. 1-imi ilaatinneqarsinnaassapput.

Pisumi tassanerpiaq, eqqunngitsuliorfigineqartup kukkunermigut pinerluttuliortumik allaasorinninnerata malitsigisaanik pinerluttuliortup atornerluinera, aalajangersakkami siunnersuutigineqartumi ilaatinneqarpoq. Atassuteqaatit, tassani assersuutigalugu pinerluttuliortoq kinaassutsimi salluliutigineratigut imaluunniit pisoorsuusarnermigut ilisimaneqarluartuusaarnerminiluunniit atoqatiginninnermik allatulluunniit kinguaassiuutitigut atassuteqarnermik angusineranik pisut, suli pinerluutinngortinnejassanngillat.

Pinerluttulerinermi inatsimmi akuersissuteqaqqarnissamik tunngavilimmik pinngitsaaliineq pillugu aalajangersagaq § 77, imm. 1 ullumikkut atuuttoq, aamma akuersissuteqaqqarnissamik oqaatsip imarisaa aalajangerneqareersoq, aalajangersakkap aammattaaq attornavianngilaa.

Aammattaaq inatsisisstatut siunnersuummi oqaaseqaatini nalinginnaasuni imm. 2.6 innersuussutigineqarpoq.

Nr. 2-mut

Inuk meeqqamik 12-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq pinngitsaaliisutut eqqartuunneqassasoq pinerluttulerinermi inatsimmi § 77, imm. 2-mi takuneqarsinnaavoq.

Aammattaaq atassuteqarneq § 77, imm. 2-mut ilaatinneqanngippat, pinerluttuliortup meeqqap ukiui nalunngippagut tamatumunngalu tunngatillugu mianersuaatsumik iliuuseqarsimappat, inuk meeqqamik 15-it inorlugit ukiulimmik kinguaassiuutitigut atassuteqarsimasutut pinerluttulerinermi inatsimmi § 79 malillugu eqqartuunneqassaaq.

Taamaalilluni pinerluttulerinermi inatsimmi § 79 meeqqamik 15-it inorlugit ukiulimmik atoqateqarnissamut allatulluunniit kinguaassiuutitigut atassuteqarnissamik inerteqquteqarluinnarpoq. Meeqqap akuersissuteqaqqarsimanissa pingaaruteqanngilaq, aamma akisussaassutsip nalilerneqarnerani, akuusut arlaata sorliup attaveqarneq

aallartissimaneraa, imaluunniit atornerluineq uani pineqarsimanersoq pingaaruteqanngilaq.

§ 79 malillugu pinerluttulerineq pillugu inatsiseqartitsinermi akisussaaneq, siunertaqarluni iliuuseqarsimanermik piumasaqaatitaqanngilaq meeqqap ukiuisa eqqarsaatigalugit. Pinerluttuliortoq meeqqap ukiui eqqarsaatigalugit mianersuaatsuliorluni iliuuseqarsimappat, pinerluttulerineq pillugu inatsiseqartitsineq malillugu taamaalilluni akisussaatitsisoqarsinnaanngilaq. § 79-im i aalajangersagaq pinerluttulerinermi inatsimmi meeqqamik 12-it inorlugit ukiulimmik atoqatiginninneq allatulluunniit kinguaassiuutitigut atassuteqarneq pillugu § 77, imm. 2-mut naleqqiullugu pingaannginneruvoq, aamma taamaalilluni meeraq 12-it inorlugit ukioqarpal pinerluttuliortorlu taamatut siunertaqarsimappat, aappiullugu § 79-ip unioqqutinnejqarsimanera pillugu eqqartuussisoqassanngilaq. Meeqqap ukiui eqqarsaatigalugit siunertaqarluni iliuuseqarnerup amigaatigineqarnerata malitsigisaanik meeqqamik 12-it inorlugit ukiulimmik atoqateqarneq allatulluunniit kinguaassiuutitigut atassuteqarneq § 77, imm. 2 malillugu pinerluutinngortinnejqanngippat, kisianni § 79 atorneqarsinnaassaaq.

Pinerluttulerinermi inatsimmi § 77, imm. 2-mi *oqaaseqatigiit aappaat* nutaaq siunnersuutikkut ilangunneqarpoq, tassanilu (*oqaaseqatigiit siulliit assigalugit*) inummut 22-ileereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiuutitigut atassuteqartumut assinganik atuuttoq takuneqarsinnaavoq.

Pinerluttuliortoq 22-inik ukioqalereersimappat meeqqamik 15-it inorlugit ukiulimmik atoqateqartoq allakkulluunniit kinguaassiuutitigut atassuteqartoq pinngitsaaliinertut pissuseqartinnejqassasoq, § 77, imm. 2, *oqaaseqatigiit aappaattut* aalajangersagassatut siunnersuutigineqartup kingunerissavaa.

Pinerluttuliortoq 22-inik ukioqalereersimappat, meeqqamik 15-it inorlugit ukiulimmik atoqatiginninneq allatulluunniit kinguaassiuutitigut atassuteqarneq siunissami pinerluttulerinermi inatsimmi § 79-imut

taarsiullugu § 77, imm. 2-mi *oqaaseqatigiit aappaata* ataanut atatinneqarnissaa, siunnersuutip kinguneraa. Pinerluttuliortup suli 22-iliisimannginnerani, meeqqamik 12-inniit 14-it ilanngullugit ukiulimmik atoqateqarneq allatulluunniit kinguaassiuutitigut atassuteqarnerani, pisoq suli § 79-immi ilaatinneqassaaq.

Aalajangersagassatut siunnersuutigineqartumik unioqqutitsinermi pinerluttulerineq pillugu inatsiseqartitsineq malillugu akisussaatitsisoqarnissaanut pinerluttulerinermi inatsimmi § 11-immi tamanna pillugu naliginnaasumik malittarisassaq malillugu pisariaqartinneqartumik siunertaqartoqarsimanissaa piumasaqaataavoq. taamaalilluni aalajangersakkap atorneqarnissaanut, pinerluttuliortup meeqqap 15-it inorlugit ukioqarnera eqqarsaatigalugu siunertaqarsimanissaa piumasaqaataavoq. Pisuni pinerluttuliortoq meeqqap ukiui eqqarsaatigalugit mianersuaalliorsimappat, meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluttulerinermi inatsimmi § 79 malillugu suli eqqartuussisoqarsinnaavoq.

§ 77, imm. 1 aamma pinerluttulerinermi inatsimmi aalajangersagassatut siunnersuutigineqartoq § 77, imm. 2, oqaaseqatigiit aappaat, aporaatsillugit eqqartuussissutigineqarsinnaassapput.

Inatsisisstatut siunnersuutip nalinginnaasumik oqaaseqaataani imm. 2.7 aammattaaq innersuussutigineqarpoq.

Nr. 3-mut

Inuup sulinermut, aningaasaqarnermut, katsorsarneqarnermulluunniit imaluunniit paaqqutarineqarnissamut atatillugu pinngitsuisinnaanngitsup ingasattumik atornerlunneqarneratigut atoqatiginnittooq allatulluunniit kinguaassiuutitigut atassuteqartoq pinerluttulerinermik inatsimmi § 78, imm. 2 malillugu eqqartuunneqassaaq.

Upperisarsiornermik aqutsisup taassumalu ilagiivini ilaasortaasup akornanni pinngitsuuisinnaajunnaarluni atassuteqarnermik atuussinnaasumik, ilaasortamik pineqartumik atoqatiginninniarluni allatulluunniit kinguaassiutitigut atassuteqarniarluni upperisarsiortut aqutsisuata ingasattumik atornerluineranik pinerluutinngortitsisumik, pinerluttulerinermi inatsit ullumikkut aalajangersakkamik imaqanngilaq.

Inatsisisstatut siunnersuummut oqaaseqaatini nalinginnaasuni inatsisit atuuttut pillugit imm. 2.8.1 innersuussutigineqarpoq.

Pinerluttulerinermi inatsimmi § 78, imm. 2-mi *oqaaseqatigiit aappaannik* ilanngussisoqassasoq inatsisisstatut siunnersuutikkut siunnersuutigineqarpoq, tamatumalu kingorna upperisarsiornermi aqutsisoq, aamma upperisarsiornermik aqutsisup ilagiivini ilaasortaasup pinngitsuuisinnaajunnaarluni atassuteqarneranik atasumik, atoqatiginninnissaq allatulluunniit kinguaassiutitigut atassuteqarnissaq pissarsiariniarlugu ingasattumik atornerluisoq, taamaaqataanik eqqartuunneqassaaq (soorlu oqaaseqatigiit siilliit malillugit).

Pinerluttulerinermi inatsimmi § 72, imm. 2-mut pinerluutinngortitsinermik suliassaqarfiup annertusineqarnera allannguutissatut siunnersuutip kinguneraa.

Upperisarsiortut aqutsisuata taassumalu ilagiivini ilaasortaasup akornanni pinngitsuuisinnaajunnaarluni atassuteqarnermik atuttoqarnissaa, aamma atassuteqaatip taassuma upperisarsiortut aqutsisuanit ilaasortamik atoqateqarnerup allatulluunniit kinguaassiutitigut atassuteqarnerup anguneqarnissaanut ingasattumik atornerlunneqarnissaa, aalajangersakkap oqaaseqatigiivisa aappaanni siunnersuutigineqartup atorneqarnissaanut piumasagaataavoq.

Upperisarsiornermik aqutsisup ilagiinnilu ilaasortap akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqutsisup ilaasortamik pineqartumik

atoqatiginninnissani allatulluunniit kinguaassiuutitigut atassuteqarnissani
anguniarlugu pinngitsuuisinnaajunnaarluni atassuteqarneq ingasattumik
atornerluppagu, ilaasortap tarnimigut ajornartorsiuteqarnermini
isumassorneqarnerani allatulluunniit upperisarsiortut aqtsisuannik
immikkut ittumik tatiginninnermik- tatileqatigiinnermillu
atassuteqarnermik ineriartortsitsisimasoqarsimanerani,
aalajangersagassatut siunnersuutigineqartoq ilaatigut atorneqarsinnaassaaq.
Pisuni upperisarsiornermik aqtsisup ilagiimmini ilaasortami,
upperisarsiornermik aqtsisumut piffissami sivisumi kisimi
ilisimasassaanik imaluunniit inuk nammineq pillugu paasissutissanik
avitseqatigisarsimasaanik, tarnikku eqqortiassusermik atornerlunerani,
tamanna pisinnaavoq.

Upperisarsiornermik aqtsisup ilaasortap pineqartup taassumalu ilagiivini
ilaasortap akornanni pinngitsuuisinnaajunnaarluni atassuteqartoqarnermi
atuuttumi, upperisarsiornermik aqtsisup aamma ilagiinni ilaasortap
akornanni assigisaanik sakkortuumik pinngitsuuisinnaajunnaartoqartillugu,
tassani pinngitsuuisinnaajunnaarneq upperisarsiortut aqtsisuannit
ingasattumik atornerlunneqarluni, aammattaaq pisut allat
ilaatinneqassapput. Assersuutigalugu tamanna pisuni, ilaasortap pineqartup
– upperisarsioqatigii ataatsimoornerannit anisitaanissaq annilaangagalugu
– upperisarsiortut aqtsisuannik maliguutiinnaarnerani pisinnaavoq.

Pisuni, ilaasortap tarnimigut eqqortiasunera uukapaatitsilluni qanoq
iliuuseqarnermigut upperisarsiornermik aqtsisup atornerluppagu, soorlu
ilaasortap peqqusersiornikkut, salloqittaankut aalassassaarinikkut
imaluunniit (kinguaassiuutitigut) atassuteqalernissamik aallarniiniarluni
alutorequsaarneq, kinaassutsini, kusagineqarnini, atisalersornini il.il.
ikorsiulligit pineqartumik kajungilersitsiniarnermigut eqqarsaataanik,
isumaanik aamma pissusaanik sunniinerani, ingasattumik atornerluineq
ilaatigut pisinnaavoq. Ilaasortap pineqartup assersuutigalugu
upperisarsiornermik aqtsisup pisoq allamut saatikkaa misigisinnaavaa,
taamaalilluni upperisarsiornermik aqtsisup kinguaassiuutitigut
qaninniarneri aliasunnerup suliarineqarnerani ingerlatsinermi

pissusissamisoortutut misigineqarlutik, imaluunniit qaninniarerit upperisarsiornermut ilaasutut isigilersinneqarlutik.

Pisuni upperisarsiornermik aqutsisup, ilaasortap pineqartumut tunniutiinnarnissaanik siunertaqartumik, ilagiinnit “qimagutitinneqarnissaanik” qunusaarneqarneratigut imaluunniit naleqqutinngitsumik isornartorsiorneqarneratigut, pasitsassaarneqarneratigut imaluunniit unnerluutigineqarneratigut ilaasortap pinngitsuuvisinnaajunnaarnerata atornerlunneqarnerani, ingasattumik atornerluineq aamma pisinnaavoq.

Assersuutit taaneqartut tamakkiisuunngimmata, kiisalu pinngitsuuvisinnaajunnaarluni atassuteqarneq atuuttoq ingasattumik atornerlunneqarnersoq, iliuutsinut taaneqartunut arlalinnut tunngatillugu pissutsit pisimasut apeqqutaassammata maluginiarneqassaaq. Taamaalilluni upperisarsiornermik aqutsisup ilagiivini ilaasortamik, upperisarsiornermik aqutsisumut pinngitsuuvisinnaajunnaarluni atassuteqartumik, atoqatiginninneq allatulluunniit kinguaassiuutitigut atassuteqarneq, aalajangersakkap paasineqarnerani pinngitsuuvisinnaajunnaarluni atassuteqartumik ingasattutut atornerluinerunersoq, pisuni tamani piviusumik naliliinermik pissuteqartinneqassaaq.

Upperisarsiortut aqutsisuata inooqammik inooqateqalernissaata suli periarfissaanissaa siunnersuutip allanngortissanngilaa, aamma pineqartup ilagiivini taanna ilaasortaagaluarpalluunniit. Taamaammat pisuni taamaattuni ilaasortamik atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup pinngitsuuvisinnaajunnaarluni atassuteqarneq ingasattumik atornerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermi immikkut ittumik oqartussaasuuneranik pissuteqartinneqassaaq. Kisianni

pineqartup upperisarsioqatigiinni ilagiinniluunniit akuerisaasuni ilaanissaa piumasaqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornikkut ataatsimoornernik suugaluartunilluunniit, upperisarsiornikkut aqutsisumik imaluunniit ataatsimoorussamik upperisarsiornikkut nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamit, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasortaq imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaanersoq nalilerniarlugu, pineqartup ilagiinni upperisarsiornikkut inooqatigiinniluunniit aaqqissuussinerit qanoq akulikitsigisuiq peqataaffigisarnerai, ilaasortaanermut akiliisarnersoq, pineqartoq ilagiit aqutsisuini ilaandersoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingartinneqarsinnaapput.

Aammattaaq inatsisissatut siunnersummi nalinginnaasumik oqaaseqaatini imm. 2.8 innersuussutigineqarpoq.

Nr. 4-imut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorsimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittumut allatulluunniit kinguaassiuititigut atassuteqartumut, pinerluttulerinerimi inatsimmi § 80, imm. 2 malillugu eqqartuussisoqassaaq.

Taamaalilluni kannguttaalliorfiginninnermi pinerluttulerinerimi inatsimmi § 80, imm. 2 atorneqassanngilaq.

Pinerluttulerinerimi inatsimmi § 80, *imm. 2-mi*, »allatut atoqateqarnikkut piissusilersortoq«-p kingorna »imaluunniit atassuteqarnerit

kanngunarsaataasut atorlugit piitaajuitsuussusianik innarliisoq«, ilanngunneqassasoq siunnersuutigineqarpoq.

Aalajangersakkamut suliassaqarfíup annertusineqarnissaa, aamma kannguttaalliorfiginninneq ilaatilerlugu, allannguutissatut siunnersuutip kingunerivaa. Pissusilersuutit, pinerluttuliortup eqqunngitsuliorfigineqartullu atassuteqarnerat aalajangersakkap suliassaqarfianut ilaatinneqarpat, § 84, imm. 1-imik unioqqutitsinermik kinguneqartut, taamaalillutik siunissami § 80, imm. 2-p ataanut atassuserneqarsinnaalissapput.

Pinerluttuliortoq pineqartup angojoqqaassarippagu- imaluunniit angajoqqaarsiarippagu, imaluunniit eqqunngitsuliorfigineqartoq pinerluttuliortumit ilinniartitassatut perorsagassatulluunniit tatigisatut paarineqarpat, inuk 18-it inorlugit ukiulik pissusilersorermik kannguttaalliorfiginninnermik kingunilimmik pinngitsuutitsissutaasussaajunnaarsitsisumik akuersissuteqaqqaarsinnaanngitsoq, allannguutissatut siunnersuutip kinguneraa. Taamaalilluni pinerluttulerineq pillugu inatsiseqartitsinermi akisussaanermut tunngatillugu eqqunngitsuliorfigineqartup iliuutsit pineqartut qanoq isumaqarfiginerai apeqquaassanngillat, matumanit eqqunngitsuliorfigineqartup piviusumik piitaajusissutsimi innarlerneqarnera misigisimaneraa, aamma taamaalilluni ilaatigut pinerluttulerineq pillugu inatsiseqartitsinermi akisussaanermut tunngatillugu, inuusuttup kajumissaarineratigut kannguttaalliorfiginninnermik iliuuseq pisimanersoq ilanngullugu.

Inuit ilaatinneqartut allanngortinnejarnissaat allannguutikkut allanngortinniarneqanngillat. Inuit ilaatinneqartut ullumikkut pinerluttulerinermi inatsimmi § 80, imm. 2-mi ilaatinneqartut taamaalillutik assigissavaat.

Assersuutigalugu angajoqqaarsiaq, ilinniartitsisoq håndboldternermi sungiusaasoq il.il., inummut 18-it inorlugit ukiulimmur sms-inik

kinguaassiornermut tunngasunik imalinnik nassiussisoq, pineqartumut tatigineqarluni persorsaasussaasoq, ilinniartitsisussaasoq, il.il., pinerluttulerinermi inatsimmi § 80, *imm.* 2 malillugu pinerluttulerineq pillugu inatsiseqartitsineq malillugu akisussaatinneqarsinnaassaaq. Iliuutsinut allanut, § 84, imm. 1-mut ilaatinneqartunut, assersuutigalugu attorneqarnernut, ima pissuseqanngitsunut, “allatut kinguaassiuutitigut atassuteqarnerit atoqatiginninnerunngitsut”-nut ilaatinneqarlutik, nalikkaanik nittarsaassinerit assigisaanillu, tamanna aamma atutissaaq.

Kannguttaalliorfiginninnermut tunngatillugu § 80, *imm.* 2-*mi* aalajangersakkamik atuinermi, iliuutsip kinguaassiuutitigut atassuteqaatinut tunngatillugu atassuteqaateqarnissaa aamma taamatut ingasassuseqarnissaa piumasaqaataavoq. Aalajangersakkap paasineqarnissaatut pinerluttulerineq pillugu inatsiseqartitsineq malillugu kannguttaalliorfiginninneq pisimanoersoq, pissutsit erseqqinnerusut tunngavilissavaat, matumani inuit peqataasut akornanni atassuteqarnerup qanoq issusia ilanngullugu.

Pisoq pinerluttulerinermi inatsimmi kinguaassiuutitigut pinerluutit pillugit kapitalimi aalajangersakkami allami ilaatinneqanngippat, pissusilersuutinut aalajangersakkap suliassaqarfianut ilaasinnaasunut assersuutit tassaasinnaapput eqqunngitsuliorfigineqartup iviangiinik imaluunniit kinguaassiuutaanik attuinerit imaluunniit eqqunngitsuliorfigineqartumik atoqatiginninnissamik allatulluunniit kinguaassiuutitigut atassuteqarnermik kissaateqarnermik paasinarsisitsisunik oqaatsinik kinguaassiornermut tunngasunik atuinerit.

Pissusilersorneq meeqqap inuuusuttulluunniit isumassorneqarneranik takutitsineruppat, pissutsit allakkut tamanna pissutissaqartippassuk, pissusilersornerit aalajangersakkap atorneqarfissaanut suliassaqarfiup nalinginnaasumik avataaniittutut assersuutit tassaapput, angajoqqaassap-imaluunnit angajoqqaarsiap meerassaminik meerarsiaminilluunniit pakkussinera aamma kuniinera. Taamaattoqarnersoq pissusilersornermi pissutsit apeqquaatinneqassapput, matumani illuatungeriit akuusut allakkut misigissutsikkut qanittumik imminnut atassuteqarnersut ilanngullugu.

Pisuni angajoqqaassat angajoqqaarsialluunniit atisaqaratik meerassamut-meerarsiamullunniit takutinneranni aamma tamanna atuuppoq. Soorluttaaq perorsaasup ilinniartitsisulluunniit meeqqamut mikinerusumut isumassuinermut atatillugu attuinerat, assersuutigalugu eqitaarinerat, qaavisigut kuniuinerat imaluunniit tuppallersaanermut atatillugu perorsaasup meeraq sarliarpagu, tamanna aalajangersakkamut ilaatinneqanngitsumik nalinginnaasumik naleqquttumik pissusilimmik iliuuseqarnertut isagineqassaaq.

Illuatungaani atassuteqaatit ungasinnerusut pineqartillugit, soorlu assersuutigalugu ilinniartitsisup atuartullu akornanni, pissutsit malillugit kuniuneq aalajangersakkamut ilaatinneqassaaq. Illuatungaaniili assersuutigalugu timersornermut atatillugu atisaajarneq, kinguaassiuutinut tunngasunik maluginiarnertaqanngitsoq, nalinginnaasumik naleqquttumik pissusilimmik iliuuseqarnertut isagineqassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.4 innersuussutigineqarpoq.

Nr. 5-imut

Kinguaassiuutitigut atassuteqarnerit atoqatiginninnerunngitsut eqqarsaatigalugit, pinerluttulerinerimi inatsimmi §§ 77-imiit 81 ilanngullugu aalajangersakkat atorneqassapput.

Taamaalluni pinerluttulerinerimi inatsimmi §§ 77-imiit 81 ilanngullugu aalajangersakkat pinngitsaaliinikkut naalungiarsuup aqqutaatigut itikkullu atoqateqarneq, kinguaassiuutitigut atorneeluineq, meeqqanik kinguaassiuutitigut atassuteqarneq, alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaaneq aamma akiliilluni inummik inuusuttumik kinguaassiuutitigut atassuteqarneq ilaatinneqarput. Tamatuma saniatigut allatut kinguaassiuutitigut atassuteqarnerit aalajangersakkani ilaatinneqarput, imaappoq iliuutsit atoqatiginninnertut pissusillit,

atoqatiginninnerup taarserneqarneranut atorneqartut imaluunniit allakkut innarlerneqartumut imaluunniit akuusumut atornerlunneqartumut tunngatillugu kinguaassiuititigut innariinernik atoqatiginninnermut qanittunik imallit. Nalinginnaasumik pinngitsoorani aappaata kinguaassiutaanik aappaatalu timaanik toqqartumik attuineq pineqassaaq. Allatut kinguaassiuititigut atassuteqarnertut assersuutitut taaneqarsinnaapput qanersorluni atoqatiginninnerit, kinguaassiuitit kuninneqarnerat il.il., meeqqat aqqutaannut inussanik atortussamilluunniit tigussaasumik pulatitsinerit aamma usuup attualaarneqarnera.

Inatsisit atuuttut pillugit erseqqinnerusumik eqqartunissamut inatsisissatut siunnersummut nalinginnaasumik oqaaseqaatini imm. 2.2.1 innersuussutigineqarpoq.

Pinerluttulerinermi inatsimmi aalajangersakkamik nutaamik § 81 a-mik ilanngussisoqarnissaa siunnersuutigineqarpoq, tassanilu pinerluttuliortup eqqunngitsuliorfigineqartoq imminut kinguaassiuititigut iliuuseqartissimappagu aalajangersakkat §§ 77-imiit 81 ilanngullugu taamaaqataanik atuutissasut takuneqarsinnaassaaq.

Eqqunngitsuliorfigineqarup iliuutsit imminut iliuuserippagit pinerluttuliortullu imaluunniit allap eqqunngitsuliorfigineqartumut taakku suliaritippatigit, pissutsit immikkut ittut aamma pisut aalajangersakkat ataanniitinnejarsinnaanerat, sulisaatsit atuuttut malillugit iliuutsit §§ 77-imiit 81 ilanngullugu ataannut ilaatinnejarsinnaanerat siunnersuutip kinguneraa. Pinerluttulerinermi inatsimmi §§ 77-imiit 81 ilanngullugu atorneqarfissaattut suliassaqarfiup allakkut allanngortinnejarnissaa siunertarineqanngilaq.

Pissutsit malillugit pisunut § 81 a-mut ilaatinnejarsinnaasunut assersuutaasutut taaneqarsinnaavoq, pinerluttuliortup assersuutigalugu eqqunngitsuliorfigineqartup mattaangalluni assiinik siammerterinissaq qunusaarutigalugu, eqqunngitsuliorfigineqartoq inussaminik atortussanilluunniit tigussaasunik nammineq kinguaasiutaanut imaluunniit erluanut pulatitsisikkaa imaluunniit usummik attualaarisikkaa.

Pinerluttuliortup inimi eqqunngitsuliorfigineqartup
isersimaffigisaaniinera imaluunniit assersuutigalugu
eqqunngitsuliorfigineqartup videochat atorlugu iliuutsit pineqartut
suliarinissaannut ilitsersuinera, aalajangersakkap atorneqarnissaanut
apeqqutaanngilaq.

Iliuutsinik pinerluttulerinermi inatsimmi §§ 77-imiit 81 ilanngullugu
ilaatinneqartunik pinerluttuliortumit eqqunngitsuliorfigineqartup imminut
suliaqartinneqarsimanera, aalajangersagassatut siunnersuutigineqartumi
piumasaqaataavoq. Pinerluttulerinermi inatsimmi §§ 77-imiit 81
ilanngullugu pinerluutigineqartup imarisaanut nalinginnaasumik
piumasaqaatit, aammattaaq naammassineqarsimasussaasunut,
aalajangersagaq atatillugu isiginiarneqassaaq. Pinerluttuliortup iliuusaanut
piumasaqaatit, aalajangersakkami innersuussutigineqartumi
pinerluutigineqartup imarisai aammattaaq apeqqutaatinneqassapput.

Pinerluttuliortup eqqunngitsuliorfigineqartumut iliuuserineqartumik
pineqartumik imminut suliarititsinissaanik piumpasaqaatip, pisuni
eqqunngitsuliorfigineqartup nammineq inummik allamik
isiginnaartoqarluni, inummit allamit toqqaannartumik
toqqannangikkaluartumilluunniit sunnerneqanngiivilluni imminut
kinguaassiuutitigut iliuutsinik suliaqarnermik aallarniinerani, pisut
ilaatinneqanngillat. Taamaalilluni pinerluttuliortup peqataanerata aamma
iliuutsit taakku, eqqunngitsuliorfigineqartup suliarisaasa akornanni
pissutsit ataqtigiissapput, imaappoq aappaa aappaanut pissutaassaaq.

Pinerluttuliortup eqqunngitsuliorfigineqartumut iliuutsip pineqartup
imminut suliararititsisimanissaanik piumpasaqaat, § 77, imm. 1-imi
(siunissami imm. 1, oqaaseqatigiit siulliit) pinerluutigineqartup imarisaa
naammassineqarsimappat, pissutsit malillugit naammassineqarsimassaad.
Eqqunngitsuliorfigineqartoq atassuteqaammut
akuersissuteqaqqaarsimanngippat, iliuutsit eqqunngitsuliorfigineqartup
imminut suliarisai, taamaalillutik pinerluttulerinermi inatsimmi § 77, imm.

1, oqaaseqatigiit siullernik unioqqutitsinerusinnaapput. Iliuutsimi
akuersissuteqaqqaartoqarsimanersoq pillugu, inuup nammineq
kajuminnerminik iliuuseq iliuuserisimaneraa tunngavigineqassaaq.
Suliami pissutsit tamaasa tunngavigalugit, pisuni piviusuni
akuersissuteqaqqaartoqarsimanersoq pillugu eqqartuussivik
aalajangiisussaassaaq.

Pisuni pinerluttuliortup nakuusernissamik qunusaaruteqarnerani
imaluunniit inatsisit unioqqutillugit eqqunngitsuliorfigineqartumut iliuuseq
pineqartoq pillugu pinngitsaaliinermigut suliarititsinerani,
akuersissuteqaqqaarneq atuuttoq piunavianngilaq. Assersuutigalugu
eqqunngitsuliorfigineqartup iliuutsit pineqartut suliarinngippagit,
pinerluttuliortup eqqunngitsuliorfigineqartup tamataqarani assiisa tamanut
saqqummiunniarlugit qunusaarinerani, tamanna pisinnaavoq.

Pinerluttulerineremi inatsimmi § 77, imm. 1, oqaaseqatigiit siullit
unioqqutinnejcarnerata akerlianik, pinerluttuliortumit timikkut
iliuuseqarnerani, kisianni eqqunngitsuliorfigineqartumit, iliuutsinik
imminut suliaqartussamit, ilaatigut suliniartoqarsimanissa
piumasagaataavoq. Pisut eqqunngitsuliorfigineqartup
sianigisaqanngitsumik ersinermik tunngavilimmik qanoq issuseqarnerluni
ilatsiinnartutut takutitsinerani, aamma ullumikkut pinerluttulerineremi § 77,
imm. 1, oqaaseqatigiit siullit ilaatinneqarsinnaasumi pisuni
eqqunngitsuliorfigineqartoq assersuutigalugu sininneq imaluunniit
imigassamik sunnerneqarsimaneq pissutigalugu qanoq
iliuuseqarsinnaannginnerani, pinerluttulerineremi inatsimmi
aalajangersagassatut siunnersuutigineqartumi § 81 a-mi iliuutsit
ilaatinneqartut eqqunngitsuliorfigineqartup suliarissallugit sapissagai,
soorunami tamatuma kingunerissavaa.

Iliuutsit eqqunngitsuliorfigineqartup imminut iliuuserisimasai,
pinerluttulerineremi inatsimmi § 77, imm. 1-imi oqaaseqatigiit siullernut
atassuserneqassappata, – pisoq sioqqullugu imaluunniit pisumut atatillugu
– pisuni assersuutigalugu pinngitsaaliineq, qunusaarineq, pinngitsaaliilluni

iliuuseqartitsineq imaluunniit pissutsit allat,
akuersissuteqaqqaarsimanermik atuuttumik peqannginneranik
paasinarsitsisut piusimanissaat, tamatuma kinguneraa. Assersuutigalugu
eqqunngitsuliorfigineqartup aallaqqaataasumik iliuutsit pineqartut imminut
suliarinissaat itigartitsissutigippagit, kisianni kingusinnerusukkut
akuersippat, aamma pisoq sioqqullugu imaluunniit pisup nalaani pissutsit
qunulersitsisut uppermarsaaserneqarsinnaanngippata, taamaalilluni iliuutsit
eqqunngitsuliorfigineqartumit akuersissuteqaqqaarnani
iliuuserineqarsimanissaannut pinerluttuliortumit
siunertaqatoqarsimanavianngilaq.

Pinerluttulerinermi inatsimmi § 77, imm. 2, oqaaseqatigiit aappaattut siunnersummi (inatsisisatut siunnersummi § 1, nr. 1) (malunnaarsaarluni atoqatiginninneq allatulluunniit kinguaassiuutitigut atassuteqarneq), § 78, imm. 1 aamma 2 (kinguaassiuutitigut atornerluineq) aamma § 81-imi (inummik inuuusuttumik akiliilluni kinguaassiuutitigut atassuteqarneq) aalajangersakkat imarisatik malillugit eqqunngitsuliorfigineqartup kinguaassiuutitigut iliuuseqarnissaanik suliaqartinneqarneranut tunngatillugu pinerluttuliortup eqeersimaartumik atuuffeqarsimanissa piumasaqaataavoq, aamma aalajangersakkat pineqartup malillugit eqqartuussisoqarsinnaaneranut piumasaqaatit allakkut naammassineqarsimappata, taamaalilluni pisuni taakkunani pinerluttuliortup eqqunngitsuliorfigineqartup iliuutsimik pineqartumik iliuuseqartitsisimanera pillugu immikkut ittumik uppermarsaasoqarnissa pisariaqanngilaq.

Pinerluttuliortup eqqunngitsuliorfigineqartumik kinguaassiuutitigut iliuuseqartitsisimanissaanik piumasaqaat, taamaattoq inatsimmi § 77, imm. 2-mut (meeqqamik 12-it inorlugit ukiulimmik kinguaassiuutitigut atassuteqarnernikkut pinngitsaaliineq (aamma siunissami), meeqqamut 12-iniit 14-it ilanngullugit ukiulimmut, tassani pinerluttuliortoq 22-inik ukioqalereersimalluni), § 78, imm. 3-mut (inunnik pinerluttuliortup paarisaanik atoqatiginninneq), § 79-imut (meeqqamik kinguaassiuutitigut atassuteqarneq) aamma § 80, imm. 2-mut (alutorineqarneq, kinaassuseq,

kusagineqarneq, atisalorsornerneq, neriorsuutit il.il. ikorsiullugit meerassamik, meerarsiamik, atuartumik il.il kajungilersitsiniaaneq) tunngatillugu immikkut ittumik pingaaruteqarsinnaavoq.

Aalajangersakkat taaneqartut tamarmik kinguaassiuutitigut atassuteqarnernut inerteqquteqarluinnarnermik imaqarnerat tamatumunnga pissutaavoq. Taamaalilluni aalajangersakkat malillugit eqqunngitsuliorfigineqartup akuersissuteqaqqaarsimanissa pingaaruteqanngilaq, soorlu aamma akisussaassutsip nalilerneqarnissaannut akuusut arlaat sorleq aallarniisimanersoq pingaaruteqanngitsoq.

Eqqunngitsuliorfigineqartup iliuutsimik pineqartumik pinerluttuliortumit iliuuseqartinneqarsimanissaanut aalajangersagassatut siunnersuutigineqartumi piumasaqaat, aalajangersakkanut taakkununnga atatillugu, sulianut taamaattunut tunngatillugu pinerluttuliortumit eqqunngitsuliorfigineqartup kinguaassiuutitigut imminut iliuuseqartitsisimanerata, aamma pinerluttuliortoq tassunga tunngatillugu siunertaqarsimanerata uppernarsaaserneqarnissaannik kinguneqartussaassaaq.

Aalajangersakkat taaneqartut kinguaassiuutitigut atassuteqarnernut inerteqquteqarluinnarnermik imaqarnerat eqqarsaatigalugu, pinerluttuliortup peqataasimaneranut piumasaqaatit suut piumasaqaatigineqassanersut pillugit killiliussaq appasisorujussuussaaq. Pinerluttuliortup kinguaassiuutitigut iliuuseqarnermut aallartitsisimanera piumasaqaataassanngilaq, aamma taamaalilluni pissutsit malillugit assersuutigalugu eqqunngitsuliorfigineqartup kinguaassiuutitigut iliuuseqarneq nammineq aallarnersimasaata pinerluttuliortumit ingerlatiinnaqqullugu inanneqarnera naammattussaassaaq.

Pisumi pinerluttuliortoq assersuutigalugu isumapiloqarneq tunngavigalugu tatiginnilersitsiniaaneq, grooming aqqutigalugu, imaluunniit uukapaatitsinerit allatut ilusillit aqqutigalugit, ilinniartitsisup/atuartup akornanni atassuteqarnermi meeqqamik 15-it inorlugit ukiulimmik

imaluunniit inummik 18-it inorlugit ukiulimmik kinguaassiuutitigut iliuutsimik imminut iliuuseqartitsinera, taamaalilluni aalajangersakkat taaneqartut iluaniitinneqassaaq.

Pisuni assersuutigalugu meeraq 15-it inorlugit ukiulik imaluunniit inuk 18-it inorlugit ukiulik ilinniartitsisup/atuartup akornanni atassuteqarnermi nammineq aallartitsinermigut inummit allamit arlaannaatigulluunniit toqqaannartumik toqqaannanngitsumilluunniit sunnerneqarani, inuk alla isiginnaartillugu kinguaassiuutitigut imminut iliuuseqarnera, kisianni aalajangersakkamut ilaatinneqassanngilaq.

Kinguaassiuutitigut iliuuseq pillugu pinerluttuliortup isiginnaartuusimanissa imaluunniit assimik, videomik assigisaanilluunniit tigusisimanera, ilaatigut uppermarsaasersuinissaq eqqarsaatigalugu, aalajangersagassatut siunnersuutigineqartup atorneqarnissaanut aallaaviatigut erseqqissumik piumasaqaataassaaq.

Pissutsini aalajangersakkami allatigut piumasaqaatigineqartuni iliuuserineqarsimappat, atassuteqarneq aalajangersakkamut naleqquttumut atassuserneqassaaq. Assersuutigalugu pinerluttuliortup eqqunngitsuliorfigineqartoq, akuersissuteqaqqaanngitsumik atortussanik tigussaasunik nammineq kinguaasiutaanut imaluunniit erluanut pulatitsinerani imaluunniit nammineq kinguaassiuutaanut mattaangasumut attualaartitsinerani, atassuteqarneq pinerluttulerinermi inatsimmi § 77, imm. 1-ii, oqaaseqatiginnut siullernut atassuserneqassasoq tamatuma kinguneraa. Eqqunngitsuliorfigineqartoq 15-it inorlugit ukioqarpal, aammattaaq atassuteqarneq pinerluttulerinermi inatsimmi § 77, imm. 2, imaluunniit § 79-imut atassuserneqassaaq, aamma eqqunngitsuliorfigineqartoq 18-it inorlugit ukioqarpal pinerluttuliortullu taanna meerarsiariippagu, atuartuitigippagu assigisaannilluunniit paaqqutarippagu, atassuteqarneq aammattaaq pinerluttulerinermi inatsimmi § 80, imm. 2-mut atassuserneqartussaassaaq.

Eqqunngitsuliorfigineqartoq iliuutsinik ingasannginnerusunik imminut iliuuseqaqqullugu pinerluttuliortumit pinngitsaolineqarpat, assersuutigalugu nammineq iviangimi attornissaanut, atassuteqarneq pissutsit malillugit kannguttaalliorfiginninneq pillugu pinerluttulerinermi inatsimmi § 84, imm. 1-imut imaluunniit inatsisit unioqqutillugit pinngitsaaliineq pillugu § 91-imut ilaatinneqarsinnaassapput.

Aammattaaq inatsisissatut siunnersuummi nalinginnaasunik oqaaseqaatini imm. 2.2 innersuussutigineqarpoq.

Nr. 6-imut

Pinerluttuliortup pineqartup ukiui nalunngippagu, imaluunniit tamatumunga tunngatillugu mianersuaalliorsimappat, isiginaartitsinermi pornografiskiusumik isiginnaartitsinertalimmi, inuup 18-it inorlugit ukiullip peqataaneranut inuk suleqataasoq, pinerluttulerinermi inatsimmi § 82, imm. 1 malillugu inuup inuusuttumik atornerluisutut eqqartuunneqassaaq.

Pornografiskiusumik isiginnaartitsinerit assigiinngitsunik ilusillit kinguaassiuutitigut pissusilersornertut isikkullit, matumani pisut peqartup aliikkusersuilluni atisaajarnera imaluunniit mattaangalluni qitinernik allatut ilusinik isiginnaartitsinera ilanggullugit, ilaatinneqarput.

Pinerluttulerinermi inatsimmi § 82, *imm. 1-imi* “pornografiimi” ima allanngortinneqassasoq “kinguaassiuutitigut tunngasumik” allanngortinneqassasoq siunnersuutigineqarpoq.

Allannguutissatut siunnersuutigineqartup taamaallaat aalajangersakkami oqaatsitigut nutarterineq kingunerissavaa. Taamaalilluni isiginnaartitsinerit suut aalajangersakkami ilaatinneqarnersut, imaluunniit pinerluuteqarnermi allakkut imaritinneqartut pillugit killiliussat atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini imm. 2.5 innersuussutigineqarpoq.

Nr. 7-imut

Pinerluttulerinermi inatsit grooming pillugu immikkut ittumik aalajangersakkamik peqanngilaq, taamaaliorneq pisutut, inuup pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut isumapiloqarneq tunngavigalugu tatiginnilersitsiniaanermik ineriertitsineratut paasineqassaaq.

Isumapiloqarneq tunngavigalugu tatiginnilersitsiniaaneq, grooming, taamaattoq pissutsit malillugit pinerluttulerinermi inatsimmi aalajangersakkanik aallanik unioqqutitsinerusinnaavoq, assersuutigalugu kinguaassiuutitigut innarliiniarluni misiliinerusinnaavoq, kannguttaalliorfiginninnerusinnaavoq imaluunniit inummik 18-it inorlugit ukiulimmik kinguaassiuutitigut atortussanik immiussinertut, pigisaqarnermut imaluunniit siaruarterinerusinnaalluni.

Taamaalilluni isumapiloqarneq tunngavigalugu tatiginnilersitsiniaaneq, grooming, assersuutigalugu pissutsit malillugit pinerluttulerinermi inatsimmi § 77, imm. 2-mik imaluunniit § 79-imik unioqqutitseriarnerusinnaavoq, taakkunani meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluutinngortinnejarpooq.

Tamatuma saniatigut isumapiloqarneq tunngavigalugu tatiginnilersitsiniaaneq, grooming, pissutsit malillugit pinerluttulerinermi inatsimmi § 84 malillugu kannguttaalliorfiginninnertut pinerluutaasinnaalluni.

Assersuutigalugu pinerluttuliortup meeqqamik inuusuttumilluunniit atassuteqarneranut atatillugu taanna assinik imaluunniit videonik kinguaassiuutinut tunngassuteqartunik nassiussitippagu, tamanna pissutsit malillugit pinerluttulerinermi inatsimmi § 85, imm. 2 malillugu inunnik 18-it inorlugit ukiulinnik kinguaassiuutitigut atortussanik inummut

kinguaassiuutitigut innarliinermut tunngassuteqartunik pigisaqarnertut eqqartuussissutigineqarsinnaavoq.

Pinerluttulerinermi inatsimmi aalajangersakkatut nutaatut § 82 a-ip ilanngunneqarnissaa siunnersuutigineqarpoq, tamatumalu kingorna inuk pineqartup ukiui nalunngikkunigit imaluunniit tamatumunnga tunngatillugu mianersuaatsuliorluni iliuuseqaruni, systematiskiusumik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni, pineqartup kinguaassiuutitigut innarlerneqarnissaa siunertaralugu, inummik 18-it inorlugit ukiulimmur attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq. Pinerluttuliortup inummik 18-it inorlugit ukiulimmik ataassuteqarnermik ineriartortitsinera, aalajangersagassatut siunnersuutigineqartoq malillugu pinerluttulerineq pillugu inatsiseqartitsinermi akisussasaunuunermut piumasaqaataassaaq. Matumuuna tamanna akuusut akornanni atassuteqarnertut, inuttut, allakkatigut imaluunniit digitaliusumik atassuteqarnerusinnaasoq, piffissallu ingerlanerani ineriartortutut paasineqassaaq.

Meeqqamut inuusuttumulluunniit atassuteqarnermik ineriartortitsineq ilisaqqunnartumik piffissat killillit atorlugit ingerlasarpoq, tassani pinerluttuliortup atassuteqarnerup annertusiartortumik ineriartortinneqarnissaa misilissallugu, taamaalilluni meeqqap inuusuttulluunniit pinerluttuliortoq sunik tamanik oqaloqatigisinnaasatut qanittutullu ikinngutitut isigilissammagu, aamma pinerluttuliortup aatsaat ingerlatsinerup kingusinnerusuani atassuteqarnermi kinguaassiuutitigut sammisat ilisaritissallugit.

Aalajangersakkap atorneqarsinnaanissaanut, inummik 18-it inorlugit ukiulimmik atassuteqarnermik ineriartortitsinneqarsimaneranik piumasaqaatip, aallaaviatigut pinerluttuliortup inuullu 18-it inorlugit ukiullip akornanni arlaleriarluni atassuteqartoqarsimanissaa kinguneraa. Atassuteqarnerit kinguaassiuutitigut tunngasunik imallit ataasiakkat taamaammat pissutsit malillugit illuatungaatigut pinerluttulerinermi

inatsimmi kannguttaalliorfiginninneq pillugu § 84, imm. 1-im
ilaatinneqarsinnaassapput.

Pissutsit allat pissutissaqartippassuk, atassuteqarnissap
ineriartortinneqarnissaai siunertaralugu atassuteqarneq pippat,
assersuutigalugu pinerluttuliortoq meeqqamut 15-it inorlugit ukiulimmum
oqariartuummik uukapaatitsiniutaasumik nassiussinerani, aamma
pinerluttuliortup isumapiloqarneq tunngavigalugu
tatiginnilersitsiniaanerani, grooming-ernerani pisuni allani, periaaseq
taamaattoq atorsimappagu, taamaattoq pisuni ataasiakkaani
kinguaassiuutitigut tunngassuteqanngitsumik attaveqarnerni
aalajangersagaq aamma atorneqarsinnaassaaq.

Aalajangersagassatut siunnersuutigineqartup atorneqarnissaanut akuusut
akornanni atassuteqarnerni tamani pinerluttuliortup aallarniisimanera
pingaaruteqanngilaq. Taamaalilluni meeqqamit inuusuttumilluunniit
pinerluttuliortumut saaffiginninnerit tulleriaat uani pineqarsinnaapput,
tassani atassuteqalernissamut ineriartitsineq suli aalajangersakkap
atuuffissaani ilaatinneqassalluni.

Eqqunngitsuliorfigineqartoq 15-it inorlugit ukioqarpal, taamaammallu
inummik atoqateqarsinnaatitaalersinnani inuup minnerpaamik ukiorisassai
ataallugit ukioqarluni, eqqunngitsuliorfigineqartup attaveqarnermini
siunertarisaa, pinerluuteqarnerup imarisaata naammassineqarneranut
pingaaruteqanngilaq. Taamaalilluni pisut pinerluttuliortup akuusut
akornanni atassuteqarnerup kinguaassiuutinut tunngassuteqalernissaanik
ineriartitsinera, aamma meeraq 15-it inorlugit ukiulik nammineerluni
aallartitaminik pinerluttuliortumut kinguaassiuutinut tunngassuteqartunik
imalinnik apeqquteqarsimagaluarpalluunniit, aalajangersagassatut
siunnersuutigineqartoq taamatut pisunut ilangnugitsivoq.

Eqqunngitsuliorfigineqartoq 15-inik ukioqalereersimappat, taamaammallu
kinguaassiuutitigut nammineersinnaassuseqarluni, illuatungaatigut
eqqunngitsuliorfigineqartup atassuteqarnermini suna siunertarisimaneraa

pingaartinneqartussaassaaq. Eqqunngitsuliorfigineqartup atassuteqarnerup ineriartortinneqarnerani eqeersimaartumik peqataasimanerata, taamaattoq pissutsit malillugit atorneqarsinnaanissaa pinngitsoortissinnaanngilaa, assersuutigalugu pisuni pinerluttuliortoq ingasattumik uukapaatitsilluni piissusilorsorneq takutissimappagu, taannalu eqqunngitsuliorfigineqartup atassuteqarnermut peqataaneranut aalajangiisuuusimappat.

Inummik 18-it inorlugit ukiulimmik atassuteqarnermik ineriartortitsinerup systematiskiusumik imaluunniit uupakaatitsinikkut pisimanera, aalajangersakkap atorneqarnissaanut piumasaqaataassaaq.

Pinerluttuliortup meeqqat inuusuttullu arlaallit systematiskiusumik periaatsini taanna atorlugu atassuteqarfingippagut, assersuutigalugu internetti, inoqatinut attaveqaatit assigisaallu aqqutigalugit periaaseq taanna atorlugu attaveqarnermigut, systematiskiusumik iliuuseqarnissamik piumasaqaat naammassineqarsinnaassaaq.

Uukapaatitsinikkut atassuteqarnerup ineriartortinneqarnissaanik piumasaqaat, ukioqatigisaatut meeraasuusaarluni pinerluttuliortup meeqqamik atassuteqarneranit assersuutigalugu naammassineqarsinnaassaaq, matumanit toqqaannartumik ukiuminik eqqartuinermigut imaluunniit assersuutigalugu meeqqami piviusuunngitsumik ukioqatigiittut isigineqarnissamik pilersitsiniarluni oqariartaatsimik allanngortitsinera ilanngullugu. Upakaatitsiniarnermik piissuseqarnermut assersuut alla tassaavoq, pinerluttuliortup meeqqap inuusutlluunniit assinik tamataqanngitsunik nassiussinissaa siunertaralugu assiliusuusaarnera imaluunniit inummut sungiusaasuusaarnera. Naggataagut assersuutigalugu pinerluttuliortup sulinini aqqutigalugu, assersuutigalugu pisiniarfimmi atorfekartutut, ilaqtariinnik qanittumik atassuteqarnermik ineriartortitsinera, meeqqat kinguaassiuutitigut pinerluttuliorfigineqarnissaat siunertaralugu angerlarsimaffimmi pulaartarnera aamma meeqqanik paarsisarnera uukapaatitsiniarnerusinnaavoq.

Saniatigut ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni atassuteqarermik ineriartortitsinerata pisimanera, aalajangersagassatut siunnersuutigineqartup atorneqarnissaanut piumasaqaataasinnaavoq.

Ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isigineq, pinerluttulerinermi inatsimmi inummik 18-it inorlugit ukiulimmik atoqateqarnissamut allatulluunniit kinguaassiuutitigut atassuteqarnissamut, ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isiginini ingasattumik atornerlullugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaaneq pillugu § 80, imm. 1-imut oqaatsit imarisaannut naapertuuttumik paasineqassaaq.

Aalajangersagaq pisuni pinerluttuliortoq eqqunngitsuliorfigineqartumit utoqqaanerunerani taamaallaat atorneqarnissa piumasaqaatip kinguneraa. Akuusut ukiumikkut, misilitakkamikkut ineriartornermikkullu qanippata, pissutsit malillugit pinerluttulerineq pillugu inatsiseqartitsinermi akisussaatitaanissaq periarfissaassanngilaq.

Eqqunngitsuliorfigineqartoq 15-ileereersimappat, eqqunngitsuliorfigineqartup 15-it inorlugit ukioqarneranut naleqqiullugu, pinerluttuliortup eqqunngitsuliorfigineqartullu akornanni ukiut nikingassutaannut, misilitagaannut aamma inerisimancerannut nalinginnaasumik annertunerusumik piumasaqaateqartoqartussaassaaq.

Aammattaaq aalajangersagassatut siunnersuutigineqartup atorneqarnissaanut pinerluttuliortup meeqqamik inuuusuttumilluunniit kinguaassiuutitigut pinerluttuliornissamik siunertaqarsimanissa piumasaqaataavoq. Iliuuseq, pinerluttulerinermi inatsimmi kinguaassiuutitigut pinerluttuliorerit pillugit kapitalimi 18-imi malittarisassaq ataaseq malittarisassalluunniit arlallit malillugit

pinerluutinngortinneqartoq, kinguaassiuutitigut pinerluttuliornertut
paasineqassaaq.

Taamaalilluni aalajangersakkap atorneqarnissaanut pinerluttulerinerimi inatsimmi kapitali 18 malillugu pinerluttuliortup kinguaassiuutitigut pinerluuteqarnissaminik siunertaqarsimanissaa pingaaruteqassaaq. Kisianni pinerluttulerinerimi inatsimmi kapitali 18-imi aalajangersagaq sorleq pinerluttuliortup unioqqutinniarlugu siunertaqarfigisimaneraa pingaaruteqartussaanngilaq.

Pinerluttuliortup atassuteqarnermik ineriartortsineranut
kinguaassiuutitigut pinerluuteqarnissap siunertarineqarnissaa
piumasqaataassaaq. Taamaattoq piffissami pinerluttuliortup siullermik meeqqamut inuusuttumulluunniit atassuteqarnerani siunertaqarneq pisimasariaqanngilaq, kisianni aamma atassuteqarnerup
ineriartortinneqarnerata nalaani pilersinnaalluni.

Aalajangersagassatut siunnersuutigineqartup unioqqutinneqarnissaanut siunertaqarsimaneq pisimansoq, suliami pissutsit piviusut aallaavigalugit aalajangerneqarumaarpoq. Eqqunngitsuliorfigineqartup ukiuinut tunngatillugu mianersuaatsuliorneq pineqartillugu, assigisaa atuuppoq.

Aamma uani inuk, isumapiloqarneq tunngavigalugu tatiginnilersinneqartoq, groomerneqartoq, inummik atoqateqarsinnaatitaalersinnani inuup minnerpaamik ukiorisassai qaangerlugit ataallugilluunniit ukioqarnersoq immikkortitsissutigineqartussaassaaq.

Meeraq 15-it inorlugit ukiulik pineqarpat, meeqqap tamanna pillugu isumaqataasimanera isumaqataasimannginneraluunniit apeqqutaatinnagit, kinguaassiuutitigut atassuteqarnerit suugaluartulluunniit pinerluutinngortinneqassapput. Taamaalilluni pinerluttuliortup assersuutigalugu meeqqamut kinguaassiuutinut tunngassuteqartunik oqariartutinik imalinnik nassiussisimanersoq imaluunniit timitalerlugu piviusungatitamik naapinnissamut piffissamik nalinginnaasumik

kissaateqarnini oqaatigisimaneraa, uani ilaatigut
pingaartinneqarsinnaapput.

Tassunga atatillugu pinerluttuliortup oqariartaasiani meeqqap sumik suliaqarnissaa pillugu, taassuma suna kissaatigineraa erseqqissarneqarsinnaanngikkaluartoq, kinguaassiuutinut tunngassuteqartunik sammisanik oqaatiginninnernik inerniliussisoqarsinnaanersoq, naliliinermi ilaatinneqarsinnaavoq. Pisut malillugit pinerluttuliortup periaaseq taanna atorlugu meeqqat arlallit atassuteqarfigisimanerai, immaqa siusinnerusukkut meeqqamut innarliisimanersoq, imaluunniit digitaliusumik atortorissaarutaatimini meeqqat assiinik kinguaassiuutinut tunngassuteqartunik peqarnersoq, naliliinermi aammattaaq ilaatinneqarsinnaapput. Akuusut atassuteqarnerat pillugu meeqqap angajoqqaaminut allanulluunniit oqaluttuannginnissaanik pinerluttuliortoq siunnersuuteqarsimanagerit, naliliinermi aammattaaq ilaatinneqarsinnaavoq.

Kisianni inuk 15-ileereersimasoq pineqarpal, pineqartumut nammineq piumassuseq malillugu imminnut kinguaassiuutitigut atassuteqarnerit ilaaffigineqartut pinerluutinngortinneqanngillat. Taamaammat inuup inummik atoqateqarsinnaatitaalersinnani inuup minnerpaamik ukiorisassai qaangerlugit ukiulimmik qaninniarujoornermik imaluunniit kinguaassiuutinut tunngassutilerujussuarnik attaveqaqatiginninnermik peqataasup, illuatungerisap kinguaassiuutitigut pinerluttuliorfigineqarnissaa siunertaralugu taamaaliornersoq, upernarsassallugu nalinginnaasumik ajornakusuussaaq.

Pinerluttuliortoq aalajangersimasumik ingasassusilimmik uukapaatitsisumik pissusilersunngippat imaluunniit ukiut, misilitakkat aamma inerisimanerit annertuumik assigiinngissusaat erseqqissumik atornerlunngippagit, taamaalilluni imminnut aamma nammineq kajumissuseq malillugu kinguaassiuutitigut atassuteqarnissaq siunertaralugu, inummik atoqateqarsinnaatitaalersinnani inuup

minnerpaamik ukiorisassai qaangerlugit ukiulimmik atassuteqarnermik ineriartortitsisoqarnera ilimagineqarsinnaavoq.

Inunnut inummik atoqateqarsinnaatitaalersinnani inuup minnerpaamik ukiorisassai qaangerlugit ukiulinnut tunngatillugu, taamaalilluni pinerluttuliortup assersuutigalugu ukiukinnerunermik imaluunniit utoqqaanerunermik sallunera imaluunniit soqtiginarnerulerumalluni inuunermini taasassaminik ingasattajaarinera naammannavianngilaq. Kisianni pisut malillugit, assersuutigalugu pinerluttuliortup assiliisartuusaarluni inuusuttup tamataqarani isiginnaartitsinissa, assinik tamataqanngitsunik nassiussinissa imaluunniit assigisaanik iliuuseqarnissa aamma atisanik takutitsisartutut inuussutissarsiuteqalernissaanut ikiuiniarnerani, aalajangersagassatut siunnersuutigineqartup unioqqutinneqarnissaanut pisariaqartinneqartumik siunertaqarsimaneq pisimasinnaavoq.

Isumapiloqarneq tunngavigalugu tatiginnilersitsiniaaneq, grooming, pillugu aalajangersagassatut siunnersuutigineqartup pisut, taakkunani piviusumik kinguaassiuutitigut innarliiniarneq pillugu uppernarsaasersuisoqarsinnaanani, eqqorneqarnissaat anguniarpaa.

Pisut, ullumikkut pinerluttulerinermi inatsimmi § 77, imm. 2-mik imaluunniit § 79-imik unioqqutitsinissamut misiliinertut pinerluutinngortinneqartut, taamaalillutik siunissami aamma aalajangersakkat pineqartut malillugit pinerluutinngortinneqassapput.

Assersuutigalugu pinerluttuliortoq meeqqamik 15-it inorlugit ukiulimmik piviusumik naapitsinissaq siunnersuutigisimappagu, aamma assersuutigalugu meeqqamik attaveqaqatigiinnermi erseqqissumik takuneqarsinnaappat, pinerluttuliortup meeqqamik atoqateqarnissaq allatulluunniit kinguaassiuutitigut atassuteqarnissaq siunertarigaa, tamanna isumapiloqarneq tunngavigalugu tatiginnilersitsiniaanermik, grooming-imik ingerlatsinerup malitsigisaanik pippat, pisut malillugit § 21 malillugu, kiisalu isumapiloqarneq tunngavigalugu tatiginnilersitsiniaaneq, grooming,

pillugu aalajangersagassatut siunnersuut aporaatillugit, pinerluttulerinermi inatsimmi § 79 imaluunniit § 77, imm. 2 malillugu eqqartuussisoqarsinnaassaaq.

Isumapiloqarneq tunngavigalugu tatiginnilersitsiniaanermik, grooming-imik ingerlatsinerup sivitsornerani, pinerluttuliortup meeraq inuusutorluunniit assersuutigalugu kinguaassiuutinut tunngassuteqartunik oqariartuutinik assinilluunniit nassiussinermigut, kannguttaalliorfigisimappagu, § 82 a-tut siunnersuutigineqartumut aporaatillugu eqqartuussisoqarsinnaassaaq. Assigisaanik pinerluttuliortoq eqqunngitsuliorfigineqartoq kinguaassiuutinut tunngassuteqartunik atortussanik nassiussinissaanik kajumissaarippat, § 21 malillugu pinerluttulerinermi inatsimmi 84, imm. 1 malillugu kannguttaalliorfiginninnermik misiliinermut aporaatillugu eqqartuussisoqarsinnaassaaq.

Eqqunngitsuliorfigineqartup uukapaatinneqarnera isumapiloqarneq tunngavigalugu tatiginnilersitsiniaanerup, grooming-ip, pissusaaniippoq, taamaammat meeraq inuusutorluunniit nammineerluni pineqartumit innarlerneqarnini pinngitsoornani sianigisariaqanngilaa, aatsaat immaqa taamaaliornerup kingunerujussuatigut sianigilersimassallugu. Taamaalilluni pisuni, meeqqap inuusuttulluunniit nammineerlutik pineqartumit innarlerneqarsimanertik misigisimanavianngilaat.

Aammattaaq inatsisisatut siunnersummi nalinginnaasunik oqaaseqaatini imm. 2.1 innersuussutigineqarpoq.

Nr. 8-mut aamma nr. 9-mut

Inuk inuit 18-it inorlugit ukiullit pillugit assinik filminilluunniit pornografiskiusunik, atortussanik kinguaassiuutitigut innarliinernut tunngassuteqartunik assigisaanilluunniit assilillugit sanaqqiinernik siaruarterisoq, pinerluttulerinermi inatsimmi § 85, imm. 1 malillugu meeqqanik kannguttaatsuliortutut eqqartuunneqassaaq.

Inummut 18-it inorlugit ukiulik pillugu assinik filiminilluunniit pornografiskiusunik, imaluunniit atortussanik inunnut kinguaassiuutitigut innarliinermut tunngassuteqartunik allanik pornografiskiusunik assigisaannilluunniit takusassianik assilillugit sanaqqiinerit pillugit, piginnittumut imaluunniit akiliilluni imaluunniit internetti systemiluunniit assingusoq paasissutissanik siammerterutaasoq atorlugu ilisimasaqalersumut, pinerluttulerinerimi inatsimmi § 85, imm. 2 malillugu tamanna atutissaaq.

»Assit, filmiliat, assigisaalluunniit pornografiskiusut pineqartillugit paasinninnermi, assinik immiussinerit, taakkunani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummut 18-it inorlugit ukiulimmut tunngatillugu atortunik tigussaasunik ima atuisoqarluni, atuineq atoqatigiinermut imaluunniit allatut kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniiniarluni attualaarinninnerit pillugit assiliinermi atorneqarluni. Nipit immiunneqarneri aamma titartakkat aalajangersakkap avataaniippuit. Takusassiat assilillugit sanaqqitat pornografiskiusut allat pineqartillugit ingammik assit qarasaasiakkut sanaat pineqarput, taakku inuk 18-it inorlugit ukiulik piviusoq assilinngilaat, assimik assingulluinnarnarnera eqqaassanngikkaanni. Saqqummiussaq piviusuunngitsoq taamaalilluni assitut assigisaattulluunniit isikkoqarsinnaavoq.

85, *imm. 1-imi* »pornografiimik meeqyanut tunngasumik« ima allanngortinneqassasoq: » inummik inuusuttumik kinguaassiuutitigut innarliinermut tunngassuteqartunik siaruarinerit« aamma § 85, *imm. 2-mi* »Taamatuttaaq pineqassaaq« ima allanngortinneqassasoq »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, siunnersuutigineqarpoq.

Aamattaaq § 85, imm. 1-imí aamma 2-mi »assit pornografiskiusut imaluunniit filmiliat, takusassiat pornografiskiusut allat assilillugit sanaqqitat« ima allanngortinneqassasoq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

Aalajangersakkani allannguutissatut siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Aammattaaq inatsisisssatut siunnersuummi nalinginnaasunik oqaaseqaatini imm. 2.5 innersuussutigineqarpoq.

Nr. 10-mut

Inuk, inuk 18-it inorlugit ukiulik pillugu assinik imaluunniit atortussanik taassuma kinguaassiuutitigut innarlerneqarneranut tunngassuteqartunik siaruarterinerit inuunerlunnermut tunngasunik imaluunniit filmilianik assigisaannilluunniit takusassianik imalunniit internetikkut assigisaatigulluunniit paassisutissanik siammerterinikkut pornografiskiusunik pigisaqartoq imaluunniit akiliilluni takusaqartoq, pinerluttulerinermi inatsimmi § 85, imm. 2 malillugu eqqartuunneqassaaq. § 85, imm. 3 malillugu, pigisaqarnermut pineqartoq akuersissuteqarsimappat, inummik 15-ileereersimasumik tamanna assinik, filminik assigisaanilluunniit pigisaqarnermi taamaattoq tamanna atuutinngilaq.

Pinerluttulerinermi inatsimmi § 85, imm. 3-mi »assit, filmiliat assigisaallu« ima allanngortinneqassasoq » atortussat inunnut kinguaassiuutitigut innarliinermut tunngassuteqartut« siunnersuutigineqarpoq

Inatsisisssatut siunnersuummi § 1, nr. 9 malillugu allannguutissatut siunnersuutigineqartoq § 85, imm. 2-mi oqaatsitigut nutarsaanermut ataqtatigiissillugu isigineqassaaq.

Nr. 11-imut

Pinerluttuliortup pineqartup ukiui nalunngippagit imaluunnit tamatumunnga tunngatillugu mianersuaatsuliorluni iliuuseqarsimappat, tuniniaanissaq allatulluunniit atortussat siammerterneqarneqarnissaat siunertalaralugu, inummik 18-it inorlugit ukiulimmik assinik, filminik assigisaanillu pornografiskiusunik inuk immiussisoq, pinerluttulerinerimi inatsimmi § 85, imm. 4 malillugu eqqartuunneqassaaq.

Assinik immiussinerit, taakkunani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummut 18-it inorlugit ukiulimmut tunngatillugu atortunik tigussaasunik ima atuisoqarluni, atuineq atoqatigiinnermut imaluunniit allatut kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniiniarluni attualaarinninnerit pillugit assiliinermi atorneqarluni. Nipit immiunneqarneri aamma titartakkat aalajangersakkap avataaniippuit.

»assinginik, filmilianik assigisaannilluunniit pornografiskiusunik« pinerluttulerinerimi inatsimmi § 85, *imm. 4-mi* ima allanngortinnejassasoq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit« siunnersuutigineqarpoq.

Aalajangersakkami allannguutissatut siunnersuutigineqartoq taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinnejanganngillat.

Nr. 12-imut

Inuk, inummik inuttassarsiuisoq, angallassisooq, nuussisoq, ineqartitsisoq imaluunniit taamaaliiornerit malitsigisaannik inummik tigusisoq, tassani 1) inatsisit unioqqutillugit pinngitsaalisoqarluni, 2) § 92, 1, oqaaseqatigiit pingajuat malillugu nammineersinnaajunnaarsitsisoqarluni, 3) § 98 malillugu siorasaarisoqarluni, 4) paasinerluinermik inatsisinut akerliusumik pilersitsisoqarluni, sakkortusaasoqarluni atornerluisoqarluni imaluunniit 5)

pineqartup akissarsiutigalugu atortittartuunissa, assinik filminilluunniit pornografiskiusunik immiusseqataanissa, pornografiskiusumik isiginnaartitsilluni isiginnaartitsinissa, pinngitsaaliilluni sulisinneqarnissa, inussiaataanissa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissa siunertaralugu allatut ileqqussaanngitsumik suleriaaseqartoq, pinerluttulerineremi inatsimmi § 93, imm. 1 malillugu inunniq tuniniaasutut eqqartuunneqassaaq.

Inuk pineqartup akissarsiutigalugu atortittartuunissa, assinik filminilluunniit pornografiskiusunik immiusseqataanissa, pornografiskiusumik isiginnaartitsilluni isiginnaartitsinissa, pinngitsaaliilluni sulisinneqarnissa, inussiaataanissa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissa siunertaralugu atornerlunneqarnissa, 1) inuttassarsiuisoq, angallassisooq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tigusisoq imaluunniit 2) inuk, eqqunngitsuliorfigineqartumik oqartussaasup akuersissuteqarnissa anguniarlugu akiliisoq imaluunniit allatigut iluaquitissiisoq, aamma inuk, taamaattumik akilummik allatulluunniit iluaquitissiisummik tigusisoq, § 93, imm. 2 malillugu assigisaanik eqqartuunneqassaaq.

Assinik filmilianilluunniit pornografiskiusunik immiussineq, inatsisissatut siunnersummi § 1, nr. 11 malillugu pinerluttulerineremi inatsimmi § 85, imm. 4-p assigisaanik paasinninnertut paasineqassapput, massa isiginnaartitsineq pornografiskiusumik isiginnaartitsinertalik inatsisissatut siunnersummi § 1, nr. 6 malillugu pinerluttulerineremi inatsimmi § 82, imm. 1-imi oqariartaatsip assingatut paasineqassaaq.

§ 93, imm. 1-imi aamma 2-mi, »pornografiskiusunik« ima allanngortinneqassasoq: »assit imaluunniit atortussat inunnuq kinguaassiuutitigut innarliinermut tunngassuteqartut, soorlu« aamma

»pornografiskiusunik« ima allanngortinneqassasoq: »kinguaassiuutitigut« siunnersuutigineqarpoq.

Aalajangersakkami allannguutissatut siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini imm. 2.5 innersuussutigineqarpoq.

§ 2-mut

Nr. 1-imut

Suliani pinerluttuliornermik tunngassuteqartuni
eqqunngitsuliorfigineqartumut illersuisumik ivertitsisoqarnissaa pillugu
malittarisassanik eqqartuussisarnermik inatsimmi § 333 ilaatigut
imaqarpoq.

Suliani pinerluttulerinermik inatsimmi § 37-imik (nakuuserneq aamma pisortat oqartussaatitaannik nakuuserneq imaluunniit sioorasaarineq), § 74-imik (ilaquqtamik qanigilliinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalorsornerneq, neriorsuutit il.il. ikorsiullugit inummik kajungilersitsiniaaneq), § 81-imik (akiliilluni inuuusuttumik kinguaassiuutitigut atassuteqarneq), § 84, imm. 1-imik (kannuttaalliorfiginninneq), § 12 malillugu § 86, imm. 1-imik (toqutseriarneq), § 88-imik (nakuuserneq), § 89-imik (inuup inuuneranik ilaginnaaneq), § 90, imm. 3 (soqutigittaatsumik il), §§ 91-imiit 93 ilanngullugu malittarisassanik (inatsisit unioqqutillugit pinngitsaaliineq, kiffaanngissusiianeq aamma inunnik nioqquteqarneq) aamma § 112-imik (ujajaaneq) unioqqutitsinermut tunngassuteqartuni inatsimmik unioqqutitsinerit ilungersunartuunngitsut imaluunniit toqqammavissatut

illersuisoqarnissaq erseqqissumik pisariaqanngitsutut isikkullit minillugit, eqqartuussivik eqqartuussisarnermik inatsimmi § 333, imm. 1 malillugu, eqqunngitsuliorfigineqartup noqqaassuteqarneratigut illersuisumik eqqunngitsuliorfigineqartumut tapersersuisussamik aamma ilitsersuisussamik ivertitsissasoq, aalajangersakkap imm. 1-iata malitsigaa. Suliaq pinerluttulerinermi inatsimmi § 74-imik (ilaquattamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikorsiullugit inummik kajungilersitsiniaaneq), imaluunniit § 81-imik (akiliilluni inuusuttumik kinguaassiuutitigut atassuteqarneq), unioqqutitsinermik tunngassuteqarpat, eqqunngitsuliorfigineqartorlu 15-it inorlugit ukioqarpat, eqqunngitsuliorfigineqartoq illersuisoqartinneqarnissaminik pisinnaatitaavoq.

Inatsisissatut siunnersuummi § 1, nr. 5, pinerluttulerinermi inatsimmi isumapiloqarneq tunngavigalugu tatiginnilersitsiniaaneq, grooming, pillugu § 82 a-mi (inatsisissatut siunnersuummi § 1, nr. 7) aamma nammineq kajumissuseq malinnagu kinguaassiuutitigut imminut iliuuseqartitsineq pillugu § 81 a-mi aalajangersagassatut siunnersuutigineqartunut, inatsisissatut siunnersuummi § 1, nr. 5 § 333, *1-imik*, innersuussumik ilanngussisoqarnissaa siunnersuutigineqarpoq.

Eqqunngitsuliorfigineqartup noqqaassuteqarneratigut suliani suliani isumapiloqarneq tunngavigalugu tatiginnilersitsiniaanermik grooming-imik tunngassuteqartuni, aamma nammineq kajumissuseq malinnagu kinguaassiuutitigut imminut iliuuseqartitsinermik tunngassuteqartuni, eqqartuussivik eqqunngitsuliorfigineqartumut illersuisumik aallaaviatigut ivertitsissasoq, aalajangersagassatut siunnersuutigineqartut kingunerisussaassavaat.

Aammattaaq eqqunngitsuliorfigineqartoq 15-it inorlugit ukioqarpat, suliani suliani isumapiloqarneq tunngavigalugu tatiginnilersitsiniaanermik, grooming-imik, tunngassuteqartuni aamma nammineq kajumissuseq

malinnagu kinguaassiuutitigut imminut iliuuseqartitsinermik
tunngassuteqartuni, illersuisumik ivertitsisoqarnissaa pisinnaatitaaffigaa.

Aammattaaq inatsisissatut siunnersuummi nalinginnaasumik oqaaseqaatini
imm. 2.3 innersuussutigineqarpoq.

§ 3-mut

Inatsisip ulloq [1. juli 2024] atuutilernissaa siunnersuutigineqarpoq.

Ilanngussaq 1

Inatsisisatut siunnersuutip inatsimmut atuuttumut ataatsimoortinneqarnera

<i>Oqaasertaliussat atuuttut</i>	<i>Inatsisisatut siunnersuut</i>
	§ 1
	<p>Inatsimmut nalunaarut nr. [...], malillugu Kalaallit Nunaanni pinerluttulerinnermi inatsimmi allannguutit tulliuttut suliarineqassapput:</p>
<p>§ 77. <i>Imm. 1.</i> Pinngitsaaliilluni atoqateqartutut pineqaatissinneqassaaq, atoqateqarsimasoq imal. allatut akuerineqarani peqateqarsimasoq.</p>	<p>1. § 77, <i>imm. 1-imí,</i> <i>oqaaseqatigiit aappaattut</i> <i>ilanngunneqassaaq:</i> »Inummik pinerluttuliortumik allaasorinneq tunngavigalugu malunnaarsaarluni atoqatiginnittumut allatulluunniit kinguaassiuutitigut atassuteqartumut, tamanna aamma atuuppoq.«</p> <p>2. § 77, <i>imm. 2-mi,</i> <i>oqaaseqatigiit aappaattut</i> <i>ilanngunneqassaaq:</i> »Aammattaaq inuk 22-inik ukioqalereersimasoq aamma</p>

	meeqqamik 15-it inorlugit ukiulimmik atoqateqartoq allatulluunniit kinguaassiuutitigut atassuteqartoq taamatut eqqartuunneqassaaq.«
§ 78. --- <i>Imm.</i> 2. Taamatuttaaq	3. § 78, <i>imm.</i> 2- <i>mi</i> <i>oqaaseqatigiit</i> <i>aappaattut</i> ilangunneqassaaq: »Atoqateqarniarluni allatulluunniit kinguaassiuutitigut atassuteqarniarluni, upperisarsiortut aqtsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuisinnaajunnaarluni atassuteqarneranik, upperisarsiortut aqtsisuata ingasattumik atornerluineranut tamanna assinganik atuuppoq.«
§ 80. Atoqatiginninnissamut saasaarisutut eqqartuunneqassaaq kinaluunniit ukiumigut misilitak- kamigullu inersimanerunerminik peqqarniitsumik atornerluilluni inummik 18-it inorlugit ukiulimmik kujannittoq, pinerluuteqartup nalusimangippagu pineqartoq qassnik ukioqartoq imaluunnit tamatumta tungaatigut mianersuaalliorluni iliorsimaguni.	4. § 80, <i>imm.</i> 2- <i>mi</i> , »allatulluunniit atoqateqarnikkut pisusilfersortoq«-p kingorna ilanngunneqassaaq: » atassuteqarnerit kanngunarsaataasut atorlugit piitaajuitsuussusianik innarliisoq.«

<i>Imm.</i> 2. Taamatuttaaq eqqartuunneqassaaq kinaluunniit inummik 18-it inorlugit ukiulimmik qitornassaminik qitornarsiaminilluunniit imaluunnniit imminerminut ilinniartitassan- ngortinneqarsimasumik perorsagassangortinneqarsimasumillu kujannittooq allatulluunniit atoqateqarnikkut pissusilsortoq pinerluuteqartup nalusimanngippagu pineqartoq qassnik ukioqartoq ima- luunnit tamatuma tungaatigut mianersuaalliorluni iliorsimaguni.	
§ 81. ---	5. § 81-p kingorna ilanngunneqassaaq: »§ 81 a. Pinerluttuliortup eqqunngitsuliorfigineqartumut kinguaassiuutitigut imminut iliuuseqartitsinerani aalajangersakkat §§ 77-imiit 81 ilanngullugu taamatuttaaq atorneqassapput.«
§ 82. Inummik inuusuttumik atornerluisimasutut eqqartuunneqassaaq inuk peqataasoq, inummik 18-it inorlugit ukiulimmik ilaatitsisoq pornografiimi isiginnaagassioqataanermut, iliortuusup ilisimappagu pineqartup ukioqqortussusia tamatumunngalu tunngatillugu mianersuaatsumik iliorsimaguni. <i>Imm.</i> 2. ---	6. § 82, <i>imm.</i> 1- <i>imi</i> , »pornografiimi« ima allanngortinneqassaaq: »kinguaassiuutitigut tunngasumik.«

	<p>7. § 82-<i>ip</i> kingorna ilanngunneqassaaq:</p> <p>»§ 82 a. Pineqartup ukiui pinerluttulior tup nalunngikkunigit, imaluunniit tamatumunnga tunngatillugu mianersuaatsuliorluni iliuuseqaruni, inuk, systematiskiusumik imaluunniit uukapaatitsiniarluni ukiuni misilitakkani lu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni, pineqartup kinguaassiuutitigut pinerluttuliorfigineqarnissa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.«</p>
§ 85. Pornografiimik meeqqanut tunngasumik pilersitsinermut eqqartuunneqassaaq kinaluunniit 18-it inorlugit ukiullit assinginik imaluunniit filmlianik assigisaannilluunniit takusassianik pornografiskiusunik siaruarterisoq.	<p>8. § 85, <i>imm. 1-im</i> »Pornografiimik meeqqanut tunngasumik« ima allangortinneqassaaq: »Inummik inuusuttumik kinguaassiuutitigut innarliinermut</p>

	<p>tunngassuteqartunik siaruarterinerit« aamma »assinginik imaluunniit filmilianik assigisaanilluunniit takusassianik pornografiskiusunik siaruarterisoq« ima allanngortinneqassaaq: »atortussat inummut kinguaassiuutitigut innarliinermut tunngassuteqartut, soorlu assit, filmiliat, atortussallu allat assilillugit sanaqqitat,«.</p>
<i>Imm. 2. Inuk 18-it inorlugit ukiulik</i>	<p>9. § 85, <i>imm. 2-mi,</i> »Taamatuttaaq pineqassaaq« ima allanngortinneqassaaq: »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, aamma »assit pornografiskiusut imaluunniit filmiliat, atortussanik inunnut kinguaassiuutitigut innarliinermut tunngassuteqartunik takusassianik allanik assigisaannilluunniit assilillugit</p>

	<p>sanaqqiinerit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.</p> <p><i>Imm. 3. Imm. 2-mi</i> aalajangersakkamut ilaanngillat inunnik 15-inik ukioqalereersimasunik assilisanik, filminik assigisaannilluunniit pigisaqarneq, pineqartoq pigisaqarnermut akuersisimatillugu.</p>
	<p>10. § 85, <i>imm. 3-im</i> »assit, filmiliat assigisaalluunniit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut«.</p>
	<p>11. § 85, <i>imm. 3-mi</i> »assinginik pornografiskiusunik, filminik assigisaanilluunniit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit«.</p>

<p>§ 93. Inunnik nioqquteqarnermut eqqartuunneqassaaq kinaluunniit inunnik katersisoq, angallas- sisoq, nuutsitsisoq, inisimatisisoq imaluunniit kingusinnerusukkut tigusaqartoq, makkuninnga atuiso- qarluni imaluunniit atuisoqarsimalluni</p> <ol style="list-style-type: none"> 1) § 91 naapertorlugu inatsisit unioqqutillugit pinngitsaaliineq, 2) § 92, oqaaseqatigiit siulliit naapertorlugit kiffaanngissusiaaneq, 3) § 98 naapertorlugu siorasaarineq, 4) paasinerluinermik inatsisinut akerliusumik pilersitsineq, sakkortusaaneq atornerluinerluunniit, ima- luunniit 5) allatut ittumik assuarnartumik periuseqarneq siunertalarugu pineqartumik atornerluinissaq kinguaassiuutitigut kanngunartuliornikkut, pinngitsaaliil- luni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piiaanikkut <p><i>Imm. 2.</i> Taamatuttaaq pineqassaaq kinaluunniit kinguaassiuutitigut kanngunartuliortitsinikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piiaanikkut pineqartumik atornerluinissaq siunertalarugu</p> <ol style="list-style-type: none"> 1) inunnik 18-it inorlugit ukiulinnik katersisoq, angallassisoq, nuutsitsisoq, innisimatisisoq 	<p>12. § 93, imm. 1-im aamma 2- <i>mi</i>, »pornografiskiusunik« ima allanngortinneqassaaq: »assit imaluunniit atortussat inunnut kinguaassiuutitigut innarliinermut tungassuteqartut, soorlu« aamma »pornografiskiusunik« ima allanngortinneqassaaq: »kinguaassiuutitigut«.</p>
--	--

<p>imaluun- niit kingusinnerusukkut tigusaqartoq, imaluunniit</p> <p>2) inuk pinerlineqartumut oqartussaasoq atornerluinissamut akuersisinniarlugu akiliuteqartoq allamilluunniit iluaqutissiisoq, aamma kinaluunniit taamatut akilummik iluaqutissiissummilluunniit allamik pissarsiaqartoq.</p>	
	<p style="text-align: center;">§ 2</p> <p>Inatsimmut nalunaarut nr. [...], malillugu Kalaallit Nunaanni eqqartuussisarnermik inatsitsimmi allannguut tulluttoq suliarineqassassaaq:</p>
<p>§ 333. Nakuusemermut imaluunniit taamaaliomissamik qunusaarinermut tunngatillugu pinerluttuler- inermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88-89, 90, imm. 3, 91-92, kiisalu 112-imik unioqqutitsineq pillugu suliassani eqqartuussisut pinerlineqartumiit noqqaavagineqamikkut illersuisumik ivertitsisassapput taassumunnga tapersersuillunilu ilitsersuisuusus- samik, ivertitsisoqassangilarli inatsisinik unioqqutitsineq ilungersunartuunngippat imaluunniit illersui- sumik ikiortissaqartitsinissaq pisariaqanngitsutut isigineqartariaqarpat.</p>	<p>§ 333, <i>imm. I-imi,</i> <i>oqaaseqatigiit siullerni, »§ 77-</i> 81,«-ip kingorna ilanngunneqassapput: »§§ 77- 81 malillugit § 82 a«, aamma <i>oqaaseqatigiit aappaanni, »§§</i> 74 aamma 77-81« ima allanngortinneqassapput: »§§ 77-81 aamma § 84 a malillugit § 74, §§ 77-81, § 81 a«.</p>

Pinerlineqartoq 15-it inorlugit
ukioqarpat illersuisussamik
ivertitsivigineqarsinnaatitaavoq,
suliassaq pinerluttulerinermi
inatsimmi §§ 74-imut aamma 77-
81-imut tunngasuuppat.

Imm. 2-7. ---